

تفسير سورة طه

لسيدنا يوسف بن المسيح
عليه الصلاة والسلام

درس القرآن و تفسير الوجه الأول من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الأول من أوجه سورة طه ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الأول من أوجه سورة طه ، و نبدأ بأحكام التلاوة و أرسلان :

من أحكام النون الساكنة و التنوين :

- الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب عني حبيبي همّني خبره) , و حروف الإظهار تجعل النون الساكنة أو التنوين تُظهر كما هي .

- الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم يكون إخفاء شفويا . مثال : من بعد .

و ثم تابع نبي الله يوسف الثاني ﷺ الجلسة بشرح الوجه لنا فقال :

{بسم الله الرحمن الرحيم} هي آية أولى من سورة طه ، و هي آية عظيمة .

{طه} :

(طه) هنا ربنا بيكلم الرسول محمد ﷺ و بيوصفه بالأوصاف دي ، مش إحنا تعلمنا قراءة أصوات الكلمات ، صح؟؟ فهنا ربنا بيقول له (طه) ، بيسميه كده ، إسم من الأسماء اللي إيه؟ ربنا سماه بها ، زي ما ربنا سماني على لسان الرسول ﷺ في الرؤيا : عَمَّار النَّيِّرْ عُمَر ، صح؟ ، ف دي أسماء ، ربنا بيسمي بها الأنبياء ، علشان يُعطيهم من فيوضها ، لأن سر الحياة هو الإيه؟ هو الأسماء و أصوات الكلمات ، تمام؟ ، فربنا بيقول له (طه) يعني إيه؟ يا مقطوع من شجرة ، يا اللي القلق تاعبك/متعبك ، هو محمد ﷺ إتولد يتيم و بعد ٨ سنين أو ٦ سنين أمه ماتت ، فأصبح إيه؟ يتيم الأب و الأم ، و أصبح زي المقطوع من الشجرة ، عانى آلام اليُتم ، تمام؟ و أصبح الحنان قُطع عنه قطعاً غليظاً من أبيه و أمه ، صح؟؟ ، فسُمي إيه؟ طاء(طاء) و بعدين؟؟ ها(هاء) أي المتنبه القلق ، الذي يبحث عن الحقيقة و الذي في داخله إيه؟ آلام و قلق ، تمام؟ فبحث عن الحقيقة فوجد الله عز و جل فاصطفاه سبحانه و تعالى ، فلذلك سماه الله سبحانه و تعالى (طه) ، أي يا مقطوع باليُتم من حنان أبويك قطعاً غليظاً فتنبهت و قلقت و بحثت عن الحقيقة ، إذا الطاء هو صوت القطع الغليظ ، و الهاء هو صوت التنبيه و القلق ، (طه) هو ده معنى طه ، طيب إيه هي القرينة اللي بتخلينا/بتجعلنا نتأكد إن المعنى ده ، هو معنى قراءة أصوات كلمة طه؟ الآية اللي بعدها .

{مَا أَنزَلْنَا عَلَيْكَ الْقُرْآنَ لِتَشْقَى} :

الآية اللي بعدها (ما أنزلنا عليك القرآن لتشقى) صح؟ إذا طه فيه آلام ، طه صوت جواه/داخله ألم مُبطن ، فربنا بيعزيه و يسليه و يقول له إيه؟ (ما أنزلنا عليك القرآن لتشقى) يعني إحنا/نحن نزلنا عليك القرآن ، علشان إيه؟ نعالج ما في قلبك من آلام ، و لكي نشفي ما في صدرك من أوجاع ، من أوجاع نفسية ، تمام؟ طه ، إذا طه : هو نداء من الله عز و جل ، و هو في حد ذاته شفاء من الله ، لأن أسماء الله عز و جل هي شفاء ، أي الأسماء اللي يطلقها على الأنبياء ، و أسماء الله الحسنی أيضاً شفاء ، (طه) ما أنزلنا عليك القرآن لتشقى) يعني إحنا/نحن نزلنا القرآن عليك عشان يمتنع الشقاء النفسي عنك ، عشان تجد سلوى و تجد راحة و تجد سلام و برد في نفسك .

{إِلَّا تَذَكَّرْ لِمَنْ يَخْشَى} :

(طه ٥ ما أنزلنا عليك القرآن لتشقى ٥ إلا تذكرة لمن يخشى) نزلنا القرآن عشان تبلغه ، عشان تذكّر به أصحاب النفوس إيه؟ القلقة ، أصحاب النفوس التي تبحث عن الحقيقة و تبحث عن التنبيه ، التي تُنبه نفسها و تُحاسب نفسها ، لأن الهاء صوت التنبيه و صوت إيه؟ المحاسبة ، يُحاسب نفسه ، عندما يُحاسب الإنسان نفسه فيكون متقي ، يخشى الله عز و جل ، (إلا تذكرة لمن يخشى) فمين/من اللي هيَتذكّر بالقرآن و يتدبر القرآن؟ من عنده إيه؟ خشية ، و مين اللي عنده خشية؟ الذي يُنبه نفسه دائماً إلى الحقيقة .

{تَنْزِيلًا مِّمَّنْ خَلَقَ الْأَرْضَ وَالسَّمَاوَاتِ الْعُلَى} :

(تنزيلاً ممن خلق الأرض و السماوات العلى) القرآن الكريم تنزيل ، يعني مستمر ، مش مرة واحدة بس/فقط ، لأ ، تنزيل مستمر على مُكث ، تنزيل مستمر على مُكث ، (تنزيلاً ممن خلق الأرض و السماوات العلى) تنزيل من الله العزيز الرحيم ، خلق الأرض التي نحيا فيها ، و السماوات العلى ، كل ما تراه في الكون و كل عالم الروح و عالم الغيب و عالم الحجاب المقدس ، هو الله سبحانه و تعالى الذي خلقه ، فهذا القرآن هو تنزيل من إيه؟ خالق الأكوان و خالق الأسرار .

{الرَّحْمَنُ عَلَى الْعَرْشِ اسْتَوَى} :

(الرحمن على العرش استوى) ربنا هو الرحمن ، الرحمن الذي يُعطي الرحمة لكل عباده ، سواء أكانوا مؤمنين أو غير مؤمنين ، فتنزيله للقرآن هو رحمة للناس جميعاً ، سواء أكانوا مؤمنين أو غير مؤمنين ، لأن القرآن بركة و بركات ، و القرآن هو معيار الرؤى و الكشف ، و في كلماته نفهم معاني الرؤى و الكشف لذلك فالقرآن هي معجزة خالدة ، معجزة القرآن هي معجزة خالدة متجددة مع كل مكلف ، مع كل إنسان ، هي معجزة خالدة متجددة ، (الرحمن على العرش استوى) فيوض ربنا سبحانه و تعالى هي العرش ، و هذه الفيوض تفيض على كل من في السماوات و الأرض و على كل ما في السماوات و الأرض و ما بينهما ، (الرحمن على العرش استوى) أي أن صفاته سبحانه و تعالى كاملة مستوية تفيض على من شاء من عباده سبحانه و تعالى .

{لَهُ مَا فِي السَّمَاوَاتِ وَمَا فِي الْأَرْضِ وَمَا بَيْنَهُمَا وَمَا تَحْتَ الثَّرَى} :

(له ما في السماوات و ما في الأرض و ما بينهما و ما تحت الثرى) ربنا سبحانه و تعالى يملك كل ما في السماوات و كل ما في الأرض و كل ما بين السماوات و الأرض ، يعني ما بين الأكوان التي تراها ، (و ما تحت الثرى) و يملك الأسرار و كل مخفي ، الله سبحانه و تعالى يملك الأسرار و كل مخفي ، (و ما تحت الثرى) أي إياه؟ المخفيات و البواطن ، يملكها الله سبحانه و تعالى .

{وَإِنْ تَجَهَّرْ بِالْقَوْلِ فَإِنَّهُ يَعْلَمُ السِّرَّ وَأَخْفَى} :

(و إن تجهر بالقول فإنه يعلم السر و أخفى) ، (و إن تجهر بالقول فإنه يعلم السر و أخفى) يقول له يا محمد ، أنت بتعلي/بترفع صوتك بذكرى أو بدعوتي أو بما في نفسك و أنا أعلم ما تخفي و ما تعلن ، (و إن تجهر بالقول) يعني إذا كنت أنت بتعلي/بترفع صوتك مظنتة/ظناً بشأن أسمع يعني ، فربنا بيقول له (فإنه يعلم السر و أخفى) ، (يعلم السر) أي ما بين الإثنين ، (و أخفى) أي الذي في داخل الصدور و في داخل البواطن و في داخل الخواطر ، يعلمه الله سبحانه و تعالى ، ف ده هنا درس من الدروس اللي كان بيعلمها ربنا للنبي ﷺ و لكل نبي .

{اللَّهُ لَا إِلَهَ إِلَّا هُوَ لَهُ الْأَسْمَاءُ الْحُسْنَى} :

ربنا بيصف نفسه (الله لا إله إلا هو) إله واحد ، مفيش غيره ، (له الأسماء الحسنى) أسمائه الحسنى اللي هي مكونات عرشه ، هي أسمائه الحسنى ، تمام؟ ، ربنا سماها الأسماء الحسنى أي من الإحسان ، بشأن يُطالبنا و يدعونا و يُشوقنا و يرغبنا في الإحسان ، و من ضمن معاني الإحسان : أن تعبد الله كأنك تراه ، فإن لم تكن تراه فإنه يراك ، يعني تستشعر مراقبة الله عز و جل ، و كذلك الإحسان من معانيه أن تُتبع السيئة الحسنة ، أن تُحسن ،

و مظاهر الإحسان كثيرة جداً ، منها : الدعاء في ظهر الغيب ، منها الصدقة ، منها الكلمة الطيبة ، منها الإبتسامة ، كل ده من مظاهر الإحسان .

{وَهَلْ أَتَاكَ حَدِيثُ مُوسَى} :

(و هل أتاك حديث موسى) آآه ، هنا طبعاً عارفين إن الرسول محمد ﷺ هو مثيل النبي موسى ، صح؟ مثيل النبي موسى ، فربنا ببسليه بقصة موسى ، فهناخذ جزء من إيه؟ قصة موسى في الوجه ده ، (و هل أتاك حديث موسى) سمعت عن قصة موسى قبل كده ، إحنا/نحن هنكررها عليك و نقولها لك بالشكل الصحيح ، ده المعنى يعني ، إذا كان أتاك حديث موسى و أخبار موسى و الوحي الذي تنزل على موسى ، اللي هو حديث موسى ، الحديث اللي حدثناه لموسى يعني ، سواء كان مكالمات أو كشوف أو رؤى أو ما إلى ذلك ، (و هل أتاك حديث موسى) هنا سؤال هنا مش معناه إن ربنا مايعرفش ، لأ ، ربنا عارف إن الرسول عرف و خبر قصة موسى من الكتب السابقة .

{إِذْ رَأَى نَارًا فَقَالَ لِأَهْلِهِ امْكُثُوا إِنِّي آنَسْتُ نَارًا لَّعَلِّي آتِيكُم مِّنْهَا بِقَبَسٍ أَوْ أَجْدٍ عَلَى النَّارِ هُدى} :

(إذ رأى ناراً فقال لأهله امكثوا إني آنست ناراً لعلّي آتيكم منها بقبس أو أجد على النار هدى) كان موسى -عليه السلام- بيرعى الأغنام ، تمام؟ ، و في الطريق ظهرت نار مفاجئة عن قريب ، (إذ رأى ناراً فقال لأهله امكثوا إني آنست ناراً لعلّي آتيكم منها بقبس) أروح أجيب/أحضر جذوة من النار دي ، نطبخ بها أو نستدفيء بها ، (أو أجد على النار هدى) أو أجد حد/أحد بجوار النار دي نسأله عن بعض الإيه؟ الأسئلة ، اللي إحنا عاوزين نسألها في هذه البرية ، سؤال إيه؟ هداية يعني ، هداية طريق ، ده كان مشهد من مشاهد حياة موسى يعني ، بعد طبعاً ما هجر من مصر و إيه؟ تزوج ، تمام؟ ، بعد كده بدأ يعمل في رعي الأغنام ، (إذ رأى ناراً فقال لأهله امكثوا إني آنست ناراً لعلّي آتيكم منها بقبس أو أجد على النار هدى) .

{فَلَمَّا أَتَاهَا نُودِيَ يَا مُوسَى} :

(فلما أتاهما نودي يا موسى) ربنا ناداه ، قال له يا موسى .

{إِنِّي أَنَا رَبُّكَ فَأَخْلَعْ نَعْلَيْكَ إِنَّكَ بِالْوَادِ الْمُقَدَّسِ طُوًى} :

(إني أنا ربك فاخلع نعليك) اخلع الصندل الإيه؟ اللي في رجليك ، (إنك بالواد المقدس طوى) الواد المقدس يعني بقعة مباركة ، وكذلك (الواد المقدس طوى) هو كل أودية الأنبياء الذين يُصطفون فيها وإليها ، لأن عالم الكشف والوحي والروى هو عالم مطويّ مخفي سري باطني بين النبي وبين الله عز وجل ، وبين الولي وبين الله ، وبين المؤمن وبين الله ، فهو عالم مطويّ ، فهو واد المقدس طوى أي مطوي منذ الأزل بين الله وعباده ، وهو وصف بحال إيه؟ الوحي وصف لحال الوصال الذي يحدث بين الله وعباده ، طبعاً ده كان مشاهد من مشاهد حياة موسى ، تمام؟ ، هنكمل ذكر المشاهد اللي ذكرت في طه بأمر الله تعالى في الوجه القادم .

○ و أثناء تصحيح نبي الله يوسف الثاني ﷺ لتلاوتنا ، قال لنا :



- و هذا يُشبهه ، أنا قلت إن طبعاً إيه؟ إن الواد المقدس طوى هو الوادي الذي ، الوادي الروحي يعني ، الذي يصطفي فيه الله سبحانه وتعالى الأنبياء والمحدثين ، تمام؟ فهذا الخطاب هو لكافة الأنبياء ، والله سبحانه وتعالى يُبرز هذه الكلمات في حق موسى ، لنفهم أنها في حق جميع الأنبياء ، وهكذا كل قصص الأنبياء هي قصص جميع الأنبياء ، تمام؟ .

- و أذكركم بتلك المكالمة التي تلقيتها من الله عز وجل ، و هي التي كانت تقول و لا زالت تقول و ستقول : ((و اصطنعتك لنفسى ، إنك بالواد المقدس الطوى ، و أنا اخترتك فاستمع لما يوحى)) . ياالله/هيا يا أحمد(ليتلو آيات من القرآن) .

● و قرأ أحمد آيات من سورة الإنسان ، و صحح نبي الله الحبيب يوسف الثاني ﷺ تلاوته .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك
اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و
أحمد و يوسف بن المسيح صلوات تلو صلوات طيبات مباركات ، و على
أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الثاني من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الثاني من أوجه سورة طه ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه العاشر من أوجه سورة طه ، و نبدأ بأحكام التلاوة و أحمد :

من أحكام النون الساكنة و التنوين :

- الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين حرف من حروفها , و هو نوعان : إدغام بغنة و حروفه مجموعة في كلمة (ينمو) . و إدغام بغير غنة و حروفه (ل ، ر) .

- و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد سما دُم طيباً زد في تقي ضع ظالماً) .

و ثم تابع نبي الله يوسف الثاني ﷺ الجلسة بشرح الوجه لنا فقال :

{وَأَنَا اخْتَرْتُكَ فَاسْتَمِعْ لِمَا يُوحَى} :

(و أنا اخترتك فاستمع لما يوحى) دي إكمال للمكالمة اللي كلمها ربنا لموسى في وقت ما كان بيرعى الغنم و تجلت نار ، و كلمه الله سبحانه و تعالى من خلال هذا التجلي ، حيث قال له : (إنني أنا ربك فاخلع نعليك إنك بالواد المقدس طوى ٥ و أنا اخترتك فاستمع لما يوحى ٦ إنني أنا الله لا إله إلا أنا فاعبدني و أقم الصلاة لذكري) ، طبعاً الوادي المقدس طوى شرحناه في المرة اللي فاتت ، في الوجه إيه؟ السابق ، ربنا هنا بيقول : (و أنا اخترتك فاستمع لما يوحى) ربنا اصطفاه و اختاره عشان يؤدي مهمة معينة ، تمام؟ فربنا أمره و قال له : (فاستمع لما يوحى) اللي أنا هوحى/سأوحى لك به ، إستمع و نفذ ، لماذا بقى؟؟ .

{إِنِّي أَنَا اللَّهُ لَا إِلَهَ إِلَّا أَنَا فَاعْبُدْنِي وَأَقِمِ الصَّلَاةَ لِذِكْرِي} :

لماذا بقى؟ (إنني أنا الله) ربنا بيكلمه ، (لا إله إلا أنا) يعني أنا من أنا ، ربنا بيقول عن نفسه كده ، أنا من أنا ، (إنني أنا الله لا إله إلا أنا فاعبدني و أقم الصلاة لذكري) فاعبدني يعني صل طريقك إليّ من خلال تعبيد عقباته ، أو من خلال تعبيد العقبات فيه لكي تصل إليه ، أي مهد طريق الوصول إليّ ، مهد طريقك للوصول إليّ ، هذا معنى (فاعبدني) ، (و أقم الصلاة لذكري) دائماً صلي ، سواء أكانت الصلاة المفروضة أو الصلاة إيه؟؟ صلاة الأذكار ، الصلاة إيه؟ آه ، صلاة الأذكار ، إحنا بنسميها الصلاة الوسطى .

{إِنَّ السَّاعَةَ آتِيَةٌ أَكَادُ أُخْفِيهَا لِنُجْزِيَ كُلَّ نَفْسٍ بِمَا تَسْعَى} :

(إن الساعة آتية أكاد أخفيها لتجزى كل نفس بما تسعى) المعنى الأول إن هي القيامة الكبرى ، ربنا سبحانه و تعالى قال (أكاد أخفيها) يعني مخبئها/مُخْفِيهَا سبحانه و تعالى عشان يتم الإختبار و الإبتلاء في هذا العالم ، تمام؟ ، و قال (أكاد) يعني أي أن لها أمارات و علامات ، ليست مخفية بالكُلّية ، هي لها أمارات و مُقدمات ، منها الصغرى و منها الكبرى ، طبعاً إحنا دلوقتي/الآن في إيه؟ العلامات الكبرى ، إحنا عايشين دلوقتي/الآن في أمارات الساعة الكبرى ، تمام؟ ، لكن كان قبلها في مقدمات صغرى ، ثم أتت العلامات الكبرى ، فبالتالي لما الشيء يكون له علامات و أمارات و مقدمات ، يبقى كده هو إيه؟ ينطبق عليه قول الله عز و جل (أكاد أخفيها) يعني يكاد إن هو يكون مخفي بالكُلّية ، لكنه ظاهر أو أمارات هذا الأمر ظاهرة لأولي الأبصار و أولي الأبواب ، تمام؟ ربنا سبحانه و تعالى أخفاها و أخفى إيه؟

الغيب بحجاب مقدس ، لا يطلع عليه إلا الواصلون و العارفون و المؤمنون و المتقون و المحدثون و النبيون ، تمام؟ ، ليه بقى؟ عشان يتم الإبتلاء ومايكونش يوصل للحجاب ده و يخترقه و يرى ما خلفه إلا من عبّد طريقه إلى الله عز و جل ، يُعبّد إزاي طريقه إلى الله عز و جل؟؟ إنه يتبع المفروضات و يُزكي نفسه و يتبع أوامر الأنبياء ، (إن الساعة آتية أكاد أخفيها لتجزى كل نفس بما تسعى) كل نفس هتأخذ جزاءها ، جزاء سعيها في هذا الدنيا ، في هذه الدنيا ، في هذه الدار ، سعي ، تمام؟ ، سعي الناس منه الخير و منه الشر و العياذ بالله ، فكل نفس تُجزى بما تسعى ، (لتجزى كل نفس بما تسعى) .

{فَلَا يَصُدُّكَ عَنْهَا مَنْ لَا يُؤْمِنُ بِهَا وَاتَّبَعَ هَوَاهُ فَتَرْدَى} :

بعد كده ربنا بينصحه و بيقول له : (فلا يصدك عنها من لا يؤمن بها و اتبع هواه فتردى) يعني ماتخليش/لا تجعل الملحد أو الذي يكفر بالبعث يصدك عن الإيمان بالبعث ، تمام؟ (فلا يصدك عنها من لا يؤمن بها و اتبع هواه) لأن الذي لا يؤمن هو متبع لهواه ، (فتردى) ، تكون النتيجة إيه؟ (فتردى) ، فتردى أي فتري الداء ، فتري داء العصيان و العياذ بالله ، و كذلك فتردى أي تسقط من علي أو من علو إلى أسفل سافلين و العياذ بالله ، أي أنك تسقط من سماوات الروح إلى قاع الأرض ، تمام؟ ده معنى فتردى ، لفظ يُعبر عن إيه؟ عن معاني ، منها ما هو من خلال قراءة أصوات الكلمات : فتردى أي ترى الداء و العياذ بالله أو (فتردى) أي تتردى ، تسقط ، سقوط من السماوات العلى أي سماوات الروح إلى الأرضين و العياذ بالله ، كذلك (فلا يصدك عنها من لا يؤمن بها و اتبع هواه فتردى) اللي هي ساعة ميّين؟ ساعة قوم فرعون ، ساعة فرعون و قومه ، اللي هو إيه؟ هلاك جنود فرعون و خزي فرعون ، دي كانت ساعة ، ربنا إيه؟ أنبؤه بها (إن الساعة آتية أكاد أخفيها لتجزى كل نفس بما تسعى) دي برضو من معاني الساعة .

{وَمَا تِلْكَ بِيَمِينِكَ يَا مُوسَى} :

(و ما تلك بيمينك يا موسى) ده سؤال تعليمي ، هو هل ربنا مايعرفش اللي بيمين موسى؟ اللي كان الحاجة اللي ماسكها بيمينه ، بيعرف طبعاً ، طيب ببسألّه ليه؟؟؟ عشان يمهد له التعليم ، زي المدرس كده أو المعلم لما ببسأل الطالب عن سؤال ، هل ده معناه إن المدرس أو المعلم لا يعرف الإجابة؟ لأ

، و لكن يُمهد له طريق التعليم ، فيسأله سؤال تعليمي ، (و ما تلك بيمينك يا موسى) إيه اللي في إيدك دي يا موسى؟؟ .

{قَالَ هِيَ عَصَايَ أَتَوَكَّأُ عَلَيْهَا وَأَهُشُّ بِهَا عَلَى غَنَمِي وَلِيَ فِيهَا مَآرِبُ أُخْرَى} :

إيه اللي في إيدك دي يا موسى؟؟ (قال هي عصاي أتوكأ عليها و أهش بها على غنمي و لي فيها مآرب أخرى) عصا بتاع موسى ، تمام؟ كان بيتكأ عليها في إيه؟ في الجبال و الصحراء و بيرعى بها الغنم (و أهش بها على غنمي) ، تمام؟ و بيستخدمها في مآرب أخرى ، بيحتمي نفسه من أي ذيب/ذئب أو ثعلب ، ممكن يحطها/يضعها بين شجرتين يعلق عليها ملابسه و هي مبلولة ، تمام؟ ، يعني إيه؟ لها إيه؟ فوائد كثيرة ، مآرب أي إيه؟ مبتغيات كثيرة ، تمام؟ ، (قال هي عصاي أتوكأ عليها و أهش بها على غنمي و لي فيها مآرب أخرى) طبعاً عصا موسى ، ربنا أراد أن يُباركها و يجعل فيها آية ، يجعل فيها آية ، تمام؟ .

{قَالَ أَلْقَهَا يَا مُوسَى} :

(قال ألقها يا موسى) حطها/ضعها على الأرض ، أرميها على الأرض ، على طول موسى نفذ مباشرة فألقاها .

{فَأَلْقَاهَا فَإِذَا هِيَ حَيَّةٌ تَسْعَى} :

(فألقاها) على طول ، (فإذا هي حية تسعى) تحولت إلى إيه؟ إلى حية/أفعى .

{قَالَ خُذْهَا وَلَا تَخَفْ سَنُعِيدُهَا سِيرَتَهَا الْأُولَى} :

(قال خذها و لا تخف) موسى خاف ، فربنا قال له (قال خذها و لا تخف) عشان يزود عنده إيه؟ اليقين في كلام الله عز و جل ، (سنعيدها سيرتها الأولى) أول ما حط/وضع إيداه على إيه؟ الحية ، إستحالت إلى عصا مرة أخرى ، و أخذها قائماً بها .

{وَاضْمُمْ يَدَكَ إِلَى جَنَاحِكَ تَخْرُجَ بَيْضَاءَ مِنْ غَيْرِ سُوءٍ آيَةً أُخْرَى} :

و بعد كده قال له (و اضمم يدك إلى جناحك) عاوز يبارك إيداه بقى ، زي ما بارك عصاه ، يبارك الإيد اللي مسكت/أمسكت العصاية ، يعني يبارك العصاية و الإيد اللي مسكتها ، قال له ضع يعني إيه؟ يدك لغاية...الساعد جوا/داخل إيه؟ المعطف بتاعك ، جوا/داخل إيه؟ جيبك كده ، الجيب اللي هو تحت إيه؟...الرقبة ، حط/ضع يدك ، و بعد كده خرجها/أخرجها تاني ، أول ما دخلها و بعد كده خرجها ، إيداه بقت إيه؟ لونها أبيض ، ... شكلها إيه؟ ناعمة ، ابيض إيه؟ ناعم ، مافيهش أي عيب ، و بعد كده دخلها تاني و طلعتها رجعت إيه؟ بطبيعتها إيه؟ اللي إتخلق بها موسى ، ربنا هنا بيوريله/يُريه الآيات دي ليه؟ عشان يقول له إن ربنا سبحانه و تعالى يستطيع إن هو/إنه يُغيّر طبيعة الأشياء ، فاللي يُغيّر طبيعة الأشياء قادر إنه ينصرك ، ف ده كان تثبيت لفؤاد موسى ، ليه بقى؟ عشان الأوامر اللي هتيجي دلوقتي ، آيات عشان تثبت فؤاده ، كل نبي كده ، ربنا بيديله/يُعطيّه آيات حسب زمانه ، و حسب مقتضيات الزمان و حاجة الزمان ، بيديله/يُعطيّه آية عظيمة عشان يثبت فؤاده و يديله/يُعطيّه يقين ، تمام؟ طيب ، (قال خذها و لا تخف سنعيدها سيرتها الأولى) و اضمم يدك إلى جناحك تخرج بيضاء من غير سوء آية أخرى) إذا باركنا العصاية/العصا و باركنا الإيد اللي مسكت العصاية .

{لَنُرِيكَ مِنْ آيَاتِنَا الْكُبْرَى} :

(لنريك من آياتنا الكبرى) عشان لما تروح مصر ، هنزل معك آيات ، إحنا باركنا إيدك و العصاية ، العصاية و إيدك اللي مسكتها ، عشان لما تروح مصر هننزل معك آيات ، آيات عظيمة جداً ، اللي هي إيه؟ الآيات التسع أو العشر اللي ضربت مصر جزاء إيه؟ كفر فرعون و قومه بموسى -عليه السلام- ، (و اضمم يدك إلى جناحك تخرج بيضاء من غير سوء آية أخرى

✠ لنريك من آياتنا الكبرى) ده تمهيد عشان في آيات كبيرة هتحصل في مصر بعد ما تدخلها .

{اذهب إلى فرعون إِنَّهُ طَغَى} :

(اذهب إلى فرعون) الأمر هنا بقى ، (اذهب إلى فرعون إنه طغى) فرعون طغى ، فده أمر مباشر من الله عز و جل لموسى ، ليذهب لفرعون عشان يدعوه للإيمان .

{قَالَ رَبِّ اشْرَحْ لِي صَدْرِي ✠ وَيَسِّرْ لِي أَمْرِي ✠ وَاخْلُلْ عُقْدَةً مِّن لِّسَانِي ✠ يَفْقَهُوا قَوْلِي} :

(قال رب اشرح لي صدري) طبعاً موسى خاف من إيه؟ من الأمر ده ، لأنه عارف إيه؟ طغيان فرعون ، و هو موسى كان فاكر إن فرعون هو لسى رعماسيس الثاني ، رمسيس الثاني يعني ، كان خايف جداً ، ربنا طمنه/طمأنه بقى ، تمام؟ ، ربنا طمنه/طمأنه نتيجة الخوف اللي قاله و أظهره الله عز و جل ، تمام؟ اللي إحنا هنفهمه دلوقتي هنا ، و بعد كده لما موسى دخل مصر اكتشف إن إيه؟ الفرعون بقى ابن رعمسيس اللي هو منفتاح.. اللي هو كان إيه؟ يعتبر أخوه أو صاحبه ، تمام؟ متربي معه ، فالرهبة هنا قلت و بدأ يتقوى ، ف دي كانت مفاجئة له ، تمام؟ و دي من تدابير الله عز و جل ، إن هو/إنه ماخلهوش/لم يجعله يرجع مصر إلا لما منفتاح.. هو اللي مسك/أمسك الحكم مش رمسيس الثاني ، تمام كده؟ .

(اذهب إلى فرعون إنه طغى) بعد كده بقى إيه؟ هنا بقى موسى أظهر ضعفه و ضعف حاله أمام الله عز و جل ، (قال رب اشرح لي صدري ✠ و يسر لي أُمري ✠ و احلل عقدة من لساني ✠ يفقهوا قولي) يعني أنا أصلاً مابعرفش أتكلم ، بتأتأ في الكلام ، يعني إيه؟ بخاف من الجماهير ، تمام؟ ، عندي رُهاب و آلام نفسية و رُهاب ، فبالتالي بتأتأ في الكلام ، بعرفش أتكلم ، فبالتالي قال لربنا : (قال رب اشرح لي صدري) لأن صدري ضيق من الخوف و الألم النفسي ، (و يسر لي أُمري) يسر الأمر ، آه ، يسر أُمري ، يسر الأمر الذي تريدني أن إيه؟ أوديه ، (و احلل عقدة من لساني ✠ يفقهوا قولي) يعني إيه؟ أطلق لساني و اجعلني إيه؟ أعرف أتكلم كلام فصيح مفهوم يعني ، (يفقهوا قولي) أي ليفقهوا قولي ، ليفهموا كلامي ، و كذلك (و احلل عقدة من لساني ✠ يفقهوا قولي) يعني لساني يفقه القول اللي في دماغي فيقدر

يتكلم ، يقدر يتكلم بطلاقة ، فمين اللي هيفقه؟؟ اللسان يفقه دماغه ، يفقه أفكاره فيقدر إيه؟ يعبر عنها و يترجمها ، كذلك (يفقهوا قولي) يَفْقَهُوا قَوْلِي يعني الناس تسمعني فايه؟ فيفهموا كلامي ، ده من معاني (يفقهوا قولي) .

{وَأَجْعَلْ لِّي وَزِيرًا مِّنْ أَهْلِي} :

(و اجعل لي وزيراً من أهلي) يعني إيه؟ أيديني بواحد مؤمن من أقاربي .

{هَارُونَ أَخِي} :

(هارون أخي) هارون أخوه .

{أَشْدُدْ بِهِ أَزْرِي} :

(اشدد به أزري) طبعاً هارون كان أكبر من موسى ، أكبر بسنة أو اثنين ، تمام؟ ، طبعاً إيه؟ ربنا هو اللي إداله/أعطاه مساعدة إيه؟ هارون ، و أيده بهارون ، و نَزَّلَ بركات على موسى و هارون ، تمام؟ ، (هارون أخي) ⌘ اشدد به أزري) يعني خليه/اجعله يقويني ، يقوي إيه؟ عزيمتي .

{وَأَشْرِكُهُ فِي أَمْرِي} :

(و أشركه في أمري) يعني في الدعوة بتاعتي خليه/اجعله معي يساعدني .

{كَيْ نُسَبِّحَكَ كَثِيرًا ⌘ وَنَذْكُرَكَ كَثِيرًا} :

(كي نسبحك كثيراً ✕ و نذكرك كثيراً) ننزهك كثيراً و نذكرك في العالمين كثيراً ، و دي فايده الجماعة ، تمام؟ ، إنه يكون عملها أقوى و أفضل .

{إِنَّكَ كُنْتَ بِنًا بَصِيرًا} :

(إنك كنت بنا بصيراً) إنت عالم بخبايانا و أحوالنا ، فأيدنا ، أيد بعضنا ببعض ، ربنا قال له إيه؟ .

{قَالَ قَدْ أُوتِيتَ سُؤْلَكَ يَا مُوسَى} :

ربنا قال له إيه؟ (قال قد أوتيت سؤالك يا موسى) هو دعى ربنا ، و ربنا إستجاب (قال قد أوتيت سؤالك يا موسى) ، (قال قد أوتيت سؤالك يا موسى) ، و هنا بقى إجابة الدعاء اللي بتزود/تُزبد يقين على يقين ، إجابة الدعاء ، اللي بتزود يقين على يقين ، و إيه اللي بيزود اليقين تاني؟؟ تحقق النبوءات ، صح؟ ، و إيه اللي بيزود اليقين تاني؟؟ التفكير في بدء الخلق ، مبدأ الخلق و هو من العدم و دي مسلمة علمية ، كذلك بيزود اليقين إيه؟ الثواب و العقاب في الدنيا قبل الآخرة ، يبقى أربع حاجات بيزودوا اليقين ؛ تحقق النبوءات ، إجابة الدعاء ، بدء الخلق ، و إيه؟ و الثواب و العقاب في الدنيا قبل الآخرة . حد عنده سؤال تاني؟ .

○ و أثناء تصحيح نبي الله الحبيب يوسف الثاني ﷺ لتلاوتنا ، قال لنا :



- طبعاً في معاني باطنية كثيرة جداً في آيات القرآن ، من ضمنها إيه بقى؟ (قال هي عصاي أتوكأ عليها و أهش بها على غنمي و لي فيها مآرب أخرى ✕ قال ألقها يا موسى ✕ فألقاها فإذا هي حية تسعى ✕ قال خذها و لا تخف سنعيدها سيرتها الأولى) هنا معنى باطني إن ربنا إداله/أعطاه القدرة إنه يتحكم في الثعابين ، يعني إيه؟ يعني أي كافر ثعبان ، موسى يقدر يتحكم فيه ، يتحكم فيه إزاي؟؟ من خلال البلاغ المبين ، من خلال الدعوة ، من خلال إيه؟ تعريفه على الله عز و جل ، فيقدر يسيطر عليه بكلامه ، ربنا هنا إداله/أعطاه المعنى ده ، إن هو معه عصاية ، العصا من العصيان مثلاً ،

تحولت إلى إيه؟ حية ، فالنبي هو جاي/يأتي يروض العصاة دول/هؤلاء أو يُبكيهم ، يسيطر عليهم ، يتنبأ عليهم ، يخافوا منه في داخلهم ، في دواخلهم كده بيقوا خايفين من النبي ، ف هنا ده معناه إن هو إيه؟؟ تحكم في العصا التي تحولت إلى ثعبان و ثم لما أمسكها إيه؟ رجعت مرة أخرى إلى إيه؟ إلى عصا ، تمام؟ ، إذا دي من معاني إيه؟ تحول العصا إلى ثعبان ، ثم رجوعها مرة أخرى إلى عصا إيه؟ في يد موسى ، كذلك يد موسى لما تحولت إلى بيضاء كده من غير سوء ، يعني ربنا يريد يقول له إيه؟ إيدك بيضاء ، إيدك نظيفة ، إيدك فيها الخير و البركة ، لأن كل نبي إيده إيه؟ إيده طاهرة ، إيده فيها الخير و النور و البركة ، ده معناه ، ده من معاني الآيتين الأوليين اللتين إيه؟ أعطاهما الله سبحانه و تعالى لموسى ، و كانت مقدمة للآيات الكبرى اللي هتيجي في مصر ، ياالله/هيا(ليُكمل مروان التلاوة) .

● و قرأ أحمد آيات من سورة الإنسان ، و صحح نبي الله الحبيب يوسف الثاني ﷺ تلاوته .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانهك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الثالث من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الميم الساكنة , ثم قام بقراءة الوجه الثالث من أوجه سورة طه ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثالث من أوجه سورة طه ، و نبدأ بأحكام التلاوة و رقيقة :

أحكام الميم الساكنة :

إدغام متماثلين صغير و هو إذا أتى بعد الميم الساكنة ميم أخرى فتدغم الميم الأولى في الثانية و تنطق ميماً واحدة .

و الإخفاء الشفوي و هو إذا أتى بعد الميم الساكنة حرف الباء و الحُكم يقع على الميم أي الإخفاء يكون على الميم .

و الإظهار الشفوي و هو إذا أتى بعد الميم الساكنة جميع الحروف إلا الميم و الباء ، و الإظهار طبعاً سكون على الميم نفسها يعني الحُكم يقع على الميم .

و ثم تابع نبي الله يوسف الثاني ﷺ الجلسة بشرح الوجه لنا فقال :

ربنا سبحانه و تعالى في هذا الوجه بيذكر مِنَّةً أخرى و نعمةً أخرى أنعم بها سبحانه و تعالى على موسى -عليه السلام- و يُذكره بما كان معه في ماضيه و ما سبق من الأيام و السنين ، فقال :

{وَلَقَدْ مَنَّا عَلَيْكَ مَرَّةً أُخْرَى} :

(و لقد مننا عليك مرة أخرى) أعطيناك مئة و نعمة ، مئة و نعمة ، و المئة هي النعمة المشددة ، نون مشددة أهى ، مئة ، نعمة عظيمة ، (و لقد مننا عليك مرة أخرى) .

{إِذْ أَوْحَيْنَا إِلَىٰ أُمِّكَ مَا يُوحَى} :

(إذ أوحينا إلى أمك ما يوحى) ربنا سبحانه و تعالى بيوحى لكل المخلوقات ، بيوحى لكل المخلوقات ، (إذ أوحينا إلى أمك ما يوحى) إديناها/أعطيناها إلهام و رؤيا ، (ما يوحى) المفروض إنه يوحى في هذا إيه؟ الموقف يعني ، (إذ أوحينا إلى أمك ما يوحى) الذي من المفترض أن أوحيه في هذا الموقف ، لأنني إيه؟ اختصاصتك بعنايتي و رعايتي و منّتي ، تمام؟ .

{أَنۢ أَقْذِفِيهِ فِي التَّابُوتِ فَآقْذِفِيهِ فِي الْيَمِّ فَلْيُلْقِهِ الْيَمُّ بِالسَّاحِلِ يَأْخُذْهُ عَدُوٌّ لِّي وَعَدُوٌّ لَهُ ۚ وَأَلْقَيْتُ عَلَيْكَ مَحَبَّةً مِّمِّي وَلِتُصْنَعَ عَلَىٰ عَيْنِي} :

(أن أقذفيه في التابوت فاقذفيه في اليم فليلقه اليم بالساحل يأخذه عدو لي و عدو له) طبعاً السنة اللي اتولد فيها موسى ، كان فرعون عامل/وضع قانون إنه يقتل كل ذكور بني إسرائيل المولودين إيه؟ حديثاً ، تمام؟ ، لأن هو ، المنجمين و العرافين و السحرة قالوا له : إنه في نبوءة ، في طفل في بني إسرائيل هيتولد ، هيكون سبب في زوال ملكك ، تمام؟ ، فقال : خلاص ، شوف الإجرام بقى ، قال : نقتل كل المواليد الحديثة من بني إسرائيل في مصر ، ساعتها ده إنسان إيه؟ مجرم ، حد كان يقدر يوقف قدامه/أمامه؟؟؟ ، فربنا سبحانه و تعالى أراد أن يصنع آية ، آية تستوي عبر السنين ، آية تستوي عبر السنين ، فقال إيه لوالدة موسى في الرؤيا : اجعلي للطفل تابوت ، تابوت مغلق يعني ، صغير كده على قده ، و حطيه/ضعيه في نهر النيل و سيبه/اتركه ، (أن أقذفيه في التابوت فاقذفيه في اليم) بعد كده ربنا أمر البحر ، اللي هو نهر النيل و التابوت ، إنه يسير إلى أن يصل إلى الساحل المباشر لقصر فرعون ، لأن قصر فرعون كان على نهر النيل ، (فليلقه اليم بالساحل يأخذه عدو لي و عدو له) فرعون إيه؟ هيكفل موسى نتيجة

إيه؟ إستشفاع مين؟ ((آسيا/إجابة أحد أفراد أسرة يوسف)) آه ، إستشفاع إيه؟ مين؟ ((زوجة فرعون)) أم/نعم ، هو في الكتاب المقدس كاتبين إن هي إيه؟ واحدة إسمها باتيرا ، دي إيه؟ كانت من إيه؟ من حاشية فرعون يعني ، كانت مقربة منه (جارية) ، أو زوجته ، تمام؟ ، أخذته ، وقالت إن هي عاوزه تربيته لأن هي مابتخلفش/لا تنجب ، عاوزه تحس بالإيه؟ بالأومومة معه ، و خلاص ده طفل صغير و هيكون في حضني ، في حضن مين؟ فرعون ، في القصر ، هيئذيه/هيؤذيه؟ محدش هيتوقع ذلك طبعاً ، هيبقى تحت عينيه ، فلم يخشى منه شيئاً ، هو كان خايف من حد غريب أو حد مايعرفهوش ، و لكن هنا يتجلى مكر الله عز و جل (و يمكرون و يمكر الله و الله خير الماكرين) (و مكروا و مكر الله و الله خير الماكرين) ، تمام؟ ، من هنا بقى ربنا بيخلق الآيات ، لأنه يخرج الأمور من أضدادها ، (أن اذفيه في التابوت فاذهبه في اليم فليلقه اليم بالساحل يأخذه عدو لي و عدو له) عدو الله و عدو لموسى ، اللي هو مين؟ فرعون ، (و ألقيت عليك محبة مني و لتصنع على عيني) ، (و ألقيت عليك محبة مني) محبة من الله عز و جل على موسى ، يعني كل اللي يشوفه يحبه ، كل اللي يشوفه يحبه ، طفل جميل فيه قبول و نور ، و عليه محبة الله عز و جل ، (و ألقيت عليك محبة مني و لتصنع على عيني) أنا قدرت لك القدر ده لكي تصنع و تسوى على رعايتي و تحت رعايتي ، (على عيني) أي برعاية الله عز و جل ، تمام؟ ، فطبعاً إيه؟ اللي أخذته سواء كان إسمها باتيرا أو آسيا اللي هي زوجة فرعون ، ربه و علمته ، تمام؟ و أصبح إيه؟ من أمراء القصر ، بل و أصبح قائد في الجيش الفرعوني كمان/أيضاً ، قائد من قواد الجيش ، لكن حصل ، ربنا سبحانه و تعالى لم يريد إنه إيه؟ يكمل في هذا السلك ، يعني إيه؟ ربنا سبحانه و تعالى بيقول إيه؟ (الذي خلق فسوى) (سبح بحمد ربك الأعلى) الذي خلق فسوى ربنا سوى الفترة الزمنية دي و أكملها لكي يكتمل أمر ما لموسى ، بعد كده خلاص ، ربنا قدر إنه ينقطع ، تنقطع معيشته في قصر فرعون ، و تنقطع وظيفته في مصر ، عشان يهيا بقى لأمر آخر أعظم ، ربنا كتبه في القدر ، تمام؟ ، طيب ، ربنا لسي/لا يزال إيه؟ بيحكنا بدايات كفالة موسى و تربيته من قبل إيه؟ امرأة فرعون .

{إِذْ تَمْشِي أُخْتُكَ فَتَقُولُ هَلْ أَدُلُّكُمْ عَلَىٰ مَن يَكْفُلُهُ ۖ فَرَجَعْنَاكَ إِلَىٰ أُمِّكَ كَيْ تَقَرَّ عَيْنُهَا وَلَا تَحْزَنَ ۚ وَقَتَلْتَ نَفْسًا فَنَجَّيْنَاكَ مِنَ الْغَمِّ وَفَتَنَّاكَ فُتُونًا ۚ فَلَبِثْتَ سِنِينَ فِي أَهْلِ مَدْيَنَ ثُمَّ جِئْتَ عَلَىٰ قَدَرٍ يَا مُوسَىٰ ۚ

(إذ تمشي أختك فتقول هل أدلكم على من يكفله) تمام؟ ، يعني إيه؟ الطفل ده موسى ، ماكنش عاوز يرضع من مرضعات القصر الفرعوني ، كان رافض إيه؟ الرضاعة هناك ، و هم عاوزين يخلوه/يجعلوه يرضع عشان يكبر و

يقوموا برعايته ، صح؟ ، فأخت موسى ، تمام؟ ، قالت لهم إيه؟ (إذ تمشي أختك فتقول هل أدلكم على من يكفله) أنا أعرف واحدة ممكن ترضعه ، طبعاً هم إيه؟ فرحوا بكده ، لأن هم عاوزين مصلحة الولد ، إيه اللي حصل؟ (فرجعناك إلى أمك) رجع تاني لأمه عشان يرضع بس/فقط ، بس/فقط تحت رعاية إيه؟ القصر الفرعوني ، (فرجعناك إلى أمك كي تقرر عينها و لا تحزن) ف دي آية في حد ذاتها ، (و قتلنا نفساً فنجيناك من الغم و فتنناك فتوننا) القرآن بيقول الأحداث مختصرة و إيه؟ مركزة ، لأن هو قرآن ، قرآن يعني مركز ، القرآن من الإيه؟ التجميع و التركيز ، تمام؟ ف هنا الكلمات بتختصر أحداث تاريخية ، بين كل كلمة و الثانية ، سنين و أحداث ، طبعاً إيه؟ موسى رضع و كبر و تعلم و بقى يعتبر من أمراء القصر ، تمام؟ و بقى عنده قوة و عزة ، لأنه تربى كأمر ، مش زي بني إسرائيل عبد ، لا ، فعشان كده ربنا رباه في المكان ده عشان يبقى عنده قوة و عزة و إعتزاز بالنفس ، يقدر يخلص بني إسرائيل بعد كده ، ف دي حكمة إلهية ، تمام؟ و في نفس الوقت كانت له علاقة مع مين؟ مع بني إسرائيل ، و مع إيه؟ أمه الحقيقية ، تمام؟ يوكابد ، أمه الحقيقية كان اسمها يوكابد ، تمام؟ طيب ، و أخته كان اسمها إيه؟ مريم ، صح كده؟ طيب ، (إذ تمشي أختك فتقول هل أدلكم على من يكفله فرجعناك إلى أمك كي تقرر عينها و لا تحزن) ، بعد كده لما كبرت ، إنت طبعاً متعاطف مع بني إسرائيل ، فمريت مرة في المدينة فوجدت أحد الإيه؟ المصريين أتباع فرعون ، أو أحد جنود فرعون بيؤذي واحد من بني إسرائيل و كاد أن يقتل الإسرائيلي ده ، فموسى عمل إيه؟ موسى ما بيرضاش بالظلم ، قام ضرب إيه؟ الجندي دوت/هذا ضربة ماكنش يقصد إنه هو إيه؟ يقتله ، لكن الضربة جات/أتت على مقتل ، ضربه ضربة ، وكزه مباشرة بكل قوة فمات ، فخاف موسى إنه قتل أحد جنود فرعون ، مع إنه كان أمير بس هو إنسان إيه؟ شريف ، إنسان شريف فحس بالمسؤولية و خاف ، (و قتلنا نفساً فنجيناك من الغم و فتنناك فتوننا) نجيناك من الغم ، إن إنت إيه؟ هاجرت بقى من مصر ، تركت كل حاجة ، هاجرت من مصر و تركت كل حاجة وراك ، ذهبت إلى إيه؟ إلى منطقة سيناء ، عند قبيلة مدين ، تمام؟ ، (فنجيناك من الغم) الغم بتاع إيه؟ الأمر اللي إنت و الخطأ اللي فعلته ده عن غير قصد ، (و فتنناك فتوننا) يعني ابتليناك ابتلاء إيه؟ عظيماً ، تمام؟ ، و كلمة (فتنة) إحنا كنا قلناها قبل كده ((من أصوات الكلمات)) : فت النعمة أو أثمر في النعمة ، فتن ، أو جعل تأفف و إنقطاع خفيف مؤقت في النعمة ، الفاء : تأفف ، إحساس بالألم و التأفف يعني ، التاء : إنقطاع مؤقت ، و النون : النعمة ، تمام؟ هو ده معنى أو قراءة أصوات الكلمات في كلمة فتن ، تمام؟ ، طيب ، الغم : الغين : غبش و ضباب و عدم إتضاح للرؤية ، لأن هو لما فعل الأمر ده خاف ، و كان الأمر بالنسبة له مشوش ، الميم هنا ألم ، لأن الميم لذة و ألم ، لكن هنا موضعها و قراءة صوتها هنا بيقول إن هو ألم ، غم : إذاً ضباب و عدم إتضاح للرؤية و شعور بالألم ، هو ده معنى الغم ، بعدين؟ (فلبثت سنين في أهل مدين) قبيلة مدين في شمال سيناء ، (ثم جئت على قدر يا موسى) رجعت تاني لقدر محدد إحنا ، رينا سبحانه و تعالى حدده ، يعني بقانون إيه؟ أو بمبدأ إيه؟ شمعات فيصلة على الطريق معنونة ،

ربنا قدر له إنه هيرجع في الوقت الفلاني ، في الوقت المحدد ده ، طبعاً إنتو عارفين قصة إيه؟ الهجرة بتاعته ، هاجر و بعد كده إيه راح لقبيلة مدين ، و لقي مجموعة من الرعاة بيسقوا الغنم ، و في بنتين مش عارفين يسقوا ، فسقى للبنتين دول/هاتين ، البننتين دول/هاتين كانوا بنات مين؟ رجل دين اسمه يثرون ، كان موجود في مدين ، و بعد كده لما البننتين قصوا القصة على والدهما ، إيه؟ فحب/أحب إن هو يتعرف على موسى ، و من هنا إيه؟ بدأت تنشأ بينهم علاقة و تزوج بنت إيه؟ يثرون ، و قعد ١٠ سنين في مدين يرعى الغنم و يساعد يثرون ، و بعد كده ربنا إيه؟ أوحى له إنه يرجع ، في الوجه اللي فات بقى ، ربنا أوحى له إنه يرجع في الوجه اللي فات ، القصة بتاعت إيه؟ المكالمة اللي حصلت ما بين ربنا و موسى ، تمام؟ عند تجلي إيه؟ النار ، عند التجلي الذي ظهر فيه الله سبحانه و تعالى لموسى ، تكلمنا عنه في الوجه اللي فات .

{وَاصْطَنَعْتُكَ لِنَفْسِي} :

(فابثت سنين في أهل مدين ثم جئت على قدر يا موسى x و اصطنعتك لنفسى) كل الأحداث دي و الرحلة دي ، و الهجرة دي و التربية دي كلها ، و البيئة دي و البيئات اللي إنت نشأت فيها ، كل دي إسمها صناعة إلهية لهذا الإنسان لكي يؤدي المهمة الرسولية التي قدرها الله له ، يعني حياة النبي أصلاً بتبقى صناعة إلهية ، ربنا بيصنعه و بيصنع نفسه و بيصنع إيه؟ مقوماته علشان يؤدي المهمة بتاعته اللي ربنا قدره ، ف دي رعاية إلهية و صناعة إلهية و تربية إلهية و تسوية إلهية عظيمة ، تمام؟ ، (و اصطنعتك لنفسى) كل ده صناعة ، أنا صنعتك يا موسى ، و هكذا كل الأنبياء .

{اذْهَبْ أَنْتَ وَأَخُوكَ بِآيَاتِي وَلَا تَنِيَا فِي ذِكْرِي} :

(اذهب أنت و أخوك بآياتي و لا تنيا في ذكرى) يالله/هيا ادخلوا مصر و إيه؟ بشروا بدعوتي ، و أول واحد تكلموه في دعوتي مين؟؟ فرعون نفسه ، (اذهب أنت و أخوك بآياتي) إنت يا موسى و هارون أخوك ، (بآياتي) بالآيات اللي أنا إديتها لكم/أعطيها لكم و هديها لكم/سأعطيها لكم ، اللي أنا أعطيها لكم و سأعطيها لكم ، (و لا تنيا في ذكرى) يعني لا تكلموا في ذكرى و في تبليغ دعوتي و في تبليغ التوحيد لإيه؟ لفرعون و لإيه؟ للمصريين .

{اذْهَبَا إِلَىٰ فِرْعَوْنَ إِنَّهُ طَغَىٰ} :

(اذهبا إلى فرعون إنه طغى) اذهبا إلى فرعون و بلغاه بتوحيد الله ، (إنه طغى) طغى يعني تجبر و تجاوز الحد و أوغل في الظلم ، تمام؟ و طغى من الطغيان أي التجاوز و التعدي ، طغى من أصوات الكلمات : الطاء قطع غليظ ، و الغين إيه؟ غبش و عدم إتضاح للرؤية ، تمام؟ فهكذا هو طريق الظلم و الشرك يُعطي القطع الغليظ عن الله و يُعطي عدم إيه؟ وضوح الرؤية و الشكوك و الإرتياب و الضلال ، تمام؟ طيب ، لأن صوت الغين أيضاً يُعطي إيه؟ معنى الضلال ، لأن الضلال هو إيه؟ عدم إتضاح الرؤية و التوهان و التيه ، تمام؟ .

{فَقُولَا لَهُ قَوْلًا لَّيِّنًا لَّعَلَّهُ يَتَذَكَّرُ أَوْ يَخْشَى} :

(فقولاً له قولاً ليناً لعله يتذكر أو يخشى) كلموه بالإحسان و بالحسنى يمكن ، (لعله) يمكن ، (لعله يتذكر) يعني يتذكر فطرته الأولى و ميثاق التوحيد يعني (أو يخشى) أو يخاف فيقل ظلمه أو يمتنع عن الظلم ، خلي بالكم ، (فقولاً له قولاً ليناً لعله يتذكر أو يخشى) (لعله) يعني إيه؟؟ يعني ربنا سينظر نتيجة دعوة موسى و هارون لفرعون ، ممكن فرعون إيه؟ يقبل و ممكن مايقبلش ، ف ده لازم كلمة (لعله) ، فهتموا؟ عشان ربنا يفهمنا إن الإنسان مُخَيَّر و بإختياره يكون فيما يليه مُسَيَّر ، في سلسلة من التخييرات تتبعها التسييرات ، تمام؟ أهو ، لازم الكلمة اللي ربنا قالها دي (لعله) بيقول كده ، صح؟ .

{قَالَا رَبَّنَا إِنَّنَا نَخَافُ أَنْ يُفْرِطَ عَلَيْنَا أَوْ أَنْ يَطْغَى} :

(قالا ربنا إننا نخاف أن يفرط علينا أو أن يطغى) موسى و هارون قالوا إحنا خايفين يا رب ، طبعاً بلسان مقالهم و بلسان حالهم يعني ، و بلسان إيه؟ نيتهم و إيه؟ و ضمائرهم ، (قالا ربنا إننا نخاف أن يفرط علينا أو أن يطغى) خايفين ليطغى علينا فرعون أو يتجاوز الحد في ظلمنا ، يفرط يعني يتجاوز الحد .

{قَالَ لَا تَخَافَا إِنَّنِي مَعَكُمَا أَسْمَعُ وَأَرَى} :

رينا قال لهم إيه؟ (قال لا تخافا) ربنا بيضمن لهما السلامة ، (قال لا تخافا) دي في حد ذاتها آية ، إن هو قال لهم هتخشوا/هتدخلوا و تدعوه و مهمما حصل مش هيئذيكم ، مين اللي يضمن كده إلا إله عظيم ، ف دي آية أخرى؟ صح ، (قال لا تخافا إنني معكما أسمع و أرى) أنا سامع و شايف ، (أسمع و أرى) هنا تتجلى عظمة الله عز و جل و قوته و جبروته و قهره و قوته ، الله إله عظيم ، تمام؟ إذا وعد صدق ، (قال لا تخافا إنني معكما أسمع و أرى) .

{فَأْتِيَاهُ فَقُولَا إِنَّا رَسُولَا رَبِّكَ فَأَرْسِلْ مَعَنَا بَنِي إِسْرَائِيلَ وَلَا تَعَذِّبْهُمْ قَدْ جِئْنَاكَ بَآيَةٍ مِّن رَّبِّكَ وَالسَّلَامُ عَلَىٰ مَنِ اتَّبَعَ الْهُدَى} :

(فأتياه فقولا إنا رسولا ربك فأرسل معنا بني إسرائيل و لا تعذبهم) المهمة تخشوا/تدخلوا تدعوه للتوحيد و تقولوا له فُك بني إسرائيل من الأسر ، فُك بني إسرائيل من الأسر ، تمام؟ بداية الفك من الأسر ده إيه؟ إن إنت تسمح لنا كبني إسرائيل نطلع في البرية نحتفل بالعيد بتاعنا ثلاثة أيام ، ف دي هتكون بداية فك الأسر ، (فأتياه فقولا إنا رسولا ربك فأرسل معنا بني إسرائيل و لا تعذبهم) أخرجهم من نير العبودية ، من قيد العبودية يعني و العذاب ، (قد جئناك بآية من ربك) ، (قد جئناك بآية من ربك) اللي هي إيه؟ مش آية واحدة ، آيات ، (قد جئناك بآية من ربك) بدايتها كانت إيه؟ العصا ، عصا موسى ، و بعد كده الآيات بقى اللي نزلت بالتتابع على مصر ، مع كل أمر ، موسى و هارون بيأمروه لفرعون و ماينفذش ، ربنا يضرب ضربة ، و فرعون يرجع تاني يخاف ، فربنا يرفع الضربة ، و بعد كده موسى و هارون يروحوا يقولوا له أخرج بني إسرائيل ، يجي/يأتي إيه؟ يُخرجهم و بعد كده يتراجع تاني ، يعني الحاشية بتاعته توسوس له أو نفسه توسوس له أو الشيطان يوسوس له ، فيتراجع تاني عن قبول إخراج بني إسرائيل ، فربنا يضرب ضربة و هكذا ، ضربات متتاليات ، طبعاً عارفين إيه هي الضربات المتتاليات ، تمام؟ قلناهم قبل كده ، (قال لا تخافا إنني معكما أسمع و أرى) فأتياه فقولا إنا رسولا ربك فأرسل معنا بني إسرائيل و لا تعذبهم قد جئناك بآية من ربك) عدة آيات يعني ، (و السلام على من اتبع الهدى) هيجيلك/سيأتيك السلام بس/فقط لما تتبع الهدى اللي إحنا/نحن أرسلنا به أو اللي إحنا بنكلمك عنه من رب العالمين ، هيجيلك/سيأتيك وقتها بس/فقط السلام ، غير كده مش هيكون فيه سلام ، مش هيكون فيه سلام ، هيكون في

حرب من الله عز و جل ، و هتتجلى في الآيات المتتاليات اللي هتنزل على مصر وقتها .

{إِنَّا قَدْ أُوحِيَ إِلَيْنَا أَنَّ الْعَذَابَ عَلَى مَنْ كَذَّبَ وَتَوَلَّى} :

(إِنَّا قَدْ أُوحِيَ إِلَيْنَا أَنَّ الْعَذَابَ عَلَى مَنْ كَذَّبَ وَتَوَلَّى) ربنا أوحى إلينا إنه في عذاب هينزل على الذي يكذبنا و يتولى و يُعرض عنا ، ده تأكيد أهو (إِنَّ) للتأكيد و لليقين ، (إِنَّا قَدْ أُوحِيَ إِلَيْنَا أَنَّ الْعَذَابَ عَلَى مَنْ كَذَّبَ وَتَوَلَّى) .

{قَالَ فَمَنْ رَبُّكُمَا يَا مُوسَى} :

ففرعون قال لهم إيه؟ (قال فممن ربكما يا موسى) ، مين ربكم ده يا موسى؟؟؟



{قَالَ رَبُّنَا الَّذِي أَعْطَى كُلَّ شَيْءٍ خَلْقَهُ ثُمَّ هَدَى} :

فموسى قال إيه؟ (قال ربنا الذي أعطى كل شيء خلقه ثم هدى) الآية دي عظمة جداً ، بيوصف ربنا بيقول إيه موسى؟ (قال ربنا الذي أعطى كل شيء خلقه) يعني كل شيء ربنا كتبه في الكتاب إنه هيتخلق ، ربنا إداله/أعطاه الخلق بتاعه ، يعني كل كلمة اتكتبت في الكتاب ، في اللوح المحفوظ ، ربنا إيه؟ شكلها و كونها/قام بتكوينها ، ربنا ترجمها لخلق ، يعني كان كاتب مثلاً في الكتاب إيه ، في المنطقة دي جبل هنا ، مثلاً إيه؟ إنسان هنا ، مثلاً إيه؟ حيوان و هكذا ، صح؟ في الزمن الفلاني ، كل ده إيه؟ إترجم على طول ، يعني كلمات ربنا في اللوح المحفوظ إترجمت ، ف ده معنى كلمة (قال ربنا الذي أعطى كل شيء خلقه ثم هدى) يعني هداهم إيه؟ السبيل ، أعطاهم هداية إيه؟ السبيل ، يعني أعطاهم إيه؟ التخيير ، (ثم هدى) إدالهم/أعطاهم هداية الطريق ، هو كل واحد بقى مُحَيَّر ، تمام؟ من المكلفين ، ثم بعد ذلك نتيجة إختياره يكون مُسَيَّر ، (قال ربنا الذي أعطى كل شيء خلقه ثم هدى) يعني ربنا ترجم كل اللي في اللوح المحفوظ و خلق كل الكلمات اللي اتكتبت في اللوح المحفوظ ، أي إنسان إتكتب في اللوح

المحفوظ إنه هيتخلق ، ربنا خلقه ، هو ده ربنا ، إنه كان مقدر كل الخلق ده منذ الأزل و حصل ، شوفتوا عظمة ربنا ، شوفتوا موسى وصف ربنا إزاي؟؟ ، كل نبي كده بيوصف ربنا بشيء ، يعني إيه؟ مميز أو بشيء لم يصف به أي نبي ربه من قبل ، نتيجة إن النبي ده بيبقى عارف ربنا ، عارفه ، حاسس به ، مطلع على صفاته ، في علاقة فيما بينهم ، ففاهمه فيعرف يوصفه ، فدايماً تلاقي كده الوصف النبوي لله عز و جل بيبقى وصف مقدس و جميل و بتحب تسمعه من أي نبي ، حد عنده سؤال ثاني؟؟ .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الرابع من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ صفات الحروف , ثم قام بقراءة الوجه الرابع من أوجه سورة طه ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الرابع من أوجه سورة طه ، و نبدأ بأحكام التلاوة و أرسلان :

صفات الحروف :

القلقلة : حروفها مجموعة في (قطب جد) .

الهمس : حروفه مجموعة في (حثة شخص فسكت) .

التفخيم : حروفه مجموعة في (خص ضغط قظ) .

اللام : تفخم و ترقق : إذا كان ما قبلها مفتوح و مضموم تفخم , و إذا كان ما قبلها مكسور ترقق , و كذلك الراء تفخم و ترقق و ممنوع التكرار .

التفشي : حرفه الشين .

الصفير : حروفه (الصاد , الزين , السين) .

النون و الميم المشدتين تمد بمقدار حركتين .

أنواع الهمزة : همزة وصل , همزة قطع , همزة المد .

الغنة : صوت يخرج من الأنف .

و ثم تابع نبي الله يوسف الثاني ﷺ الجلسة بشرح الوجه لنا فقال :

طيب ، هنا الوجه ده بيبتدي/يبدأ إيه؟ بقول فرعون ، ربنا بينقل قول فرعون في القرآن ، لإيه؟ للتعليم و للتسجيل التاريخي عشان الأجيال بعد كده و القرون تتعلم من الأحداث دي ، لأن دي محادثة ما بين النبي موسى و أتباعه و ما بين فرعون و أتباعه ، محادثة ربنا بيعلمنا منها كنه الحياة و بُغية الحياة و الهدف من الحياة اللي هو الصراع ما بين الخير و الشر ، و أنها دار ابتلاء و إختبار .

{قَالَ فَمَا بَالُ الْقُرُونِ الْأُولَى} :

(قال فما بال القرون الأولى) فرعون بيقوله : أخبار القرون الأولى إيه؟ أخبار التاريخ إيه؟ أخبار الأمم السابقة إيه؟ هل كان لهم إله زي إلهك؟؟ أو هو إلههم هو إلهك؟؟ ده معنى الكلام ، (قال فما بال القرون الأولى) كذلك إنت تعرف إيه عن التاريخ اللي فات؟ تعرف إيه عن التاريخ اللي فات يا موسى؟؟ اللي فات ، (قال فما بال القرون الأولى) يعني سؤال مبطن : هل معناه إنت فيه ، هل هناك أنبياء آخرين من إلهك أتوا في القرون الأولى؟؟ ده من ضمن معاني السؤال .

{قَالَ عَلَّمَهَا عِنْدَ رَبِّي فِي كِتَابٍ لَا يَضِلُّ رَبِّي وَلَا يَنْسَى} :

(قال علمها عند ربي في كتاب لا يضل ربي و لا ينسى) التواريخ دي كلها متسجلة ، و الأحداث دي كلها متسجلة ، متسجلة إزاي؟ بدايةً متسجلة في اللوح المحفوظ ، كتاب ربنا كتبه ، أمر القلم فكتبه و إيه؟ و رُفعت الأقلام و جفت الصحف ، اللي هو إيه؟ كتاب القدر ، ربنا كتبه ، ماشي؟ ، (قال علمها عند ربي في كتاب) الكتاب ده : (لا يضل ربي و لا ينسى) يعني لا يتوه عن الله عز و جل و لا ينسى ، لأن ربنا إداله/أعطاه كده ، الصفة دي ، لأن ربنا أقسم بالقلم (ن و القلم و ما يسطرون) صح كده؟ طيب ، كذلك (في كتاب لا يضل ربي و لا ينسى) ربنا كتب التاريخ ده و الأحداث دي في كتاب ، تمام؟ ، و ربنا سبحانه و تعالى لا يُصيبه أو لا تُصيبه صفة إيه؟ الضلال و لا النسيان ، تمام كده؟ طيب ، ده إيه؟ الكتاب ، الكتاب القدري اللي ربنا كتبه في الأزل ، كذلك في كتب مع كل إيه؟ مكلف ، كل مخلوق له كتاب مُسجل

فيه أعماله ، صح؟ المَلَكِين بيسجلوا له الأعمال ، دي برضو/أيضاً من معاني الكتاب ، لأن كل شيء مُسَجَّل ، بس/لكن المعنى الأشمل هو الكتاب القدرى اللي فيه الأقدار اللي ربنا كتبها عبر إيه ، قبل التاريخ ، تمام كده؟ طيب ، هنا موسى برده ده بيبين/بيوضح عظمة الله عز و جل و بيفتخر بالله عز و جل و بيبهر فرعون بصفات ربنا ، تمام كده؟ يعني بيعرف يتكلم عن ربنا موسى أهو ، موسى بيعرف يتكلم عن ربنا لأنه حس/أحس بالعلاقة العظيمة و الوصال العظيم بينه و بين ذلك الإله ، فعرف يعبر ، فعرف يعبر عن هذا الإله و عن صفات هذا الإله ، (قال علمها عند ربي في كتاب لا يضل ربي و لا ينسى) .

{الَّذِي جَعَلَ لَكُمُ الْأَرْضَ مَهْدًا وَسَلَّكَ لَكُمْ فِيهَا سُبُلًا وَأَنْزَلَ مِنَ السَّمَاءِ مَاءً فَأَخْرَجْنَا بِهِ أَزْوَاجًا مِّن نَّبَاتٍ شَتَّى} :

(الذي جعل لكم الأرض مهذاً) الأرض مهدكم ، نشأتُم فيها أو نشأتُم منها ، (الذي جعل لكم الأرض مهذاً) و كذلك إيه؟ سَهَّلَ لكم الحياة فيها ، ده من معاني (مهذاً) ، (و سلك لكم فيها سبلاً و أنزل من السماء ماء) ، (و سلك لكم فيها سبلاً) يعني إيه؟ أعطاكم غريزة الهجرة و الترحال و البحث عن أسباب العيش و الرزق في هذه الأرض ، و أعطاكم أسباب الرزق في الأرض ، (و أنزل من السماء ماء) أصل الحياة ، (و جعلنا من الماء كل شيء حي) و أعطاكم الماء الذي هو أصل الحياة ، (و أنزل من السماء ماء) يعني ماء عذب ، (فأخرجنا به أزواجاً من نبات شتى) ربنا سبحانه و تعالى أخرج به الثمار و إيه؟ الكائنات الحية ، أزواج أزواج ، ذكر و أنثى ، أزواج أزواج ، هكذا إيه؟ تطورت الحياة إلى إيه؟ أزواج أزواج ، تمام كده؟ ، (الذي جعل لكم الأرض مهذاً و سلك لكم فيها سبلاً و أنزل من السماء ماء فأخرجنا به أزواجاً من نبات شتى) هنا في الآية دي ربنا بيتكلم على لسان موسى و بيتكلم على لسانه سبحانه و تعالى ، يعني كأن موسى هو اللي بيقول (الذي جعل لكم الأرض مهذاً و سلك لكم فيها سبلاً و أنزل من السماء ماء) بعد كده ربنا هنا بيتكلم عن نفسه بقى : (فأخرجنا به أزواجاً من نبات شتى) ، هنا ربنا جمع بين كلامه و كلام موسى ، ربنا جمع بين كلامه و كلام النبي ، ربنا جمع ما بين كلام الإله و كلام النبي ، علشان يقول إيه؟ إن النبي ده مني ، كلامه كلامي ، فمي على فمه و فمه على فمي ، ده المعنى المستبطن و المستبصر و المستنتج من هذا إيه؟ السياق في هذه الآية ، صح كده؟ لأن طاعة النبي من طاعة الله عز و جل ، فموسى بيقول إيه : (الذي جعل لكم الأرض مهذاً و سلك لكم فيها سبلاً و أنزل من السماء ماء) ، ربنا بيكمل بقى بيقول (فأخرجنا به أزواجاً من نبات شتى) ، هو موسى اللي أخرج و لا

ربنا؟؟ ربنا سبحانه و تعالى ، بس/لكن ربنا هنا جمع ما بين كلامه و كلام موسى ، كرامة لموسى و كرامة للنبي ، تمام كده؟ تمام .

{كُلُوا وَارْعَوْا أَنْعَامَكُمْ إِنَّ فِي ذَلِكَ لَآيَاتٍ لِّأُولِي النُّهَى} :

(كلوا و ارعوا أنعامكم) ربنا اللي بيقول بقى ، بيكلم البشرية ، بيكلم الإيه؟ الإنسان المكلف على هذه الأرض ، (كلوا و ارعوا أنعامكم) كلوا و ارعوا إيه؟ الأنعام اللي إنتو إيه؟ بترعوها ، تمام؟ ، (إن في ذلك لآيات لأولي النهى) آيات و عبر لأصحاب العقول المتدبرين المتفكرين ، لأن ربنا بيُعطي الأرزاق و بيُمهد الحياة و بيسلك لكم السبل في هذه الدنيا .

{مِنْهَا خَلَقْنَاكُمْ وَفِيهَا نُعِيدُكُمْ وَمِنْهَا نُخْرِجُكُمْ تَارَةً أُخْرَى} :

بعدين ربنا بيقول إيه؟ (منها خلقناكم) الأرض دي كانت مهدكم ، نشأتم منها و تطورت منها ، من الخلية الأولى في ست/٦ مراحل من مراحل التطور ، شرحناها قبل كده ، (منها خلقناكم و فيها نعيدكم) يعني إيه (و فيها نعيدكم)؟ ممكن واحد يقولك إيه؟ يعني نتوفى و ندفن في هذه الأرض ، ممكن ، ده معنى ، (و فيها نعيدكم) يعني إيه؟ يكون هناك أطوار و أكوان متتالية ، تمام؟ في هذه الأرض ، يعني إنتو/إنتم هتنتهوا ، الأجيال دي هتنتهي و هتيجي/ستأتي أجيال تانية ، تمام؟ أو التكايف ده هينتهي و هيجي/سيأتي تكايف تاني ، تمام؟ ده من ضمن معانيها برضو/أيضاً ، و قال : (و منها نخرجكم تارة أخرى) يعني تبعثوا ، هتبعثوا مرة أخرى ، تمام؟ من هذه الأرض إلى يوم الحساب ، طبعاً بأجساد أخرى لكن بنفس الأرواح ، أجساد أخرى إما نورانية أو ظلماتية ، على حسب أعمال النفس البشرية في هذه الدنيا ، (و منها نخرجكم تارة أخرى) تارة أخرى يعني مرة أخرى ، و كذلك (تارة أخرى) يعني طوراً آخر ، تأكيد ، (و منها نخرجكم تارة أخرى) طوراً آخر ، يعني الحياة هتجدد و الأكوان هتتالي مش هتوقف ، لأن ربنا سبحانه و تعالى صفاته إيه؟ لا تتعطل ، فبالتالي الأكوان ، ربنا سبحانه و تعالى إيه؟ لا يُعطّلها ، يجعلها كوناً تلو كون ، طوراً تلو طور ، تمام؟ تكايفاً تلو تكايف ، قضاء تلو قضاء ، تمام؟ جزاء تلو جزاء ، ثواباً تلو ثواب و هكذا ، لأن صفات الله لا تتعطل .

{وَلَقَدْ أَرَيْنَاهُ آيَاتِنَا كُلَّهَا فَكَذَّبَ وَأَبَى} :

(و لقد أريناه آياتنا كلها فكذب و أبى) ربنا بيتكلم عن فرعون ، بيتكلم بشكل إيه؟ تجميعي ، تلخيصي ، (و لقد أريناه آياتنا كلها فكذب و أبى) (آياتنا كلها) اللي هي الضربات العشر أو التسع ، تمام؟ ، بالإضافة لإيه؟ لكلام موسى و العصا و الآيات النبوية و الكلام و الإيه؟ التزكية النبوية ، كل دي آيات ، و الرؤى و الكشوف كل دي آيات ، فربنا بيقول ، بيلخص بيقول إيه؟ (و لقد أريناه آياتنا كلها فكذب و أبى) مباشرة كذب و أبى ، كذب و أبى يعني استكبر ، و مافكرش حتى و ماتدبرش ، و بعد كده ربنا بيعمل فلاش باك يعني إيه؟ بييجيب لنا/يأتي لنا القصة من الأول ، فبيقول إيه؟ .

{قَالَ أَجِئْتَنَا لِنُخْرِجَنَّا مِنْ أَرْضِنَا بِسِحْرِكَ يَا مُوسَى} :

فبيقول إيه؟ (قال أجئتنا لتخرجنا من أرضنا بسحرك يا موسى) يعني بيقول إن فرعون قال لموسى إيه؟ إنت جاي/أتيت تعمل فتنة في البلد؟؟ تمام ، بالكلام بتاعك ده و الكذب بتاعك ده ، سحرك هنا معناه كذبك ، و كذلك سحرك يعني الآيات اللي كانت معه ، تمام؟ ، طبعاً ده إتهام باطل من إيه؟ من فرعون لموسى -عليه السلام- .

{فَلَنَأْتِيَنَّكَ بِسِحْرِ مِثْلِهِ فَأَجْعَلْ بَيْنَنَا وَبَيْنَكَ مَوْعِدًا لَا نُخْلِفُهُ نَحْنُ وَلَا أَنْتَ مَكَانًا سُوًى} :

(قال أجئتنا لتخرجنا من أرضنا بسحرك يا موسى ✕ فلنأتينك بسحر مثله فاجعل بيننا و بينك موعداً لا نخلفه نحن و لا أنت مكاناً سوى) يعني دلوقتي هو فرعون هنا بيتحدى موسى فقال : (فلنأتينك بسحر مثله فاجعل بيننا و بينك موعداً لا نخلفه نحن و لا أنت مكاناً سوى) مكان إيه؟ يكون فيه مناظرة ، (مكان سوى) يعني مكان للمناظرة ، تمام؟ ، أي نكون على طرفي إيه؟ تناظر و تقابل ، تمام؟ ، علشان نظهر كذبك للناس ، ده كلام فرعون يعني ، طبعاً فرعون كان متكبر ، ماكنش/لم يكن بيعي قوة إلها و قوة إيه؟ أنبياء إلها ، فعشان كده الغطسة بتاعته خلته/جعلته إيه؟ يطلب المعاد دوت/هذا و يطلب المقابلة دي و يطلب المناظرة دي ، (فلنأتينك بسحر مثله فاجعل بيننا

و بينك موعداً لا نخلفه نحن و لا أنت مكاناً سوى) طبعاً و اللي جرّوه ((من أعطاه الجرأة على فعل ذلك)) على كده السحرة ، سحرة فرعون ، لأن السحر منتشر في مصر وقتها ، فاللي جرّوه على كده السحرة ، هم اللي فتنوه ، أو هم اللي إيه؟ نفخوه ، و هم اللي جرّوه للمناظرة دي .

{قَالَ مَوْعِدُكُمْ يَوْمَ الزَّيْنَةِ وَأَنْ يُحْشَرَ النَّاسُ ضُحًى} :

(فلنأتينك بسحر مثله فاجعل بيننا و بينك موعداً لا نخلفه نحن و لا أنت مكاناً سوى x قال موعدكم يوم الزينة و أن يحشر الناس ضحى) مين اللي بيقول؟ موسى ، قالو الموعد خلاص يوم العيد ، يوم عيد إيه كده عندهم ، اللي جاي/سيأتي ، يوم عيد اللي جاي يعني ، في مصر كان فيها أعياد كثير ، فكان يوم العيد اللي جاي ، الموافق يعني لتلك إيه؟ الحادثة ، سماها يوم الزينة ، يوم اللي بتتزينوا فيه ، (قال موعدكم يوم الزينة و أن يحشر الناس ضحى) و الميعاد يكون إيه؟ الضحى ، بعد إيه؟ بعد شروق الشمس .

{فَتَوَلَّى فِرْعَوْنُ فَجَمَعَ كَيْدَهُ ثُمَّ أَتَى} :

(فتولى فرعون فجمع كيده ثم أتى) يعني راح/ذهب جمع السحرة و جيه/أتى في نفس المعاد ،

في المعاد اللي إيه؟ اللي موسى حدده ، اللي هو يوم عيد عند المصريين وقتها ، اللي هم كانوا بياخذوا فيه إجازة يعني و بيتزينوا فيه .

{قَالَ لَهُم مُّوسَى وَيَلَكُمْ لَا تَفْتَرُوا عَلَى اللَّهِ كَذِبًا فَيُسْحِتَكُمْ بِعَذَابٍ وَقَدْ خَابَ مَنْ افْتَرَى} :

(قال لهم موسى ويلكم لا تفتروا على الله كذباً فيسحتكم بعذاب و قد خاب من افترى) بيحذرهم من الأول ، بيحذرهم بيقول لهم : ماتكذبوش ، ماتعملوش أي كذب و لا تخييل للناس ، ماتفتروش على الله عز و جل ، خليكم/كونوا

صادقين ، إلا تصدقوا يعني لو ما صدقتوش ، ربنا هينزل عليكم عذاب ، ينزل عليكم عذاب ، (فيسحتكم بعذاب) السحت هو إيه؟ يعني الشيء يضر ، يكون إيه؟ سحت ، مسحوت كده ، تمام؟ (فيسحتكم بعذاب) يعني ينزل عليكم عذاب و لعنة تجعلكم ضامرين ، مهترئين ، هزيلين ، مريضين ، ف ده معنى إيه؟ (فيسحتكم بعذاب) ، تمام كده؟ ، دلوقتي إحنا إيه؟ في العصر الحديث ، بيقولك اللي بياكل/يأكل حرام ، بيقولك بياكل سُحت ، إيه؟ لأن أكل الحرام بيضر الجسد ، بيُفني الجسد ، بيُفني النفس ، بيُعذبها ، ف ده معناها إيه؟ بياكل سُحت ، يأكل إيه؟ شيء ملعون و العياذ بالله ، تمام؟ ، (قال لهم موسى ويلكم) ويلكم يعني إنتو/إنتم مش خايفين من عذاب الله ، (ويلكم لا تفتروا على الله كذباً) يعني ماتكذبوش و إيه؟ و ماتخدعوش الناس ، (فيسحتكم بعذاب و قد خاب من افتري) اللي يفتري يخيب و يخسر في الدنيا و الآخرة .

{فَتَنَّاكَ عَمَّا مَرَّهُمْ بَيْنَهُمْ وَأَسْرَوْا النَّجْوَى} :

(فتنازعوا أمرهم بينهم و أسروا النجوى) قعدوا السحرة بقى بيعملوا إيه؟ مشاورات ما بينهم و ما بين فرعون ، طبعاً و القصة دي مبسوبة في القرآن في غير موضع ، في تفاصيل إيه؟ متنوعة يعني ، من ضمن التفاصيل دي إيه؟ إن هم/إنهم السحرة كانوا إيه؟ يساوموا فرعون و قالوا له لو انتصرنا يبقى إحنا مقربين و هتدينا/ستعطينا إيه؟ يعني مكاسب دنيوية و ما إلى ذلك ، و هو وعدهم بكده ، بس السحرة ، حصل إيه بقى في الآخر؟ لما لاقوا إن موسى صادق فعلاً ، صادق ، و إن الكلام اللي بيقوله أو الآيات اللي جابها دي/أتى بها مش كذب و مش تخيل ، آمنوا لأن هم أدري بالصنعة و عارفين و يعرفوا يفرقوا ما بين الصدق و الكذب ، تمام؟ لأن هم/لأنهم في المطبخ ، تمام؟ زي المنافقين كده اللي موجودين في برامج الإعلام و برامج ..التوكشو اللي هم بيطلبوا هنا و هنا و مع ... الرايحة/الرائجة ، بيطلبوا للي/للذي يديهم/يُعطيهم أكثر فلوس ، منافقين ، لأن السحرة دول/هؤلاء موجودين في كل وقت و كل زمان و كل مكان و العياذ بالله ، مين اللي يهد السحرة دول/هؤلاء؟؟ الصادق ، الإنسان البسيط الصادق ، العفوي الفطري ، ده اللي يهدهم و يجيب أجلهم ، باختصار يعني ، اللي مايعرفش يكذب هو اللي ينتصر على المنافقين و الطبالين و السحرة ، بس/فقط ، فالسلاح بتاعك : الصادق ، تبقى صادق ، تبقى مستقيم ، صادق ، و صادق مع نفسك و مع إهلك و مع نبيك ، الصادق سلاح ، الصادق إيه؟ سلاح ، و النبوة سلاح ، و النبوة سلاح فلا تتخلوا عن أسلحتكم اللي ربنا إدهالكم/أعطاهم لكم ، (فتنازعوا أمرهم بينهم و أسروا النجوى) أسروا إيه؟ الكيد و الخداع ، تمام كده؟ .

{قَالُوا إِنْ هَٰذَا لَسَاحِرَانِ يُرِيدَانِ أَنْ يُخْرِجَاكُم مِّنْ أَرْضِكُمْ بِسِحْرِهِمَا وَيَذْهَبَا بِطَرِيقَتِكُمُ الْمُثَلَىٰ} :

و بعد كده إيه؟ بدأوا ينشروا إشاعات عن موسى إنه هو ده إيه؟ عن موسى و هارون إن دول/هؤلاء مجموعة من الخارجين عن القانون و مجموعة من مثيري الفتن ، تمام؟ و مجموعة من ناشري الإشاعات ...المغرضة و المضللة علشان ينفروا منهم المصريين ، فالسحرة قالوا إيه؟ (قالوا إن هذان لساحران يريدان أن يخرجاكم من أرضكم بسحرهما و يذهبا بطريقتكم المثلى) عملوا عليهم دعاية سوداء ، يعني عملوا عليهم دعاية سوداء و قاموا بشيطنتهم ، يعني بيحاولوا يشيطنوا موسى و هارون ، يعني يسوءوا صورتهم أمام الجمهور و أمام المصريين ، دائماً كده الكفار و المنافقين بيحاولوا دائماً يشوهوا صورة المؤمنين و الصادقين و الأنبياء ، ده على مر التاريخ ، و دي حرب مستعرة ، تمام؟ في هذه الدنيا ، منذ أن أمر الله سبحانه و تعالى القدر أن تكون هناك إيه؟ أن تكون هناك إختبارات و إبتلاءات في هذه الدنيا ، تمام؟ و بالتحديد من وقت إصطفاء آدم -عليه السلام- ، (قالوا إن هذان لساحران يريدان أن يخرجاكم من أرضكم بسحرهما و يذهبا بطريقتكم المثلى) (طريقتكم المثلى) اللي هو آلهتكم اللي إنتم بتعبدوها ، الآلهة المتعددة ، تمام؟ في مصر القديمة ، و عبادتكم لفرعون ، تمام؟ هي دي الطريقة المثلى اللي فاكرينها مثلى أو عارفين إنها كذب ، و لكن هم بيركزوها و ينشروها علشان هم مستفيدين من وراها ، بس/فقط ، أد/قد إيه الإنسان يبقى حقير و يشعر بالحقارة لما يأيّد فكرة باطلة و يعلم أنها باطلة ، و لكن لمجرد أنها تدر عليه أموال ، إنسان حقير جداً اللي بيعمل كده ، (قالوا إن هذان لساحران يريدان أن يخرجاكم من أرضكم بسحرهما و يذهبا بطريقتكم المثلى) ، (يخرجاكم من أرضكم) يعني إيه؟ يستولوا على الأراضي بتاعتكم بكلامهم ، إن هم بيقوا مسيطرين عليكم و يتحكموا في أراضيكم و أموالكم و مالديكم ، ف ده معناه إيه؟ (يريدان أن يخرجاكم من أرضكم بسحرهما و يذهبا بطريقتكم المثلى) يعني يذهبا بدينكم يعني إيه؟ يسلبوا دينكم ، يجيبوا/يأتوا لكم دين جديد يعني ، ده المعنى .

{فَأَجْمِعُوا كَيْدَكُمْ ثُمَّ ائْتُوا صَفًّا وَقَدْ أَفْلَحَ الْيَوْمَ مَنِ اسْتَعْلَىٰ} :

(فأجمعوا كيدكم ثم ائتوا صفاً) ده كلام السحرة يعني، ياالله/هيا شدوا حيلكم ، (فأجمعوا كيدكم ثم ائتوا صفاً) يعني كونوا صف واحد في مقابلة مين؟

موسى و هارون ، (و قد أفلح اليوم من استعلى) اللى هينتصر النهاردة/اليوم في المقابلة دي هو اللى أفلح ، يعنى هينال إيه؟ رضا الفرعون ، من السحرة يعنى ، طبعاً دول/هؤلاء طلاب دنيا مجرمين خبثاء حقراء ، تمام؟ طالب الصدق هو الكريم ابن الكريم ، و المنزه ابن المنزه ، طالب الصدق هو المفلح ، هو المفلح الحقيقي ، حد عنده سؤال تاني؟ .

○ و أثناء تصحيح نبى الله الحبيب يوسف الثاني ﷺ لتلاوتنا ، قال لنا :



- طبعاً (المثلّى) هنا ، اللفظ هنا لفظ جميل جداً و مُعبر ، هم السحرة دول/هؤلاء (طريقتكم المثلّى) يعنى الطريقة المثالية الجميلة الحلوة الرائعة اللى إيه؟ تمام يعنى ، و لكن في معنى مبطن هنا ؛ (طريقتكم المثلّى) اللى هي سوف يُمثّل بها الآن ، سوف تموت و يُمثّل بها الآن ، يعنى هتموت و هتضربها الخناجر و الرماح و السيوف ، بعدها موتها كمان ، من شدة التمثيل ، عارفين يعنى إيه تمثيل في الجثث و الموتى؟؟؟؟ ده المعنى ، شايفين القرآن ، خلي بالك ، خلي بالك ، القرآن ده مش أي كتاب ، مش أي كتاب ، كلامه تنطبق عليه معاني الرؤى و الكشف ، ف دي آية تتجدد كل يوم ، خلي بالك ، و أصوات كلماته آيات ، أصوات كلماته كائنات حية إنت بتسمعها ، بفهمك و بتعبر لك عن المعنى الباطن و المعنى الظاهر في كل حين ، تمام؟ فيجب إنك تقف أمام هذا الكتاب بخشوع و باحترام و بتفكر و بتدبر و بجديّة ، تمام؟ لأن ربنا بيحب الجد و لا يُحب الهزل ، تمام؟ ، بالله/هيا((لتقرأ رفيدة الوجه)).

- خلوا بالك في كمان دليل و قرينة إن آيات موسى و الآيات اللى ربنا ضرب بها مصر ، أد/قد إيه هزت فرعون و خوفته إنه قال إيه؟ (فلنأتينك بسحر مثله) يعنى هنجيبلك حاجة زيها ، طيب ليّه ماقلش حاجة أعلى منها؟ لأنه ساعتها ماشفش حاجة أعلى من كده في حياته فرعون ، فقال له (فلنأتينك بسحر مثله) ، تمام؟ ده دليل على خوف فرعون و اهتزازة ، كان مهتز ، كان ..بيعوّل على السحرة الأغبياء بتوعه ، تمام؟ ، (فلنأتينك بسحر مثله فاجعل بيننا و بينك موعداً لا نخلفه نحن و لا أنت مكاناً سوى) (سوى) يعنى إحنا الإثنين كمان ، من معاني (سوى) ، (سوى) يعنى سوى ، سوى سوى ، إحنا الإثنين مع بعض مانخلفش المعاد ده ، تمام؟ و عاوزين نشوف كلمة (سوى) دي أصلها إيه؟ ، تمام ، بالله/هيا((ليقرأ أرسلان الوجه)).

● و قرأ أحمد آيات من سورة المدثر ، و صحح نبى الله الحبيب يوسف الثاني ﷺ تلاوته .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك
اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و
أحمد و يوسف بن المسيح صلوات تلو صلوات طيبات مباركات ، و على
أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الخامس من طه

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام المد , ثم قام بقراءة الوجه الخامس من أوجه سورة طه ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الخامس من أوجه سورة طه ، و نبدأ بأحكام التلاوة و أحمد :

أحكام المد و نوعيه :

مد أصلي طبيعي و مد فرعي , المد الأصلي يُمد بمقدار حركتين و حروفه (الألف , الواو , الياء) , و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات , و مد منفصل جائز مقداره ٤ إلى ٥ حركات , و مد صلة كبرى مقداره ٤ إلى ٥ حركات جوازاً , و مد صلة صغرى مقداره حركتان وجوباً .

و ثم تابع نبي الله يوسف الثاني ﷺ الجلسة بشرح الوجه لنا فقال :

في هذا الوجه العظيم من سورة طه ، ربنا سبحانه و تعالى بيّظهر بداية المناظرة التي حصلت ما بين موسى -عليه السلام- و مين؟ و السحرة ، تمام كده؟ طيب ، طبعاً عارفين إن قصة المناظرة دي حصلت في البدايات ، كان

يعتبر ده فلاش باك ، ربنا تكلم عنه بعد ما قال إيه؟ (و لقد أريناه آياتنا كلها فكذب و أبى) ، ضربات ربنا عبر عنها بالآية دي (و لقد أريناه آياتنا كلها فكذب و أبى) و هي الضربات التسع أو العشر حسب التفصيل يعني ، بعد كده ربنا ذكر المناظرة اللي حصلت في البدايات ، تمام؟ يعني مثلاً في الأول خالص أو بعد أول ضربة أو ثاني ضربة ، المناظرة دي انتهت بإيمان السحرة لأن هم عرفوا إن موسى صادق ، و الساحر يعرف الصادق من الكاذب لأنه لا تعرف الأمور إلا بأضدادها ، تمام كده؟ ماشي ، ربنا بيقول إيه؟

{قَالُوا يَا مُوسَى إِمَّا أَنْ تُلْقِيَ وَإِمَّا أَنْ نَكُونَ أَوَّلَ مَنْ أَلْقَى} :

(قالوا يا موسى) هنا ربنا بيتكلم على لسانهم يعني ، (قالوا) يعني ربنا إيه؟ بيشرح لنا الموقف ده بآيات أو بلغة ، بمنطق إحنا نفهمه ، أمة العرب و بعد كده إيه؟ غيرنا من العالمين في هذا العصر ، تمام؟ يعني هم قدماء المصريين ماتكلموش كده باللهجة دي ، لا ، هنا ربنا بيتكلم بإيه؟ بلسان الحال علشان إحنا/نحن نفهم اللي حصل إيه ، تمام كده؟ فاهمين الحجة دي؟ ، (قالوا يا موسى إِمَّا أَنْ تُلْقِيَ وَإِمَّا أَنْ نَكُونَ أَوَّلَ مَنْ أَلْقَى) يعني يا موسى تبتدي/تبدأ إنت المناظرة و لا نحن نبتدي؟؟ ، خيروه هنا .

{قَالَ بَلْ أُلْقُوا فَإِذَا حِبَالُهُمْ وَعِصِيُّهُمْ يُخَيَّلُ إِلَيْهِ مِنْ سِحْرِهِمْ أَنَّهَا تَسْعَى} :

(قال بل أُلْقُوا) ده بقى الأسلوب النبوي العظيم ، اللي هو إيه؟ خلي/اجعل خصمك يتكلم و يقول الحجج بتاعته ، و إنت إيه؟ خلي/اجعل الكرت بتاعك في الآخر ، نزله في الآخر ، يعني إيه؟ اللي ينتصر في الآخر هو المنتصر الحقيقي ، يعني خليهم/اجعلهم يتكلموا و يقولوا اللي عندهم ، و بعد كده إنت اصبر لغاية ما يخلصوا ، و بعد كده إنزل إنت بالأدلة بتاعتك ، ده الأسلوب النبوي ، ده الأفضل ، تمام؟ ، (قال بل أُلْقُوا فَإِذَا حِبَالُهُمْ وَعِصِيُّهُمْ يُخَيَّلُ إِلَيْهِ مِنْ سِحْرِهِمْ أَنَّهَا تَسْعَى) حتى النبي ، حتى النبي سحر الكفرة و المنافقين أثر فيه ، يعني إيه؟ خلاه/جعله يخاف أو يتخيل إن هم فعلاً عندهم حاجة حقيقية ، إهتز بشكل خفيف كده من جواه/داخله ، شوفتوا بقى؟ ربنا هنا بيكشف نفسيات الأنبياء علشان نتعلم ، (قال بل أُلْقُوا فَإِذَا حِبَالُهُمْ وَعِصِيُّهُمْ يُخَيَّلُ إِلَيْهِ مِنْ سِحْرِهِمْ أَنَّهَا تَسْعَى) افكر إن الحبال و إيه؟ العصي دي تحولت فعلاً إلى حيات تتحرك ، لكن ده كان الخداع و التخيل و الكذب الشديد بس/فقط و الحيل .

{فَأَوْجَسَ فِي نَفْسِهِ خِيفَةً مُوسَى} :

(فأوجس في نفسه خيفة موسى) موسى إيه؟ حس بالخوف جواه/داخله و اهتز بشكل خفيف ، آاه ، خلي بالك ، (فأوجس في نفسه خيفة موسى) أوجس يعني إيه؟ حس إحساس خفي من التوجس ، إحساس داخلي باطني في صدره بالخوف مما حدث و من اجتماعهم عليه ، لأنهم كانوا جماعة كبيرة من السحرة المدربين و اللي رباهم فرعون على هذه الأفاعيل .

{قُلْنَا لَا تَخَفْ إِنَّكَ أَنْتَ الْأَعْلَى} :

على طول ربنا عصمه (قلنا لا تخف إنك أنت الأعلى) ربنا عصمه بالوحي على طول ، إداله/أعطاه إلهام و قال له : (قلنا لا تخف) ، و بعد كده أكد له (إنك أنت الأعلى) أنت أعظم منهم و أعلى منهم و هتنتصر ، خلي بالك ، ربنا بيدي/يُعطي اليقين و القوة للأنبياء و المؤمنين و المحدثين و الأولياء علشان يثبتوا المؤمنين اللي حولهم و يثبتوا الإيمان في الأرض و يثبتوا اليقين في هذه الدنيا التي ما عاد فيها يقين و لا إيمان بالله عز و جل و العياذ بالله ، ف دي وظيفة الأنبياء و المحدثين و الأولياء إن هم يثبتوا الإيمان عند الناس ، يخلوا/يجعلوا فيه أمل إن الناس تؤمن أو أن الناس تفهم ربنا سبحانه و تعالى و تفهم صفاته و تتعلق به قبل يوم القيامة ، (قلنا لا تخف إنك أنت الأعلى) .

{وَأَلْقَ مَا فِي يَمِينِكَ تَلْقَفَ مَا صَنَعُوا إِنَّمَا صَنَعُوا كَيْدُ سَاحِرٍ وَلَا يُفْلِحُ السَّاحِرُ حَيْثُ أَتَى} :

(و ألق ما في يمينك تلقف ما صنعوا) يعني قول الحجة بتاعتك اليمنى ، اليمين دي إيه؟ رمز البركة و الإيمان و الطهارة و القداسة ، فربنا قال له إيه؟ (و ألق ما في يمينك تلقف ما صنعوا) انزل بالادلة بتاعتك تمام؟ طبعاً هنا معناها العصاية/العصا بتاعته ، العصاية المباركة اللي ربنا باركها ساعة المحادثة اللي حصلت ما بينه و ما بين موسى ، تمام؟ عند تجلي إيه؟ النار ،

...٩:٢٥ هنا بيتكلم عن معنى ظاهر و معنى باطن (و ألق ما في يمينك) قول الآيات بتاعتك و الحجج و البراهين و الكلمات بتاعتك حتى و لو كانت قليلة فهي منتصرة ، هكذا كلمات الأنبياء هي المنتصرة عبر الزمان و عبر التاريخ ، حتى و لو كانت قليلة ؛ لأن فيها القدس و فيها القدسية و فيها البركة و الطهارة و النزاهة و الشرف و الصدق ، (و ألق ما في يمينك تلقف ما صنعوا) يعني هتنتصر على كل اللي هم فعلوه بالسحر ، هكذا الصدق يُدمر الكذب ، (و ألق ما في يمينك تلقف ما صنعوا إنما صنعوا كيد ساحر) الأخيلة دي كلها كيد سحرة ، كيد سحرة و أكاذيب و إيه؟ و حيل و خداع ، تمام؟ و هكذا دائماً المنافقين و الكافرين و الدجاللة يعتمدون على الخداع و الكذب و التلفيق ، تمام؟ و تلفيق الأحداث و تزوير التاريخ ، لكن أول ما الصدق يطلع/يظهر ، يصير إيه؟ كالشمس الذي يُبدد الظلام ، هكذا دائماً كلمات الأنبياء ، (و ألق ما في يمينك تلقف ما صنعوا إنما صنعوا كيد ساحر) و بعد كده مصير الساحر إيه دائماً؟ دائماً مصير السحرة المجرمين إيه؟؟ (و لا يفلح الساحر حيث أتى) مهما عملوا لن يفلحوا مع المؤمنين و الأنبياء ، ده مجرد المؤمن المصلي ، المسلم المصلي ، المسلم المصلي ، عادي جداً ، يُخيف السحرة و يُخيف الشياطين و تهابه الشياطين ، فما بالك بالأولياء و الأنبياء ، خلي بالك ، الصلاة في حد ذاتها و الحفاظ عليها بخشوع ، سلاح عظيم ، فما بالك بقى بالأذكار و الصلاة الوسطى و الوصال مع الله و الدعوة في سبيل الله ، كل دي حصون للمؤمنين ، و مين اللي بيبنى الحصون دي في العالم؟؟؟ الأنبياء و الأتقياء و الأولياء و المحدثين ، فلذلك يجب إن إحنا نستمع إلى صوت السماء عشان ننجو في الدنيا و الآخرة ، ربنا دائماً بيعصم الأنبياء و من ضمن عصمتهم : الوحي ، و من ضمن عصمتهم : الأقدار المبرمة ، و أنا مجرب ده ، العصمة بالوحي أو العصمة بالأقدار ، فاهم ، فاهم الأمر ده كويس جداً ، ربنا فهمولي ، من وقت لآخر يكتب إيه؟ أمثلة عشان الناس تفهم و يتجدد لديها اليقين ، تمام؟ طيب ، (و ألق ما في يمينك تلقف ما صنعوا إنما صنعوا كيد ساحر و لا يفلح الساحر حيث أتى) .

{قَالَتِ السَّحَرَةُ سُجَّدًا قَالُوا آمَنَّا بِرَبِّ هَارُونَ وَمُوسَى} :

(فألقى السحرة سجداً) فاء مباشرة يعني ، الفاء هنا (فألقى) للمباشرة ، فعل مباشر سريع ، (فألقى السحرة سجداً) أطاعوا مباشرة و سجدوا ، رمز للخضوع لموسى ، (قالوا آمنا برب هارون و موسى) رب هارون و موسى ده هو الإله الحقيقي

، إحنا/نحن عارفين إيه هو الكذب و عارفين إيه هو الصدق ، لأن إحنا جوا/داخل المطبخ و جوا/داخل المصنع و خلف الكواليس ، ففاهمين الخبايا

و الخفايا ، اللي عمله موسى ده و اللي قاله موسى ده مش قول ساحر أبداً ، ده قول صادق ، (فألقى السحرة سجداً قالوا آمنا برب هارون و موسى) .

{قَالَ آمَنْتُمْ لَهُ قَبْلَ أَنْ آذَنَ لَكُمْ إِنَّهُ لَكَبِيرُكُمُ الَّذِي عَلَّمَكُمُ السِّحْرَ فَلَأَقْطَعَنَّ أَيْدِيَكُمْ وَأَرْجُلَكُمْ مِنْ خِلَافٍ وَلَأَصْلَبَنَّكُمْ فِي جُذُوعِ النَّخْلِ وَلَتَعْلَمَنَّ أَنِنَا أَشَدُّ عَذَابًا وَأَبْقَى} :

(قال آمنتم له قبل أن آذن لكم) آآه فرعون المجرم عاوز يتحكم في إيمان الناس حتى/ايضا ، (قال آمنتم له قبل أن آذن لكم) كلمة (قبل أن آذن لكم) إعتراف مبطن من فرعون إن موسى انتصر ، صح؟ إيه بقى؟ لأن هو قال إيه؟ (قال آمنتم له قبل أن آذن لكم) يعني مش تستنوا الإذن بتاعي أو إن أنا/إنني أفصل في المسألة لأن الأمر هابهم إن هو موسى انتصر بالأدلة بتاعته ، صح؟ ، (قال آمنتم له قبل أن آذن لكم) مجرم فرعون ده ، و قال إيه؟ (إنه لكبيركم الذي علمكم السحر) هنا بقى نظرية المؤامرة تبدأ إيه؟ تشتغل على المؤمنين و الصالحين و الأتقياء و الصادقين و الشرفاء ، يبدأ المنافقين و الكافرين إيه و الطغاة ، يشوهوا صورتهم و يقولوا الأكاذيب حول سيرتهم و يحاولوا يقللوا من شرفهم و يلفقوا لهم القضايا علشان الناس إيه؟ تنفر منهم و إيه؟ و تفزع منهم و تنفض عنهم ، ده سلوك قديم أهو ، تلفيق القضايا للمؤمنين ، بص/انظر (قال آمنتم له قبل أن آذن لكم) إنه لكبيركم الذي علمكم السحر) ده الكبير بتاعكو و إنتو/إنتم كنتم مخبيين/مخفيين عليّ و عاملين عليّ مؤامرة ، بيتهم/يتهم السحرة ، بيقول لهم إنتم كنتم عاملين مؤامرة مع موسى عشان تخرجوني في المناظرة دي ، أكيد في تخطيط ما بينكم و ما بين بعض ، طبعاً ده إيه؟ أكاذيب ، أكاذيب و محاولة إيه؟ من فرعون إن هو بيرر كفره ، فبيقول أكاذيب ، يختلق أكاذيب و يلفق لهم إيه؟ إيه؟ قضايا بالباطل ، تمام؟ ، إيه بقى مباشرة؟ قام قال لهم الجزاء و العقاب الدنيوي (فألقطعن أيديكم و أرجلكم من خلاف و لأصلبنكم في جذوع النخل و لتعلمن أننا أشد عذاباً و أبقى) هنا بقى بيتوعد السحرة ، بيتوعد السحرة اللي كان بيعتمد عليهم في حكم مصر ، تمام؟ لأن الطاغوت و الطاغية بيحكم البلد أو المكان ، من ضمن أركان حكمه إيه؟ الجنود ، و أركان حكمه إيه تاني؟ السحرة اللي هم الإعلاميين بقى و المطبلين و المنافقين ، تمام؟ و كذلك إيه؟ الكهنة ، رجال الدين ، هذا الثالوث الشرير النجس ، هو أداة من أدوات إبليس اللعين في خنق البشر و تقييد الصدق و إفشاء الكذب ، (قال آمنتم له قبل أن آذن لكم) إنه لكبيركم الذي علمكم السحر فلأقطعن أيديكم و أرجلكم من خلاف) يعني كل واحد فيكم هقطع إيده اليمين و رجله الشمال ، كده يعني أشووه يعني ، تمام؟ (و لأصلبنكم في جذوع النخل) بعد كده إيه؟ أعلقكم في النخل من غير أكل و شرب لغاية ماتموتوا ، عشان تبقوا عبرة ، كل ساحر

هرجعه للمحافظة بتاعته ، للمكان بتاعته ، للمدينة بتاعته و أعمل فيه كده
 عشان الناس تخاف ، و إنتم تبقوا عبرة للناس دي ، عشان الناس دي
 ماتتمردش عليّ ، لأن مناظرة زي دي إيه؟ كانت كفيلة إنها تهدد ملك فرعون
 مباشرة ، الناس تؤمن بموسى على طول ، لكن فرعون لما عمل كده
 خَوْف/أخاف الناس ، فالناس إيه؟ ارتدت ، رجعت خطوة للإيه؟ للخلف ،
 خوف ، إيه ده ، ده ممكن يعمل فينا كده ، لا إحنا/نحن نوثر السلام ، ده
 لسان حال الناس ، تمام؟ ، لذلك إيه بقى ، حادثة مشابهة ، حادثة مشابهة ل
 دي حصلت في الزمان القديم ، حادثة غلام الأخدود ، آآه ، أهل الأخدود
 اللي إحنا بنسمع عنهم في سورة البروج ، ربنا ذكر طرف من حديثهم و
 قصتهم في سورة البروج ، غلام الأخدود ده ، هذا الغلام الطاهر المؤمن ،
 كان بسببه أمن كثير من أهل اليمن ، تمام؟ ، كان هناك إيه؟ ملك كافر مجرم
 أراد أن يقتل هذا الغلام ، فكل ما يُصيّبه بسهم ، يطلق عليه سهم
 ما يصيبهوش ، و كان في جمع كبير ، تمام؟ فالغلام قال له إيه؟ عاوز تقتلني
 ، قول : بسم الله رب الغلام ، بسم الله رب الغلام ، ف دي كانت تعتبر
 مناظرة عامة و علنية ، فأول ما قال بسم الله رب الغلام ، السهم أصاب
 الغلام ، فاستشهد الغلام ولكن إستشهاده أدى إلى إيمان أهل اليمن ، فهي
 دي خطورة المناظرات ، لذلك دائماً الكفار و المنافقين بيخافوا من
 المناظرات العلنية ، ليه؟ لأنها بتؤدي إلى إيمان الناس ، (قال آمنتم له قبل أن
 آذن لكم إنه لكبيركم الذي علمكم السحر فلأقطعن أيديكم و أرجلكم من خلاف
 و لأصلبنكم في جذوع النخل و لتعلمن أينما أشد عذاباً و ابقى) هتعرفوا مين
 اللي بيده القوة و السلطة و الجبروت في هذه الدنيا ، طبعاً ده إيه؟ تهديد و
 تخويف من فرعون المجرم للمصريين .

{قَالُوا لَنْ نُؤْثِرَكَ عَلَىٰ مَا جَاءَنَا مِنَ الْبَيِّنَاتِ وَالَّذِي فَطَرَنَا فَاقْضِ مَا أَنْتَ قَاضٍ
 إِنَّمَا تَقْضِي هَذِهِ الْحَيَاةَ الدُّنْيَا} :

(قالوا لن نوثرك على ما جاءنا من البينات و الذي فطرنا) على طول رد
 السحرة اللي هم آمنوا و لامس الإيمان شغاف قلوبهم و لامس اليقين شغاف
 قلوبهم ، قالوا مباشرة فاء فاء ، (قالوا لن نوثرك على ما جاءنا من البينات و
 الذي فطرنا) بيقسموا بالله الذي خلقنهم و فطرهم ، أنهم لن يؤثروا فرعون
 على الله عز و جل ، لأنهم عرفوا الحق فكانوا مؤمنين بيقين ، (قالوا لن
 نوثرك على ما جاءنا من البينات و الذي فطرنا) البينات ؛ الحقائق و الأدلة
 الدامغة على صدق موسى و هارون ، (فاقض ما أنت قاض) احكم
 باللي/بالذي إنت عاوزه ، احكم كما تريد ، (إنما تقضي هذه الحياة الدنيا) إنت
 بتقضي في الدنيا بس ، لكن القضاء الحقيقي هو هيكون يوم القيامة .

{إِنَّا آمَنَّا بِرَبِّنَا لِيَغْفِرَ لَنَا خَطَايَانَا وَمَا أَكْرَهْتَنَا عَلَيْهِ مِنَ السِّحْرِ وَاللَّهُ خَيْرٌ وَأَبْقَى} :

(إِنَّا آمَنَّا بِرَبِّنَا) رب موسى و هارون ، (ليغفر لنا خطايانا) ذنوبنا ، (و ما أكرهتنا عليه من السحر) اللي إنت اضطريتنا و أكرهتنا عليه ، السحر اللي أنت أكرهتنا عليه ، إحنا/نحن نتعلمه و نعمله علشان نسيطر على الشعب ، (و الله خير و أبقى) ربنا خير للإيه؟ للمؤمن في الدنيا و الآخرة ، (و الله خير و أبقى) الإيمان هو الخير ، الإيمان هو الخير ، و الله هو الخير ، ف ده لسان السحرة اللي آمنوا إيمان عظيم جداً ، لأنه إيمان عن تجربة .

{إِنَّهُ مَنْ يَأْتِ رَبَّهُ مُجْرِمًا فَإِنَّ لَهُ جَهَنَّمَ لَا يَمُوتُ فِيهَا وَلَا يَحْيَى} :

و بعد كده بيكملوا ، بيقولوا : (إنه من يأت ربه مجرماً فإن له جهنم لا يموت فيها و لا يحيى) جهنم في اليوم الآخر بتتغيظ و تتشوق للمجرمين و العصاة ، فيكون حالهم إيه؟ لا حياة و لا موت ، لا هم أحياء و لا هم أموات ، عذاب شديد و العياذ بالله ، ف هنا بيردوا عليه ، بيقولوا له : إنت بتخوفنا بالقضاء بتاعك ، و بالصلب بتاعك اللي هتصلبهولنا على جذوع النخل ، و بتقطيع الأرجل و الأيدي من خلاف ، بتخوفنا و بترعبنا بأمر دنيوية؟؟؟!! إحنا/نحن بقى بنخوفك و بنرعبك بأمر أخروية : جهنم ؛ الذي لن يموت فيها أحد و لا يحيا من شدة العذاب ، ف هنا بيردوا عليه .

{وَمَنْ يَأْتِهِ مُؤْمِنًا قَدْ عَمِلَ الصَّالِحَاتِ فَأُولَئِكَ لَهُمُ الدَّرَجَاتُ الْعُلَى} :

(و من يأتته مؤمناً قد عمل الصالحات فأولئك لهم الدرجات العلى) المؤمنين ، اللي يلقوا الله عز و جل مؤمنين ، ربنا سبحانه و تعالى يُعطيهم إيه؟ الدرجات العلى ، (و من يأتته مؤمناً قد عمل الصالحات فأولئك لهم الدرجات العلى) الدرجات العلى اللي هي إيه؟؟ الجنات المتتاليات ، و جهنم إيه هي؟؟ الدرجات السفلى ، لأن الجنة درجات و إرتقاء ، و جهنم دركات ، و بمناسبة الدرجات فإن المنافقين هم في الدرك الأسفل من النار ، لأن المنافق ده ليس له شرف ، ربنا بيحتقره فيجعله في الدرك الأسفل من النار ، (و من يأتته مؤمناً قد عمل الصالحات فأولئك لهم الدرجات العلى) .

{جَنَاطٌ عَدْنٌ تَجْرِي مِنْ تَحْتِهَا الْأَنْهَارُ خَالِدِينَ فِيهَا وَذَلِكَ جَزَاء مَنْ تَزَكَّى} :

(جنات عدن) جنات مُعَدَّة مهياة ، (تجري من تحتها الأنهار) الأنهار بتجري من تحتها في كل مكان ، (خالدين فيها) خلود ، خلود ، (وذلك جزاء من تزكى) اللي يتزكى في الدنيا و يتطهر و يبحث عن الحق و يؤمن و يوقن و يصل بالله و يتصل بالله ، ف له الجنة جزاء تزكّيه و تطهره ، حد عنده سؤال ثاني؟؟ يالله/هيا((ليقرأ مروان الوجه)).



○ و أثناء تصحيح نبي الله الحبيب يوسف الثاني ﷺ لتلاوتنا ، قال لنا :

- طبعاً (قالوا لن نوثر ك على ما جاءنا من البينات و الذي فطرنا) من المعاني الأخرى للآية دي ؛ إن هم/إنهم يقولوا لفرعون إيه؟ إحنا/نحن مش هنفضاك على البينات اللي جاتلنا/أتت لنا ، و إيه ثاني؟ (و الذي فطرنا) و الذي أحيانا لأن البينات دي أحييتنا من جديد ، كأننا اتولدنا من جديد ، فاحنا/فنحن اتولدنا من جديد بالبينات دي و بإله موسى ، فاحنا/نحن مش هنفضاك على الحالة اللي إحنا فيها دلوقتي ، ده من معاني إيه؟ (و الذي فطرنا) ، و كذلك من معانيها (و الذي فطرنا) بيحلفوا بالله عز و جل ، قسم بالله عز و جل ، تمام؟ يالله/هيا((لتكمل أم المؤمنين الأولى تلاوة الوجه)).

● و قرأ أحمد آيات من سورة النبأ ، و صحح نبي الله الحبيب يوسف الثاني ﷺ تلاوته .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانهك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و
أحمد و يوسف بن المسيح صلوات تلو صلوات طيبات مباركات ، و على
أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه السادس من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه السادس من أوجه سورة طه ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السادس من أوجه سورة طه ، و نبدأ بأحكام التلاوة و مروان :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .

و مد لازم حرفي أو كلمي : الحرفي هو في أوائل السور , و الكلمي مثقل و يُمد بمقدار ٧ حركات مثل (و لا الضالين) .

و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمد بمقدار حركتين و هي مجموعة في جملة (حي طهر) , و حرف تمد بمقدار ٦ حركات و هي مجموعة في جملة (نقص عسلكم) .

و ثم تابع نبي الله يوسف الثاني ﷺ الجلسة بشرح الوجه لنا فقال :

الله سبحانه و تعالى يقص علينا من قصصه العظيمة التي فيها العبر الكثيرة و المواعظ الجميلة ، يقول تعالى :

{وَلَقَدْ أَوْحَيْنَا إِلَى مُوسَى أَنْ أَسْرِ بِعِبَادِي فَاضْرِبْ لَهُمْ طَرِيقًا فِي الْبَحْرِ يَبَسًا لَا تَخَافُ دَرْكًا وَلَا تَخْشَى} :

(و لقد أوحينا إلى موسى أن أسر بعبادي فاضرب لهم طريقاً في البحر يبساً لا تخاف دركاً و لا تخشى) طبعاً بعد ما فرعون يئس من موسى و بني إسرائيل و تطير بهم و تشائم منهم بسبب الضربات التي نزلت على مصر بشؤم معاصي فرعون و قومه ، في النهاية أطلق سراحهم و قال لهم إيه؟ اذهبوا ، تمام؟ طبعاً و بعد كده ندم و إيه؟ و لحقهم فيما بعد ، و لكن بعدما انطلق بني إسرائيل ، كانت وجهتهم إلى سيناء ، و لكن موسى لم يذهب إلى سيناء من طريق اليابسة ، و لكنه ذهب فيما يُحاذي البحر ، اللي هو كان خليج مقفول/مغلق ، يفصل الضفة الغربية عن الضفة الشرقية ، تمام؟ يعني يفصل وادي النيل عن إيه؟ عن شبه جزيرة سيناء ، و القوم استغربوا ، إزاي يا موسى جاي/تأتي عند منطقة البحر هنروح سيناء من خلال البحر!!!!!! ، كنا طلعنا شمال قليلاً ، طلعنا شمالاً قليلاً و دخلنا إيه؟ سيناء من اليابسة ، فهو قال لهم إنه ربنا أوحى لي إن أنا/إنني أمشي من هذا الطريق و أقابل البحر عند هذه النقطة و في تلك الساعة ، طبعاً ربنا علیم ، ليه بقي؟ لأنه يعلم سبحانه و تعالى إن في هذه النقطة ، في تلك الساعة ، في ذلك الزمن ، في تلك الليلة ، إيه؟ هيكون هناك جزر ، جزر للبحر في إيه؟ في شمال هذا الخليج المغلق ، الجزر ده نتيجة إيه؟ السنن الطبيعية و الظروف الطبيعية و حركة القمر و ما إلى ذلك ، يؤدي إلى إنفراج فلق يابسة أو فلق من اليابس داخل البحر ، في شمال هذا الخليج المغلق ، عادي ظاهرة طبيعية و بنشوفها على فكرة ، الأقمار الاصطناعية بترصدها ، تمام؟ و شوفناها قبل كده على الإنترنت ، المهم ربنا سبحانه و تعالى هيا لهم هذا الطريق في تلك البقعة ، في ذلك الزمن ، علشان ينزل فيه موسى هو و بني إسرائيل و يبقى إيه؟ مصيدة لجنود فرعون و بالتالي لفرعون ، تمام؟ ((قال نبي الله لمن عطس أثناء الجلسة : يرحمكم الله)) ، (و لقد أوحينا إلى موسى أن أسر بعبادي فاضرب) أسر يعني امشي إيه؟ بهم إيه؟ مسافة طويلة ، (فاضرب لهم طريقاً في البحر يبساً) يعني إيه؟ أوصف لهم الطريق اللي هينشق في البحر ، طريق يابسة و ما تخافوش و إنت برضو/أيضاً ماتخفش يا موسى ، (لا تخاف دركاً و لا تخشى) لا تخاف دركاً يعني إيه؟ ماتخافش إنك إيه؟ تنزل دركات في الطريق ده ، لأن الطريق ده عميق ، هتنزل كده منزل هتمشي في البحر و بعد كده هتطلع المطلع الناحية الثانية ، تمام؟ يعني مثلاً إيه؟ مسافة إيه؟ مش طويلة أوي و لا هي قصيرة أوي ، مسافة متوسطة يعني ، تمام؟ ، المهم الدرك من الدركات لأن إحنا/نحن عارفين إن جهنم إيه؟ دركات ، نزول يعني ، و الجنة إيه؟ درجات من الصعود ، فقال له : (لا

تخاف دركاً و لا تخشى) ماتخفش إن إنت تنزل و ماتعرفش تطلع ، لا إنزل ، إنزل في الإيه؟ آه ، في اللسان اللي إيه؟ ناشيء ده ، لسان ، لسان من اليايسة ، (و لا تخشى) ماتخافش ، أنا معك ، مش موسى قبل كده قال (كلا إن معي ربي سيهدين) فهو على يقين أن الله سبحانه و تعالى سيكون معه في كل خطواته ، تمام؟ .

{فَاتَّبَعَهُمْ فِرْعَوْنُ بِجُنُودِهِ فَغَشِيَهُمْ مِنَ الْيَمِّ مَا غَشِيَهُمْ} :

(فاتبعهم فرعون بجنوده) فرعون كان إيه؟ يتتبع أثارهم ، و يقتفي أثرهم ، (فاتبعهم فرعون بجنوده فغشيهم من اليم ما غشيهم) أول ما موسى نزل و بني إسرائيل نزلوا ، أول ما فرعون شاف كده ، أمر جنوده بإنهم ينزلوا ، طبعاً الجنود كانوا خايفين ، فأمرهم بكل قوة إن هم ينزلوا وراه ، ورا/وراء موسى ، فالجنود نزلوا خلف بني إسرائيل و بعد كده إيه؟ بني إسرائيل طلّعوا إيه ، أو صعدوا للضفة الأخرى و جنود فرعون كانوا اكتملوا في نزولهم في هذا اللسان ، في اللحظة دي ، ربنا كان مقدر إن المد ، الجزر ده ينتهي و يبقى في مد مباشرة ، فالبحر انطبق على هذا اللسان ، فغرق جنود فرعون ، و فرعون إيه؟ بالتالي غرق ، ليه؟ لأنه نظر إلى جنوده الذين ماتوا فكانه غرق غرقاً فعلياً يعني ، و رجع بعد كده نادم و منهزم و منكسر ، فكانت آية؟ و ربنا قال له (اليوم ننحيك بيدناك لتكون لمن خلفك آية) ، (فاتبعهم فرعون بجنوده فغشيهم من اليم ما غشيهم) نالهم من اليم ما نالهم يعني ، من العذاب .

{وَأَضَلَّ فِرْعَوْنُ قَوْمَهُ وَمَا هَدَى} :

(و أضل فرعون قومه) فرعون أضل إيه؟ أتباعه و قومه ، (و ما هدى) لم يهديهم الطريق إيه؟ المستقيم ، لأنه لم يتبع النبي و لم يستمع إلى إيه؟ تحذير النبي .

{يَا بَنِي إِسْرَائِيلَ قَدْ أَنْجَيْنَاكُمْ مِنْ عَدُوِّكُمْ وَوَاعَدْنَاكُمْ جَانِبَ الطُّورِ الْأَيْمَنِ وَنَزَّلْنَا عَلَيْكُمُ الْمَنَّاءَ وَالسَّلْوى} :

(يا بني إسرائيل) ربنا هنا بِيَمْنٍ على بني إسرائيل وبيذكرهم بهذه النعمة وبتلك النجاة ، (يا بني إسرائيل قد أنجيناكم من عدوكم وواعدناكم جانب الطور الأيمن و نزلنا عليكم المن والسلوى) ربنا بيبعدد على بني إسرائيل بعض النعم التي أنعم بها عليهم ، و يقول لهم إيه؟ (أنجيناكم من عدوكم) من فرعون ، خرجتم من مصر و بعد كده أغرقنا جنود فرعون في البحر ، و كانت آية عظيمة ، و دليل على قوة إلهكم ، (واعدناكم جانب الطور الأيمن) يعني أعطيناكم نعمة التوحيد اليمنى و حماية التوحيد اليمنى ، (واعدناكم جانب) يعني إيه؟ حماية (الطور الأيمن) التوحيد الأيمن ، التوحيد إيه؟ المنير ، التوحيد الحامي ، تمام؟ (وواعدناكم جانب الطور الأيمن) ده معنى الكلام ، ماشي؟ (و نزلنا عليكم المَنَّ والسَّلْوَى) المَنَّ من المِنَّة و النعمة ، و السلوى من التسلية و العزاء ، و كذلك من معانيها (و نزلنا عليكم المَنَّ) فطر كان بينزل ، بيطهر كده ، طعمه زي الكزبرة ، كأنه خبز يعني ، يسمى المَنَّ ، تمام؟ في صحراء سيناء ، (و السَّلْوَى) طيور صغيرة كده ، تصطادوها و تاكلوها ، تمام؟ ماشي .

{كُلُوا مِنْ طَيِّبَاتِ مَا رَزَقْنَاكُمْ وَلَا تَطْغَوْا فِيهِ فَيَحِلَّ عَلَيْكُمْ غَضَبِي وَمَنْ يَحِلَّ عَلَيْهِ غَضَبِي فَقَدْ هَوَى} :

(كلوا من طيبات مة رزقناكم و لا تطغوا فيه فيحل عليكم غضبي و من يحل عليه غضبي فقد هوى) يعني كلوا و تمتعوا بطيبات الله عز و جل و أرزاق الله بإيه؟ بطاعة و تزكية و خشية و تقوى و إيمان ، تمام؟ ، (و لا تطغوا فيه) لا تتجاوزوا الحدود ، لا تتجاوزوا حدود الله و لا تظلموا بعضكم البعض ، (فيحل عليكم غضبي) غضب ربنا يحل بسبب إيه؟ آثامكم و ذنوبكم ، و بعد كده ربنا بيقول إيه؟ (و من يحل عليه غضبي فقد هوى) اللي يحل عليه غضب ربنا فقد سقط في إيه؟ في الهوة السحيقة أو فقد سقط في الحفرة العميقة ، ده معنى (فقد هوى) تمام؟ .

{وَإِنِّي لَغَفَّارٌ لِّمَنْ تَابَ وَآمَنَ وَعَمِلَ صَالِحًا ثُمَّ اهْتَدَى} :

(و إني لغفار لمن تاب و آمن و عمل صالحاً ثم اهتدى) ربنا بيديهم/بيعطهم طريق العودة و طريق التوبة ، (و إني لغفار) أنا هغفر ، و (غفار) هنا صيغة مبالغة لأنه كثير الغفران لمن تاب ، اللي يتوب و يستغفر ، ربنا

هـيغفر له ، (و آمن) بعد التوبة ، (و عمل صالحاً) أتبع الإيمان بالعمل الصالح الذي يكون دليل على إيمانه و تعاهد لإيمانه ، لأن العمل الصالح يتعاهد الإيمان و يحمي الإيمان و يحرس الإيمان و يُحيط الإيمان ، (ثم اهتدى) اهتدى الطريق المستقيم و استمسك به و إلتزم بالصرط المستقيم و استقام عليه .

{وَمَا أَعْجَلَكَ عَنْ قَوْمِكَ يَا مُوسَى} :

بعد كده ربنا بيسأل موسى سؤال تعليمي ، دايماً كده بنعرف ربنا ، بعض الأسئلة بتبقى استنكارية و بعضها بتبقى إيه؟ تعليمية ، ده سؤال تعليمي ، بيقول له ، بيقول لموسى إيه؟ (و ما أعجلك عن قومك يا موسى) ، طبعاً إحنا/نحن عارفين إن ربنا أوحى لموسى ، إنه يروح يعتكف في الجبل ، جبل الطور في سيناء ثلاثين/٣٠ يوم ، و بعد كده ربنا أثناء الإعتكاف قال له زود عشرة ، ف زود العشرة ، فبقى أربعين يوم ، خلاص؟ ، طبعاً موسى كان قائل/قال لقومه إنه هيعتكف ٣٠ يوم ، و دي كانت الفتنة بتاعت إيه؟ قوم موسى ، إنه هو لما موسى تأخر الثلاثين/٣٠ ، خافوا ليكون مات ، فواحد منهم إستغل الظرف دوت/ده و أثر عليهم و خلاهم/جعلهم يعبدوا العجل ، اللي عملهم أو اللي عمله من الإيه؟ من ألحي اللي كانوا سارقينها من المصريين ، تمام؟ سيحها/صهرها كده و عملها عجل و قال لهم ده إلهكم ، دي اللي كانت الفتنة ، طيب إزاي حصلت؟؟ ٣٠ يوم زهقوا ، قالوا لهارون ده موسى مات و ماعرفش إيه ، إحنا عاوزين إيه؟ نتخذ طريقنا نحن و سبيلنا نحن و نشوف طريقنا من غير موسى بقى ، مادام/طالما موسى مات ، كل واحد يشوف طريقه ، يتفرقوا يعني بعد موسى و العياذ بالله ، شوفتوا بقى ، فقال لهم إزاي؟؟ إحنا نفضل ماشيين على طريق موسى حتى يرجع ، لأنه وعدنا إنه هيرجع ، فربنا إيه؟ لا يُخلف الميعاد ، و بعد كده ضغطوا على هارون ، ضغطوا عليه ، ضغطوا عليه ، فهارون كان ضعيف ، و دي بقى كانت إيه؟ الذنب اللي وقع فيها هارون ، شرك أنه أطاعهم في معصية الله ، و ده كان السبب اللي ربنا منع منه هارون يدخل فلسطين ، قال لهم سبع أيام ، لو ماجاش/لم يرجع موسى إعملوا اللي إنتو عاوزينه ، و عدت السبعة أيام ، و بقى ٣٧ يوم ، ماقدرش يتكلم معهم ، كان ضعيف ، لكن ده مايمنعوش إن هو كده ارتكب ذنب ، صح؟ إنه أطاعهم أو على الأقل إيه؟ سايرهم في إيه؟ عصيانهم أو سابهم يعملوا اللي هم عاوزينه ، ما أنكرش/لم ينكر عليهم ، بعد ٧ أيام صنعوا العجل ، عملوه في يوم ، و بعد كده قعدوا يعبدوه ليومين ، و بعد كده موسى لما رجع ، آآه ، حَزَنَ حُزْنَ عَظِيمٍ و غضب و صاح فيهم و نهرهم ، تمام؟ و هنعرف كل ده بالتفصيل إن شاء الله في الوجه القادم ، و لكن إيه؟ نكمل الآيات في هذا الوجه ، (و ما أعجلك عن

قومك يا موسى) ربنا ببسأله سؤال تعليمي ، يقول له : أنت عجلت إليّ بسرعة إليه ، أو جيتلي/أتيت إليّ في الإعتكاف ده و تركت قومك إليه يا موسى؟؟ ، هل ربنا مايعرفش؟؟ لا ، يعرف ، بس/لكن ده سؤال تعليمي ، هو بيحب عبده يقول له ، بيحب عبده يقول له إيه؟ الطاعة ، و يقول له إيه؟ الصراط المستقيم الذي سلكه ، (و ما أعجلك عن قومك يا موسى) ، فموسى قال له إيه؟ .

{قَالَ هُمْ أُولَاء عَلَى أَثَرِي وَعَجِلْتُ إِلَيْكَ رَبِّ لِتَرْضَى} :

فموسى قال له إيه؟ (قال هم أولاء على أثري) هم بيتبعوا تعاليمي و وصاياي و أنا مطمئن عليهم ، (و عجلت إليك رب لترضى) جيتلك/أتيت إليك في الإعتكاف يا رب عشان ترضى عني و عنهم .

{قَالَ فَإِنَّا قَدْ فَتَنَّا قَوْمَكَ مِنْ بَعْدِكَ وَأَضَلَّهُمُ السَّامِرِيُّ} :

فربنا قال له إيه؟ (قال فإننا قد فتننا قومك) قومك ضلوا يا موسى ، (قال فإننا قد فتننا قومك من بعدك و أضلهم السامري) واحد منهم ، ربنا سماه السامري ، السامري أي الذي يُري السموم ، سام ري أي الذي يروي بالسموم ، أي يروي بالشرك ، و هو أعطاهم الشرك و أراهم الشرك و أراهم السموم ، فلذلك سماه الله سبحانه و تعالى (السامري) ، السام ري ، أي الذي يروي بالسموم و المعاصي و العياذ بالله .

{فَرَجَعَ مُوسَى إِلَى قَوْمِهِ غَضْبَانَ أَسِفًا قَالَ يَا قَوْمِ أَلَمْ يَعِدْكُمْ رَبُّكُمْ وَعْدًا حَسَنًا أَفَطَالَ عَلَيْكُمُ الْعَهْدُ أَمْ أَرَدْتُمْ أَنْ يَحِلَّ عَلَيْكُمْ غَضَبٌ مِّن رَّبِّكُمْ فَأَخْلَفْتُم مَّوْعِدِي} :

(فرجع موسى إلى قومه غضبان أسفاً) رجع غضبان متأسف حزين ، (قال يا قوم أَلَمْ يَعِدْكُمْ رَبُّكُمْ وَعْدًا حَسَنًا) مش ربنا إدالكم/أعطاكم المَنَ و السَّلَوى و النِّعَم و التوحيد و النجاة من عدوكم ، كل ده ، كل ده و بتشكوا في ربنا و ابتعدوا عن طريقه و أنا قلت لكم ماتأخذوش صورة أو ماتعملوش صورة



منحوتة لله ، بتعملوا عجل!!! بتصوروا ربنا على شكل عجل يا مجرمين ، يا خبثاء!!!!! بتشابهوا المصريين الوثنيين اللي كانوا بيعبدوا الحيوانات و التماثيل و الأصنام ، يا مجرمين ، (فرجع موسى إلى قومه غضبان أسفاً قال يا قوم ألم يعدكم ربكم وعداً حسناً) مش إدالكم/أعطاكم الحسن و بيعدكم بالمزيد من الحسن ، (أفطال عليكم العهد) هو أنا طولت أوي كده؟؟! دول هم عشرة/١٠ أيام زيادة على الثلاثين/٣٠ يوم ، (أم أردتم أن يحل عليكم غضب من ربكم) علوزين غضب من ربنا ينزل عليكم ، (فأخلفتم موعدى) تخلفوا التوحيد و الوصايا اللي أنا وصيتكم بها قبل ما أعتكف ، طبعاً ده كان إختبار لبنى إسرائيل لما النبي يترفع منهم أو يمشي عنهم ، ربنا هيشوف إيه ؟ هم هيعملوا إيه؟ و هم اختبروا أنفسهم كده و شافوا النتيجة إيه ، إن هم لازم يسوسهم النبي أو لازم تسوسهم الأنبياء ، هكذا بنى إسرائيل ، لازم يبقى فيهم نبي ، لازم يسوسهم ، يقومهم ، لأن هم معوجين بطبيعتهم ، أمم معوجة ، ماينفعش معهم إلا وصايا النبي ، مش وصايا النبي ، و عذاب النبي كمان/أيضاً ، لأن النبي لما يجي/يأتي و محدش يسمع الكلام ، ربنا بينزل العذاب و اللعنات على هؤلاء القوم ، بيمشوش/لا يمشون إلا كده ، يا نبي يجي/يأتي يقول لهم الحسن و التزكية ، فيتبعوه أو يتبع المؤمنون منهم هذا النبي ، و الكافرين يحل عليهم العذاب ، هم مايمشوش إلا كده ، قالوا إيه لموسى بقى؟ .

{قَالُوا مَا أَخْلَفْنَا مَوْعِدَكَ بِمَلَكِنَا وَلَكِنَّا حُمَلْنَا أَوْزَارًا مِّن زِينَةِ الْقَوْمِ فَقَذَفْنَاهَا فَكَذَلِكَ أَلْقَى السَّامِرِيُّ} :

قالوا إيه لموسى بقى؟ (قالوا ما أخلفنا موعدك بملكننا) يعني إحنا/نحن ماغيرناش وصاياك و ما أخلفناش وصاياك بإرادتنا ، (بملكننا) بإرادتنا يعني ، بيبسروا المعصية بتاعتهم ، بيجاولوا يبرروا معصيتهم ، (قالوا ما أخلفنا موعدك بملكننا و لكننا حملنا أوزاراً من زينة القوم فقذفناها) يعني إحنا/نحن كان علينا خلى و أخذنا خلى و سرقناها من المصريين و خدعناهم ، و كانت دي أوزار علينا ، فبشؤم المعاصي ديت/هذه قذفناها ، يعني إديناها/أعطيناها للسامري ده ، (فكذلك ألقى السامري) أخذها السامري و سبيحها/صهرها و عمل منها الشرك ، عمل منها العجل اللي إحنا/نحن أشركناه مع الله ، فكان إثم أدى إلى إثم ، وزر أدى إلى وزر ، كما أخبرناكم من قبل . حد عنده أي سؤال تاني؟ يالله/هيا!!(ليقرأ مروان الوجه)).

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك
اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و
أحمد و يوسف بن المسيح صلوات تلو صلوات طيبات مباركات ، و على
أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه السابع من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ المدود الخاصة ، ثم قام بقراءة الوجه السابع من أوجه سورة طه ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السابع من أوجه سورة طه ، و نبدأ بأحكام التلاوة و أرسلان :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، أزر .
- مد الفرق مثل الله ، الذكرين .

و ثم تابع نبي الله يوسف الثاني ﷺ الجلسة بشرح الوجه لنا فقال :

طيب ، هنا ربنا سبحانه و تعالى بيكمل القصة ، قصة إيه؟ شرك بني إسرائيل و عبث بني إسرائيل و فتنة بني إسرائيل التي وقعوا فيها وقت أن كان موسى -عليه السلام- في الإعتكاف في الجبل ، تمام؟ عندما أخبره الله سبحانه و تعالى أن قومه قد ضلوا ، أخبره بالوحي ، فهنا ربنا سبحانه و تعالى بيكمل القصة فقال :

{فَأَخْرَجَ لَهُمْ عَجَلاً جَسَداً لَهُ خُوارٌ فَقَالُوا هَذَا إِلَهُكُمْ وَإِلَهُ مُوسَى فَنَسِيَ} :

(فأخرج لهم عجلاً جسداً له خوار) السامري اللي فتن بني إسرائيل ، أخذ منهم الذهب اللي سرقوه من مصر و سحوه/صهره و عمل منه عجل ، و قال لهم ده إلهكم ، شبه كده الآلهة اللي بتبقى موجودة في مصر زمان ، يعني الفتنة دي كانت من جنس فتن الزمان اللي فات ده ، اللي هو كان من حوالي تقريباً ٣٧٠٠ سنة ، تقريباً ، تمام؟ ، الفتنة دي كانت من جنس الفتن اللي وقتها ، اللي إيه؟ معظم الأقوام كانت تتخذ إيه؟ صور للكائنات الحية تعبدها ، معظم البلدان ، مش كانت مصر بس/فقط يعني ، كان كل معظم البلدان كانت كده يعني ، عندهم ديانات وثنية ، فبني إسرائيل ماصبروش على الديانة التوحيدية ، الديانة الحقّة ، حبوا/أحبوا يعملوا إيه؟ شبه المصريين ، عندهم بقى عجل كده من ذهب و إيه؟ يفتخروا به أمام الأقوام و القبائل التي كانت حولهم في سيناء ، ضلال مبين ، ضلال مبين ، لمجرد إنك تقلد غيرك في الباطل ، ده ضلال مبين ، مجرد إنك ماتستمعش لكلام النبي و وصايا النبي ، ده ضلال مبين و عدم إحترام له ، و عدم إحترام لله عز و جل ، تمام؟ ، فكانت فتنة بني إسرائيل في الوقت ده من جنس إيه؟ فتن الوقت ده ، فلذلك نعرف دايماً إن كل الأقوام ، في وقت مبعث الأنبياء بتكون فتنهم من جنس فتن الزمان اللي هم فيه ، صح كده؟ طيب ، (فأخرج لهم عجلاً جسداً له خوار) لما ضحك على بني إسرائيل و قال لهم إيه؟ إحنا/نحن نعمل بقى عجل كده و نفتخر به أمام القبائل و يبقى هو ده صورة إلهنا اللي في السماء يعني ها ، صورة إلهنا الخفي ، هو ضحك عليهم و قال لهم دي هتبقى صورة إلهنا ، بقى إن هم/إنهم عارفين في الوصايا إنه لا تتخذ تمثالاً و لا صورة للإله ، و لا تُشكِّله بأي شكل ، تمام؟ ، هم عارفين كده ، واخدين الوصايا دي ، لكنهم كسروا الوصية لمجرد إن النبي إعتكف و غاب عنهم فترة وجيزة ، تمام؟ طيب ، (فأخرج لهم عجلاً جسداً له خوار) هناخذ المعنى الظاهر و بعد كده ندخل على المعنى الباطن ، عمل لهم عجل كده ، جسد عجل ، عجل مادي يعني ، صنم يعني ، (له خوار) عمل فتحة من بوقه/فمه و فتحة من إيه؟ مؤخرته ، في إيه ، بقى في إيه؟ في ممر في بطنه ، يبقى الهوا/الهواء لما يخش/يدخل من قدام/أمام يخرج من ورا/وراء يعمل صوت كخوار العجل ، خلاص؟ خلاص ، خذ بقى المعنى إيه؟ الباطني لكلمات هذه الآية ، (فأخرج) أنتج يعني ، (لهم) لقوم موسى الذين ضلوا ، (عجلاً) عجل من العجل لأن هم/لأنهم عجلوا تعجلوا و لم يصبروا حتى يرجع إليهم موسى ، موسى قال لهم ٣٠ يوم ، لكن لما كان بعد الثلاثين/٣٠ يوم ، ربنا قال له خذ عشرة كمان/أيضاً ، فسمع ، فاستمع ، استمع لأمر الله عز و جل ، ف هم إيه؟ ظنوا إن موسى مات ، فتعجلوا ، قتلوا/قلت لكم الوجه اللي فات إن إيه؟ هارون ماقدرش عليهم ، قال لهم اصبروا إسبوع طيب عقبال/لغاية ما يرجع ، فلما صبروا الأسبوع و موسى مارجعش ، فقالوا له يا هارون خلاص كده ،

، كده غالباً مات ، فهارون ماقدرش إيه؟ يوقف قدامهم/أمامهم ، ضعف و خاف لإيه؟ لمقاومته لهم يفرق ما بين بني إسرائيل ، يفرقهم يعني و يتقاتلوا فيما بينهم ، فأثر السلام و سكت ، لمجرد إنه سكت كانت معصية ؛ لأنه ما أنكرش/لم ينكر عليهم بكل قوة ، كلمهم بس/فقط ، بكن ما أنكرش بكل قوة ، و ده الكلام اللي عاتبه عليه موسى لما رجع ، طيب ، إذاً (عجلاً) من العَجَلَة ، صفاتهم بقى فيها إيه؟ عَجَلَة ، تعجل و التعجل من الشيطان ، و التعجل عكس الصبر ، عكس صلة البر ، الصبر هو صلة البر ؛ صلة الوصايا ، صلة الإيه؟ صلة الوصية ، فاللي مايصبرش يبقى إيه؟ متعجل ، صح؟ ، إذا العجلة كلها شر و العياذ بالله ، و النبي كان يُحب إيه؟ صفتان أو صفتين يُحبهما الله ، إيه هما؟ الجِلْمُ و الأناة ، الجِلْمُ و الأناة هما عكس العَجَل ، و هما إيه؟ من معاني الصبر (و العجل هو من رموز الشرك في الرؤيا) ، إذاً أول حاجة عَجَل من العَجَلَة ، خلاص؟ عدم التأنى ، طيب ، كمان/أيضاً بقى : عَجَل ؛ نقسمها : عين جيم عج ، و اللام علة ، عج يعني ضباب ، من العَجَّة ، بتسمع الكلمة دي؟ عجة ، و كنا و أنا صغير في السعودية ، يقولك إيه؟ هتيجي مثلاً عاصفة ترابية ، يقولوا عليها عجة ، عجة ، العجة دي العاصفة الترابية ، ماشي؟ يعني ضلال و ضباب و غبش ، تمام؟ ، إذاً عجة : عاصفة ترابية أو إيه؟ عدم وضوح للرؤية ، و اللام : علة ، إذاً علة عدم وضوح الرؤية ، و هو ده إيه؟ الشرك ، صح؟ ، الشرك هو علة إيه؟ عدم وضوح الرؤية ، تمام ، كمان/أيضاً عجل : عين عي و لوعة و لعاعة ، صح؟ و جل أي جلل عظيم ، أي لوعة و لعاعة عظيمة ، صح؟ طيب ، قلنا كم معنى كده؟؟ إثنين/٢؟ يعني قلنا عَجَل من عَجَل ، و عج ، تمام؟ و اللام ، و بعد كده العين و جل ، كده ثلاثة/٣ ، بالإضافة للمعنى الظاهر اللي هو العجل العادي اللي إنتو عارفينه ، يبقى كده أربع معاني ، (جسداً) مادي ، شيء مادي ، يعني الشرك ده؟ دائماً كده ، يبقى سبب من أسباب المادية ، بسبب إيه؟ الفتن المادية ، حاجة مادية ، ماديات ، الناس تتقاتل على الماديات ، لا تذهب إلى إيه؟ الروح و النور و المعاني الباطنة ، صح كده؟ دائماً كده الناس اللي هي مابتقدرش المشاعر و الأحاسيس و العاطفة ، دايمًا بتقع في الشرك ، لأن الشرك أصله إيه؟ شيء مادي ، الصنم حاجة مادية ، حاجة ملموسة بإيدك ، فجسد يعني حاجة إيه؟ جسدية ، و كذلك جسد يعني شهوة جسدية محرمة ، تحول بينك و بين الإيمان ، صح كده؟ ، طيب ، خلي بالك بقى ، و هنعرف ده هيكون مصير إيه السامري في الآخر ، ربنا يحول بينه و بين الإيمان عندما يقول له إيه؟ (أن تقول لا مساس) أي لا مساس للإيمان في قلبك إلى أن تموت ، و ده سلب للإيمان ، و دي من أعظم إيه؟ العواقب ، و من أعظم العذابات و من أعظم العقاب الذي يحله الله سبحانه و تعالى على المشرك أو العاصي ، أن يحول بينه و بين الإيمان ، و أن يحول بينه و بين قلبه ، خلي بالك ، طيب ، (له خوار) خوار ، خوار برضو له أربع معاني : خوار يعني الصوت ده اللي كان طالع بقى ده من الإيه؟ العجل ، دائماً العجل يطلق/يخرج خوار كده ، عارفين الصوت ده ، طيب خلي بالك بقى من أصوات الكلمات ، خوار : خاء فخر ، وار وارى أي إيه؟ مستخبي ، مخبأ أي إيه؟ أي إخفاء الفخر ، عكس اللي هم كانوا عاوزينه ، هم كانوا عاوزين

يتفاخروا بالإيه؟ بالعجل أمام الأمم وقتها ، لأن دي ثقافة المجتمعات وقتها ، تمام؟ التفاخر بالأصنام و إيه؟ مما صنعت تلك الأصنام ، (خوار) الخاء صوت الفخر ، وار أي وارى الفخر ، عكس بقى ما أرادوا ، تمام؟ ، أخفى الفخر لأن الشريك يخفي الفخر ، و الفخر الحقيقي هو إيه؟ الإيمان و التوحيد و إتباع وصايا الأنبياء ، تمام ، كذلك خوار : خوا أي خاوي ، ليس فيه شيء ، ار أي رأى أو أرى ، أي أرى إيه؟ الخواء ، أرى إيه؟ الخواء الروحي و الخواء الإيماني ، كذلك هو الإيه؟ الشريك ، يُري الخواء النفسي و الخواء الروحي ، و الخواء من الإيمان و الإستقامة و العقيدة ، تمام؟ طيب ، خوار كذلك من إيه؟ من الخور ، إيه الخور ده بقى؟ الضعف ، الخور هو الضعف ، يقولك إيه؟ مالك/ما بك ، هذا فيه إيه؟ خور ، خور يعني إيه؟ ضعف ، ها ، ضعف و مرض ، هو ده إيه الخوار ، إذاً شفنا الأربع معاني إزاي؟ طيب ، خلي بالك ، (فأخرج لهم عجلاً جسداً له خوار فقالوا هذا إلهكم و إله موسى فنسي) قالوا مين؟ اللي هو السامري و أتباعه ، الفئة الضالة ، اللي كان في قلبها مرض ، اللي كانت إيه؟ عاصية متمردة على وصايا الأنبياء ، (فقالوا هذا إلهكم و إله موسى فنسي) يعني ده إله موسى بس هو نسي يقول لكم إن هي دي صورته ، إحنا/نحن بقى اللي قلنا لكم ، يعني هو إيه؟ مش هم قالوا إن هو مات ، ظنوه مات ، فخلاص بقى افتكروا إن الساحة إيه؟ فاضية لهم ، فبدأوا إيه؟ يألّفوا و يقولوا أي كلام من عندهم ، و يجيبوا/يأتوا مبررات لمعاصيهم و شركهم ، فمن ضمن المبررات اللي قالوها إيه؟ إن هو نسي يقول لكم إن هي دي صورته ، بس/لكن إحنا إيه؟ إحنا/نحن عارفين إن هي دي كانت صورته فاتبعوا ما نقول ، ف دي كانت إيه؟ مبررات أو مبرر من ضمن مبررات المشركين لإستزلال الموحدين من بني إسرائيل .

{أَفَلَا يَرَوْنَ أَلَّا يَرْجِعُ إِلَيْهِمْ قَوْلًا وَلَا يَمْلِكُ لَهُمْ ضَرًّا وَلَا نَفْعًا} :

بعد كده ربنا بيرد عليهم ، بيقول لهم إيه؟ (أفلا يرون ألا يرجع إليهم قولاً و لا يملك لهم ضرراً و لا نفعاً) إنتو/أنتم مش فاهمين و مش شايقين و مش مدركين إن العجل دوت/هذا مايبكلمكمش/لا يكلمكم لما بتنادوه و بتدعوه؟؟! مايبيردش عليكم و لا يملك لكم ضرر و لا نفع ، مايقدرش يضركم و لا ينفعكم ، تمام؟ و كذلك كل الأصنام .

{وَلَقَدْ قَالَ لَهُمْ هَارُونُ مِنْ قَبْلُ يَا قَوْمِ إِنَّمَا فُتِنْتُمْ بِهِ وَإِنَّ رَبَّكُمُ الرَّحْمَنُ فَاتَّبِعُونِي وَأَطِيعُوا أَمْرِي} :

بعد كده ربنا بيذكر طرف من الحديث اللي دار ما بينهم و ما بين هارون ،
(و لقد قال لهم هارون من قبل يا قوم إنما فتنتم به) هو أنكر عليهم و قال لهم
: غلط / خطأ !!!، (و إن ربكم الرحمن فاتبعوني و أطيعوا أمري) .

{قَالُوا لَنْ نَبْرَحَ عَلَيْهِ عَاكِفِينَ حَتَّى يَرْجِعَ إِلَيْنَا مُوسَى} :

ردوا عليه ، قالوا له إيه؟ (قالوا لن نبرح عليه عاكفين) مش هنرجع عن إيه؟
عبادة هذا العجل أو الصورة اللي إحنا/نحن إتخذناها لإله موسى ، مع إن
ربنا كان نهاهم إن هم يتخذوا أي صورة له أو تمثال ، (قالوا لن نبرح عليه
عاكفين حتى يرجع إلينا موسى) لو رجع و كان حي و قال لنا إن ده غلط ،
خلاص هنرجع ، يعني بيحطوا/بيضعوا العقدة في المنشار زي ما بيقلوا
كده في العصر الحديث ، تمام؟ ، بيعجزوا هارون ، بيقلوا إيه؟ طيب ، مش
هم طبعاً فاهمين إن عندهم احتمال كبير إن يكون موسى مات ، فبيعجزوا
هارون ، بيقلوا مش هنعمل إلا لما موسى يرجع ، موسى يرجع ، إيه؟
نتناقش معه في القصة ديت/هذه و إيه؟ و هنشوف هنعمل إيه ، كده لعب ،
بيلعوا ، بيستعبطوا .

{قَالَ يَا هَارُونُ مَا مَنَعَكَ إِذْ رَأَيْتَهُمْ ضَلُّوا} :

بعد كده بقى موسى ، ربنا إيه؟ بيختصر هنا الأحداث في كلمات ، (قال يا
هارون ما منعك إذ رأيتهم ضلوا) ليه ما شديتش/لم تشدد عليهم بقوة ، مش
مجرد كلام ، لا ، أنكرت بالفعل ، يعني كسرت مثلاً الصنم ده أو منعتهم إن
هم يسبيحوا/يصهروا الذهب و يعملوا صنم ، تمام؟ لأن الإنكار يكون
بتلات/ ٣ إيه؟ طرق ، إما بالإيه؟ بالفعل ، باليد يعني ، أو باللسان ، أو بالقلب
و ذلك أضعف الإيمان ، فهو كان له إيه؟ القوة أو السلطة عليهم من بعد
موسى ، لأن هو إيه؟ موسى حطه عليهم ، وضعه عليهم إيه؟ إماماً ، ده كان
قائد ، قائد قبيلة و نبي ، كان يقدر بإيده يغير ، ماغيرش/لم يُغَيَّر ، فهنا هو
إيه؟ لم يُفعل سلطاته التي أعطاهها له موسى ، فهنا كانت علة العتاب ما بينه
و ما بين موسى ، (قال يا هارون ما منعك إذ رأيتهم ضلوا) ليه ماغيرتش
بإيدك ، اكتفيت بس/فقط باللسان .

{أَلَا تَتَّبِعُنِ أَفْعَصَيْتَ أَمْرِي} :

(ألا تتبعن أفعصيت أمري) أنت ماتتبعنيش؟ ، أنت بتعصاني يا هارون؟ ، عتاب عظيم من موسى لهارون .

{قَالَ يَا ابْنَ أُمِّ لَا تَأْخُذْ بِلِحْيَتِي وَلَا بِرَأْسِي إِنِّي خَشِيتُ أَنْ تَقُولَ فَرَّقْتَ بَيْنَ بَنِي إِسْرَءِيلَ وَلَمْ تَرْفُضْ قَوْلِي} :

بعد كده هارون بيرد عليه ، بيقول له إيه؟ بيقول له إن أنا ضعيف يعني (قال يا ابن أم لا تأخذ بلحيتي و لا برأسي إني خشيت أن تقول فرقت بين بني إسرائيل و لم ترقب قلبي) خفت لما أنا أغيير بالإيد ، إني أعمل فرقة و تنازع ما بين إيه؟ أفراد بني إسرائيل ، و دي طبعاً إيه؟ حجة غير صحيحة ، إن هو يملك ، إن هو إيه؟ يغير المنكر بإيده ، كان لو عمل كده ماكنش الناس دي هتضل ، فكان هو من مسؤولياته إن هو يوقف وقفة قوية و يغير بإيده و يشد عليهم و يعنفهم و يؤدبهم ، لكنه ماعملش كده ، ف دي تعتبر عصيان من هارون و ذنب بسببه ربنا منعه يدخل فلسطين ، طيب ، قال له إيه؟ (قال يا ابن أم) بإيه؟ بيترقق لأخيه ، ياخويا ، يا ابن امي (يا ابن أم لا تأخذ بلحيتي و لا برأسي) يعني إيه؟ ماتفتكرش إني قوي زيك ، ها إيه بقى؟ (لا تأخذ بلحيتي) ماتطنش إن لحيتي الكبيرة دي معناها إني إيه؟ قوي ، لا تأخذ بمظهري و سمت لحيتي ، (و لا برأسي) إني إيه؟ رأسي دي أعظم منك أو إني بفكر أحسن منك أو إني أقوى منك أو إني عندي شكمة أعظم منك ، يعني ماتنبهرش بمنظري و لا تعتبر انني لمجرد انني اكبر منك سنا انني أقوى منك !!!! فهذا من معاني لا تأخذ بلحيتي و لا برأسي يعني ايضاً لا تنظر الى الشيب الذي في لحيتي و شعر رأسي ، (لا تأخذ بلحيتي و لا برأسي) يعني أنا ضعيف جداً ، أضعف مما تتصور ، هنا مبرر من مبررات إيه؟ هارون أمام موسى ، عشان يحاول إن موسى يسامحه ، فهمتوا يعني إيه (لا تأخذ بلحيتي و لا برأسي) ، تمام؟ ، فيه ناس تقول لك إيه؟ (لا تأخذ بلحيتي و لا برأسي) يعني ماتشدنيش من ذقني و لا من رأسي ، يعني موسى شده من ذقنه و من رأسه ، في ناس فاكرة كده يعني ، و ده مش صحيح ، زي ما بيقول لك إيه؟ (فقبضت قبضة من أثر الرسول فنبذتها و كذلك سولت لي نفسي) بيقول لك إيه؟ إن السامري ده جاب/أتى شوية تراب كده من أثار الحصان اللي جبريل كان ماشي عليه و حطها/وضعها في الإيه؟ في الذهب المتسيح/المنصهر ده فالذهب المتسيح ده فجأة كده طلع/ظهر لوحده بقى عجل ذهبي ، كل ده كلام فاضي ، تفاسير خرافية ليست حقيقية ، و زي ما

بيقول لك إيه؟ مثلاً إيه؟ (إن لك في الحياة أن تقول لا مساس) إن السامري ده ، ربنا عاقبه إن هو إيه؟ ماقدرش إيه ، يمس حاجة بجلده ، يبقى عنده مرض ماقدرش يمس حاجة بجلده ، أو إن هو كده هيذهب في الغابات يبقى متوحش ، ماחדش يقدر يجي/يأتي جنبه أو هو يجي جنب حد ، ده مش صحيح ، كل دي معاني غير صحيحة ، المعنى الصحيح اللي أنا قلته ، و هأكد عليه لما يجي ، (قال يا ابن أم لا تأخذ بلحيتي و لا برأسي إني خشيت أن تقول فرقت بين بني إسرائيل و لم ترقب قولي) خلاص كده ، خلص العتاب ما بين موسى و هارون .

{قَالَ فَمَا خَطْبُكَ يَا سَامِرِيُّ} :

بعد كده موسى بقى بيكلم السامري ، بيكلم مين؟ السامري ، الذي يُري السُم ، أو الذي ارتوى من السُم ، و هو سُم نفسه و هواه و كبره و اعتداده برأيه و عصيانه و شركه ، فهذه كانت مشارب نفسه و هي سموم ، شرب منها ذلك الرجل ، فسماه الله : السامري ، (قال فما خطبك يا سامري) إيه حكايتك يا سامري؟ إيه اللي عملته دوت/ده؟ إيه مانفذتش وصاياي؟ إيه كسرت الوصية؟ إيه جعلت بني إسرائيل يقعوا في الشرك؟ .

{قَالَ بَصُرْتُ بِمَا لَمْ يَبْصُرُوا بِهِ فَقَبَضْتُ قَبْضَةً مِّنْ أَثَرِ الرَّسُولِ فَنَبَذْتُهَا وَكَذَلِكَ سَوَّلَتْ لِي نَفْسِي} :

قال له إيه بقى السامري؟ بيبرر هنا عصيانه (قال بصرت بما لم يبصروا به) أنا شفت حاجة هم مش شايفنها ، يعني أنا عندي رأي هم مايعرفهوش ، يعني أنا بفكر أحسن منهم و بالتالي منك يا موسى ، بس/لكن هو ماقدرش يقول له كده ، قال له بشكل غير مباشر ، كده يعتبر إن هو بيفكر أحسن من موسى بس/لكن هو ماقدرش يقول له بشكل مباشر ، قالها له بشكل غير مباشر ، لما قال له إيه؟ (قال بصرت بما لم يبصروا به) يعني أنا رأيي و وجهت نظري اللي عندي أحسن من اللي هم إيه؟ شايفنها ، أو اللي هم استمسكوا بها من بعدك ، (قال بصرت بما لم يبصروا به) خلي بالك ، ربنا هنا بقى بيتكلم عن لسان حاله (فقبضت قبضة من أثر الرسول) بعد كده إيه؟ (فنبذتها و كذلك سولت لي نفسي) يعني إيه؟ يعني أنا في بداية الأمر قبضت على وصاياك يا موسى ، مين الرسول؟ موسى ، (فقبضت قبضة من أثر الرسول) من وصايا الرسول و أثار بركات النبي قبضت عليها و كنت مؤمن جداً ، ده لسان حاله

، مش هو اللي بيقول كده السامري ، ده ربنا اللي بيحكى عن لسان حال السامري ، هكذا هو أسلوب القرآن في كثير من المواطن ، خلي بالك ، يعني مش هو كده قال لموسى إيه؟ (فقبضت قبضة من أثر الرسول فنبذتها و كذلك سولت لي نفسي) لاهو ماقلش/لم يقل كده ، ده ربنا بيحكى لسان حاله ، فكان حاله إيه في الأول السامري؟ كان مؤمن فعلاً ، خلي بالك ، و كذلك المنافق بيبقى في الأول مؤمن ، لكن بعد كده بيستزله الشيطان و تستزله الذنوب و المعاصي ، فيبدأ ينافق و العياذ بالله ، و ينسى الإيمان و إيمانه بيلى ، (فقبضت قبضة من أثر الرسول) يعني في الأول أنا كنت مستمسك بالوصايا ، بوصايا النبي ، كنت مؤمن ، و بعد كده إيه؟ مباشرة حصل إيه لما موسى غاب؟ (فنبذتها) يعني إيه؟ تخليت عنها ، من النبذ ، (فنبذتها) تخليت عنها ، و كذلك من معاني فنبذتها : إحتقرتها ، إحتقرت وصايا النبي في المقابل إيه؟ رأيي و إعتدادي برأيي ، لأن هو قال إيه؟ فبصرت ، (بصرت بما لم يبصروا به) يعني قدس عقله و نفسه و هواه على وصايا النبي ، و دي فتنة إيه؟ المنافقين دائماً في كل الأجيال و في كل الأزمان ، (و كذلك سولت لي نفسي) هي نفسي هي اللي إيه؟ وسوست لي بكده ، لأن النفس هي نوع من أنواع إيه؟ الشياطين ، النفس العاصية شيطان ، و كذلك الشيطان الشبحي شيطان ، و كذلك شيطان الإنس شيطان ، تمام كده؟ طيب .

{قَالَ فَاذْهَبْ فَإِنَّ لَكَ فِي الْحَيَاةِ أَنْ تَقُولَ لَا مِسَاسَ وَإِنَّ لَكَ مَوْعِدًا لَنْ تُخْلَفَهُ وَانْظُرْ إِلَى إِلْهِكَ الَّذِي ظَلْتَ عَلَيْهِ عَاكِفًا لَنُحَرِّقَنَّهُ ثُمَّ لَنَنْسِفَنَّهُ فِي الْيَمِّ نَسْفًا} :

(قال فاذهب) موسى بقى قال له العقاب ، (قال فاذهب) امشي ، (فإن لك في الحياة أن تقول لا مساس) يعني في الدنيا طول ما إنت عايش ، عمرك ما هتחס حلاوة الإيمان تاني ، آه ، و ده كان أعظم عقاب ، (قال فاذهب فإن لك في الحياة أن تقول لا مساس) لن يمس الإيمان قلبك مرة أخرى ، آه ، لن تشعر بحلاوة الإيمان تمر على شغاف قلبك ، أبداً لن يحدث و ده عقاب عظيم ، عقاب عظيم ، مايعرفهوش إلا المؤمنين ، المخلصين ، (قال فاذهب فإن لك في الحياة أن تقول لا مساس و إن لك موعداً لن تخلفه) يوم القيامة يعني ، هتتأسب على كل ده يوم القيامة ، بيهده بيوم القيامة ، (و انظر إلى إلهك الذي ظلت عليه عاكفاً) ده مش إلهنا ، ده إلهك إنت ، ده مش صورة إلهنا ، دي صورة هواك و نفسك و شيطانك ، شوف الإله اللي إنت عملته ، و (ظلت) يعني إيه؟ استمررت عاكف على عبادته و على صناعته و على تقديسه و على إضلال الناس به ، (و انظر إلى إلهك الذي ظلت) يعني استمررت ، تمام؟ ، (عليه عاكفاً) قاعد جنبه باستمرار من إعتكاف و الإنقطاع له ، (لنحرقنه) نحطه/نضعه في النار ، يعني إيه؟ نُهْئُهُ يعني ، (ثم لننسفنه) نكسره ، (في اليم نسفاً) نكسره و بعد كده نذره في البحر ، موسى



إيه؟ كسره و حطه و ثم حرقه و قال لبني إسرائيل يدقوا كل جزء منه حتى يبقى زي الرمل/الرمل كده و يرموه في البحر ، عشان ماحدش يتعلق بأي جزء منه بعد كده ، و مايقاش له أي أثر ، عشان يمحي أثر الشرك من قلوب بني إسرائيل ، فأمرهم إن هم يكسروه بأيديهم ، عشان يكفروا عن خطاياهم ، تمام؟ .



{إِنَّمَا إِلَهُكُمُ اللَّهُ الَّذِي لَا إِلَهَ إِلَّا هُوَ وَسِعَ كُلَّ شَيْءٍ عِلْمًا} :

(إنما إلهكم الله) ربنا هو الله الواحد الأحد ، (الذي لا إله إلا هو) مفيش حد غيره إله ، (وسع كل شيء علماً) يعلم كل شيء ، (وسع كل شيء علماً) هو ده الكرسي ، الكرسي هو علم الله ، (وسع كل شيء علماً) ، حد عنده سؤال ثاني؟ .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الثامن من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الوقف و السكت , ثم قام بقراءة الوجه الثامن من أوجه سورة طه ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثامن من أوجه سورة طه ، و نبدأ بأحكام التلاوة و مروان :

الوقف :

ج (وقف جائز) , قلبي (الوقف أفضل لكن الوصل جائز) , صلي (الوصل أفضل لكن الوقف جائز) ,

لا (ممنوع الوقف) , ما (وقف لازم) , وقف التعانق و هو لو وقفت عند العلامة الأولى فلا تقف عند العلامة الثانية و لو وقفت عند الثانية لا تقف عند الأولى) .

و السكت :

هو حرف السين ، و هو وقف لطيف دون أخذ النفس ، مثل : من راق ، بل ران .

و ثم تابع نبي الله يوسف الثاني ﷺ الجلسة بشرح الوجه لنا فقال :

{كَذَلِكَ نَقُصُّ عَلَيْكَ مِنْ أَنْبَاءِ مَا قَدْ سَبَقَ وَقَدْ آتَيْنَاكَ مِنْ لَدُنَّا ذِكْرًا} :

ربنا سبحانه و تعالى يخاطب النبي محمد ﷺ و يقول له : (كذلك نقص عليك من أنباء ما قد سبق) إشارة لما قد سبق ، لما قد سبق قصته أو قصته من أخبار موسى و فرعون في هذه السورة المباركة ، و كذلك لما قد سبق ذكره من كافة قصص الأنبياء و قصص المرسلين و قصص الأمم السابقة التي خلت من قبل ، فيقول سبحانه و تعالى : (كذلك نقص عليك من أنباء ما قد سبق) يعني إيه؟ تسرية لك و تسلية لك ، تسرية عنك و تسلية لك ، لكي تأخذ العبرة و يأخذ قومك و من إيه؟ يتلوهم العبرة و الموعظة ، (كذلك نقص عليك من أنباء ما قد سبق و قد آتيناك من لدنا ذكراً) أعطيناك ذكر مني أو من الله عز و جل ، الله سبحانه و تعالى أعطى محمد و أعطى الرسل و الأنبياء ذكر و موعظة و تذكير ، لأن التذكير بالله عز و جل هو أصل المنجيات و أصل الخلاص و أصل الإطمئنان ، (و قد آتيناك من لدنا ذكراً) تذكير مستمر ، و القرآن الكريم يُسمى ذكر ، لأن الله سبحانه و تعالى قال (إننا نحن نزلنا الذكر و إننا له لحافظون) تمام؟ فالله سبحانه و تعالى أطلق على القرآن ذكر ، و من ضمن أسماء القرآن أنه ذكر أي يُذكر بالله عز و جل ، أصل التذكرة و أصل إيه؟ الذكر هو القرآن الكريم .

{مَنْ أَعْرَضَ عَنْهُ فَإِنَّهُ يَحْمِلُ يَوْمَ الْقِيَامَةِ وِزْرًا} :

(من أعرض عنه فإنه يحمل يوم القيامة وزراً) القرآن أتى إلى الدنيا ، اللي هيُعرض ، مجرد إعراض ، مش عداوة كمان/ايضا ، فما بالك لو عادي؟؟ مجرد الإعراض فقط و التولي و عدم التدبر ، (فإنه يحمل يوم القيامة وزراً) يوم الآخر ، في اليوم الآخر ، يوم الدينونة ، سيحمل وزر أي حمل أثيم و حمل أليم ، و الوزر هو تمثيل من تمثلات المعصية التي تُبأشر بتعذيب العاصي يوم القيامة ، لأن الإنسان يُعذب ، من ضمن ما يُعذب : بأعماله المتمثلة في جهنم و العياذ بالله ، (من أعرض عنه فإنه يحمل يوم القيامة وزراً) ، طبعاً وزرا : الواو دوي دائري منتظم ، و الزاي هو صوت الذنب في الكشف ، و الراء أي رأى ، أي أنه يرى دوي دائري منتظم لتمثل ذنبه ، تمام؟ و هو في حد ذاته عذاب أليم و العياذ بالله .

{خَالِدِينَ فِيهِ وَسَاءَ لَهُمْ يَوْمَ الْقِيَامَةِ حِمْلًا} :

(خالدين فيه و ساء لهم يوم القيامة حملاً) خالدين في هذا العذاب ، تمام؟ ،
(و ساء لهم يوم القيامة حملاً) يعني هذا الحمل الأثيم و الأليم سييء جداً ،
سييء جداً ، سيُعذبهم عذاب أليم ، (خالدين فيه و ساء لهم يوم القيامة حملاً)
كانهم يحملونه على ظهورهم فيثقلهم و يؤذيههم .

{يَوْمَ يُنْفَخُ فِي الصُّورِ وَنَحْشُرُ الْمُجْرِمِينَ يَوْمَئِذٍ زُرْقًا} :

(يوم ينفخ في الصور و نحشر المجرمين يومئذ زرقاً) يوم ينفخ في الصور
اللي هو إيه؟ إيدان بالبعث ، (الصور) إحنا/نحن قلنا قبل كده إنه هو إيه؟
إيدان بظهور صور المكلفين بأجساد أخرى ، ليعثوا في يوم الدينونة و هو
اليوم الآخر ، يُسمى باليوم الآخر ، (يوم ينفخ في الصور) و الله سبحانه و
تعالى و كل ملاك سماه إسرافيل كي ينفخ في هذا الصور ، و هو مجازاً كأنه
بوق عظيم يعني ، يُنفخ فيه ، و فهمنا كلمة (صور) من خلال أصوات
الكلمات من قبل ، و كذلك صور : الصاد هي إتصال ، و اور أي إيه؟ يُري
، أي أنها صور المكلفين تتراكم في أجساد جديدة في اليوم الآخر ، في اليوم
الآخر ، (و نحشر المجرمين يومئذ زرقاً) المجرم مفرد مجرمين ، و
المجرمون العصاة و الكافرين يحشرون يوم القيامة كأنهم زرق ، يعني كأنهم
إيه؟ الدم محبوس في جسمهم ، كأنهم موتى يعني ، أو كأنهم فزعون ، تمام؟
، من شدة الفزع و من شدة الألم ، (و نحشر المجرمين يومئذ زرقاً) اللي هو
إيه؟ كأن ده إنسان مابتتنفسش/لا يتنفس ، لأن الإنسان الميت أو اللي
مايبتتنفسش نجد فيه زرقة ، بنسميها سنترال سيانوزيس/Central cyanosis

عندنا في الطب ، بنسميها إيه؟ سنترال سيانوزيس/Central cyanosis ،
تمام؟ ، سيانوزيس/cyanosis دلالة على أن الإنسان ده مابتتنفسش أو
الأكسجين مابيوصلهوش ، تمام؟ ، و دي من ضمن مظاهر إيه؟ الموت أو
فشل الأعضاء ، بنسميها إيه؟ سنترال سيانوزيس/Central cyanosis .

{يَتَخَفَتُونَ بَيْنَهُمْ إِنْ لَبِثْتُمْ إِلَّا عَشْرًا} :

(يتخافتون بينهم إن لبثتم إلا عشراً) المجرمين ما بينهم إيه؟ بيتهامسوا كده من شدة الخوف ، مش عارفين يرفعوا صوته من شدة الخوف و من رهبة الموقف و من رهبة يوم العرض ، (يتخافتون بينهم إن لبثتم إلا عشراً) يعني إنتو/أنتم قعدتوا في الدنيا دي عشرة أيام مثلاً؟؟ .

{نَحْنُ أَعْلَمُ بِمَا يَقُولُونَ إِذْ يَقُولُ أَمْثَلُهُمْ طَرِيقَةً إِن لَّبِثْتُمْ إِلَّا يَوْمًا} :

(نحن أعلم بما يقولون) ربنا أعلم بما يقولون ، يعني مطلع على قولهم لأنه يعلم السر و أخفى ، (إذ يقول أمثلهم طريقة إن لبثتم إلا يوماً) اللي هو إيه؟ وعى الموقف بشكل جيد ، يقول لك : لا ، ده إحنا/نحن قعدنا يوم واحد مش عشرة أيام بس/فقط ، من شدة الفزع و من شدة الألم ، تمام؟ .

{وَيَسْأَلُونَكَ عَنِ الْجِبَالِ فَقُلْ يَنْسِفُهَا رَبِّي نَسْفًا} :

(و يسألونك عن الجبال فقل ينسفها ربي نسفاً) يوم القيامة من شدة الرهبة و من شدة الموقف ، حتى الجبال تفزع و تخاف و تُنسف و تكون كالعهن ، يعني كالقطن كده ، ليس لها قيمة و ليس لها وزن و ليس لها كثافة تذكر من شدة الموقف ، و كل دي تصاوير مجازية على شدة يوم العرض ، يوم القيامة ، (و يسألونك عن الجبال) يعني حتى الجبال هتصمد يعني يوم القيامة الأكبر؟ ها؟ هيقول لك : لا ، (فقل ينسفها ربي نسفاً) حتى الجبال تنسف ، يعني مايكونش لها قيمة يعني ، تمام؟ .

{فَيَذَرُهَا قَاعًا صَفْصَفًا ۖ لَا تَرَى فِيهَا عِوَجًا وَلَا أَمْتًا} :

(فيذرها قاعاً صفصفاً ۖ لا ترى فيها عوجاً و لا أمتاً) يجعلها كأنها مساوية للأرض ، كأنها تراب مُسَوًى للأرض ، ليس فيها أي إعوجاج من إعوجاجات إيه ، و نتوءات إيه؟ الصخور و الجبال ، تمام؟ ، (فيذرها قاعاً صفصفاً) كأنها إيه؟ بعد أن كانت هامة كبيرة و عالية و تُرى من بعيد ، أصبحت قاع ، أي أنها في القاع ، تمام؟ ، عكس إيه؟ الإرتفاع ، (فيذرها قاعاً صفصفاً) يعني مصفوفة ، التراب ده و الصخور دي أصبحت مصفوفة

على الأرض ، مُسَوَاةً بالأرض ، يعني محدش يقدر يرفع راسه و لا يُنَاطِح الله عز و جل يوم القيامة ، ده المعنى يعني ، (و يسألونك عن الجبال فقل ينسفها ربي نسفاً ٥ فيذرها قاعاً صفصفاً ٦ لا ترى فيها عوجاً و لا أمتاً) .

{يَوْمَئِذٍ يَتَّبِعُونَ الدَّاعِيَ لَا عِوَجَ لَهُ وَخَشَعَتِ الْأَصْوَاتُ لِلرَّحْمَنِ فَلَا تَسْمَعُ إِلَّا هَمْسًا} :

(يومئذ يتبعون الداعي لا عوج له) يعني إيه؟ هيتبعوا الملائكة ، تمام؟ أينما إيه؟ تُسَيِّرهم ، يتبعون الملائكة أينما تُسَيِّرهم ، لا يَعُوجُّون أو لا يَعُوجُّون طريقهم ، تمام؟ ، يسIRON في طريق مستقيم ، يعني كأن الصراط المستقيم اللي كان من المفترض إن هم يسIRONوا عليه خلف النبي في يوم الدنيا ، هم الآن يسIRONوا أيضاً على الصراط المستقيم جبراً خلف إيه؟ الملاك الداعي لهم ، تمام؟ ، (و خشعت الأصوات للرحمن فلا تسمع إلا همساً) محدش يقدر يرفع صوته ، و لا حد يقدر يتكلم ، تمام؟ و ماتسمعش إلا التهامس من شدة الخوف ، ربنا هنا بيُعطي بعض الإشارات و الأوصاف المجازية ، تمام؟ للدلالة أو للتدليل على يوم العرض و يوم القيامة ، (يومئذ يتبعون الداعي لا عوج له و خشعت الأصوات للرحمن فلا تسمع إلا همساً) .

{يَوْمَئِذٍ لَا تَنْفَعُ الشَّفَاعَةُ إِلَّا مَنْ أَذِنَ لَهُ الرَّحْمَنُ وَرَضِيَ لَهُ قَوْلًا} :

(يومئذ لا تنفع الشفاعة إلا من أذن له الرحمن و رضي له قولاً) ربنا سبحانه و تعالى لن يقبل الوساطة أو الشفاعة من أي أحد إلا إذا أذن و رضي ، شرط أو شرطاً قبول الشفاعة أن يأذن الله سبحانه و تعالى و أن يرضا ، من إيه؟ من الشافع ، و الشفعاء أنواعهم كثيرة ، منهم إيه؟ الأنبياء و الملائكة و الشهداء و الأبناء و الصالحين ، فالشفعاء كثيرون ، و كذلك الأعمال تشفع ، و كذلك الله سبحانه و تعالى يشفع بين عباده ، الله سبحانه و تعالى يشفع بين عباده .

{يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِهِ عِلْمًا} :

(يعلم ما بين أيديهم و ما خلفهم) الله سبحانه و تعالى يعلم السر و أخفى ، (يعلم ما بين أيديهم) يعني مستقبلهم ، إيه اللي هيكون فيه ، (و ما خلفهم) و ماضيهم ، (و لا يحيطون به علماً) ماقدروش يُحيطوا بعلم الله عز و جل ، لأن الله سبحانه و تعالى هو العليم و هو واسع العلم .

{وَعَنْتِ الْوُجُوهُ لِلْحَيِّ الْقَيُّومِ وَقَدْ خَابَ مَنْ حَمَلَ ظُلْمًا} :

(و عنت الوجوه للحي القيوم و قد خاب من حمل ظلماً) ، (و عنت الوجوه) يعني طأطأت الرؤوس و الوجوه للحي القيوم ، تمام؟ و شعرت بإيه؟ بالخوف و العناء من شدة الرهبة و من شدة الموقف ، هذا معنى (و عنت) أي إيه؟ شعرت إيه؟ بالألم و الخوف ، (و قد خاب من حمل ظلماً) اللي هيظلم ، هيقتص منه يوم القيامة ، (و قد خاب من حمل ظلماً) اللي هيحمل ظلم فهو خائب و العياذ بالله ، و ليس بمفلح ، نسأل الله عز و جل أن نكون من المفلحين . (((آمين)))

{وَمَنْ يَعْمَلْ مِنَ الصَّالِحَاتِ وَهُوَ مُؤْمِنٌ فَلَا يَخَافُ ظُلْمًا وَلَا هَضْمًا} :

(و من يعمل من الصالحات و هو مؤمن فلا يخاف ظلماً و لا هضماً) ربنا سبحانه و تعالى بيُشيد بالعمل الصالح و لكن شرط القبول إيه؟ الإيمان ، (و من يعمل من الصالحات و هو مؤمن) أي في الدنيا ، (فلا يخاف ظلماً و لا هضماً) مايفش لا من ظلم و لا إن حقه يُهضم يعني يؤخذ ، (فلا يخاف ظلماً) محدش يقدر يظلمه أبداً ، (فلا يخاف ظلماً و لا هضماً) تمام؟ لا أحد يستطيع أن يهضم حقه أو يأخذه غصباً ، تمام؟ .

{وَكَذَلِكَ أَنْزَلْنَاهُ قُرْآنًا عَرَبِيًّا وَصَرَّفْنَا فِيهِ مِنَ الْوَعِيدِ لَعَلَّهُمْ يَتَّقُونَ أَوْ يُحْدِثُ لَهُمْ ذِكْرًا} :



(و كذلك أنزلناه قرآناً عربياً و صرّفنا فيه من الوعيد لعلمهم يتقون أو يحدث لهم ذكراً) طبعاً القرآن نزل في أمة عربية ، نزل بلسان عربي مبين ، فربنا أنزله باللغة العربية إصطفاء لهذه اللغة و تشريعاً لهذه اللغة الإلهامية كما قال

الإمام المهدي الحبيب ﷺ ؛ اللغة العربية هي لغة إلهامية ، (و كذلك أنزلناه قرآناً عربياً) ده الإيه؟ الصفة الأولى ، و الصفة الثانية : (و صرفنا فيه من الوعيد) يعني في كل موضع أو في كثير من مواضعه ، ربنا سبحانه و تعالى ذكر كثير من الوعيد ، ذكر كثير من الوعيد للكافرين و للظالمين ، علشان إيه؟ إيه العلة؟ (لعلهم) ، العلة أهى (لعلهم يتقون) يتصفوا بالتقوى ، يعني أن يجعلوا بينهم و بين الله ، أو يجعلوا بينهم و بين عذاب الله وقاية ، (لعلهم يتقون أو يحدث لهم ذكراً) يعني يتفكروا ، يتدبروا ، تمام؟ يتفكروا يتدبروا ، يقفوا وقفة حساب مع أنفسهم ، يعني إن لم يتقوا التقوى التامة و الشاملة ، على الأقل يتذكروا و يتدبروا و يتوقفوا في تدبر عند هذه الكلمات ، ف دي هي علة إن القرآن نزل باللغة العربية ، تمام؟ (و كذلك أنزلناه قرآناً عربياً و صرفنا فيه من الوعيد لعلهم يتقون أو يحدث لهم ذكراً) ، طبعاً في كلمات في الوجه ده ، إن شاء الله هنعيد/سنعيد البحث فيها من خلال المعنى الظاهر و كذلك المعنى الباطن و كذلك من خلال قراءة أصوات الكلمات فيها ، من ضمن هذه الكلمات إيه؟؟ عنت ، خلي بالك ، عنت ، أمّا ، صفصفا ، تمام؟؟ ماشي ، ده مبدئياً ، التلات كلمات دول/هذه هنباشرهم مرة أخرى بالمعنى ، ماشي؟ ، عنت ، صفصفا ، أمّا ، تمام؟ ياالله/هيا ، حد عنده سؤال ثاني؟؟ ياالله/هيا مروان((ليقرأ الوجه المبارك)) .

● و قرأ أحمد آيات من سورة القيامة ، و صحح نبي الله الحبيب يوسف الثاني ﷺ تلاوته .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانهك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبيائك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه التاسع من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه التاسع من أوجه سورة طه ، و أجاب على أسئلتنا بهذا الوجه ، و أنهى نبي الله ﷺ الجلسة بأن صحح لنا تلاوتنا .

بدأ نبي الله ﷺ جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه التاسع من أوجه سورة طه ، و نبدأ بأحكام التلاوة و رقيقة :

- من أحكام النون الساكنة و التنوين :

الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب عني حبيبي همّني خبره) , و حروف الإظهار تجعل النون الساكنة أو التنوين تُظهر كما هي .

الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم يكون إخفاءً شفويًا . مثال : من بعد .

و ثم تابع نبي الله يوسف الثاني ﷺ الجلسة بشرح الوجه لنا فقال :

في هذا الوجه العظيم المبارك من سورة طه ، يقول سبحانه و تعالى :

{فَتَعَالَى اللَّهُ الْمَلِكُ الْحَقُّ وَلَا تَعْجَلْ بِالْقُرْآنِ مِنْ قَبْلِ أَنْ يُقْضَى إِلَيْكَ وَحْيُهُ وَقُلْ رَبِّ زِدْنِي عِلْمًا} :

(فتعالى الله الملك الحق) الله سبحانه وتعالى يُقدس نفسه ويقول : إنه الرب العلي ، العالي ، المتعالي ، الملك الحق ، وهو الحق وهو العدل وهو الميزان ، (فتعالى الله الملك الحق ولا تعجل بالقرآن من قبل أن يقضى إليك وحيه و قل رب زدني علماً) يعني يا محمد لا تستعجل نزول القرآن كاملاً و إنقضاء نزوله إليك لأنه إيه؟ ينزل منجماً أي ينزل على مكث ، أي ينزل تدريجياً لأسباب تعليمية ، (و لا تعجل بالقرآن من قبل أن يقضى إليك وحيه) في هذا ، في هذه الآية يقول الله سبحانه وتعالى : أن القرآن سيُقضى وحيه أي سينتهي وحيه في وقت من الأوقات ، فلا تعجل يعني ماتستعجلش ، قضاءه سيحدث في وقت محدد ، الذي يحدده الله سبحانه وتعالى ، (و قل رب زدني علماً) يعني يا رب زدني وحيًا ، لأن العلم في القرآن هو الوحي والوصال ، و قل رب زدني وصالاً ، و من هذه الآية نستشرف ونفهم و نستنتج أن طلب الوصال من الله عز و جل هو محمود ، طلب الوحي والوصال من الله عز و جل هو محمود و مطلوب و مأمورين به ، لأن ربنا قال (و قل رب زدني علماً) رب زدني عرفاناً و وحيًا و وصالاً ، تمام؟ .

{وَلَقَدْ عَهِدْنَا إِلَى آدَمَ مِنْ قَبْلِ فَنَسِيَ وَلَمْ نَجِدْ لَهُ عَزْمًا} .

{وَإِذْ قُلْنَا لِلْمَلَائِكَةِ اسْجُدُوا لِآدَمَ فَسَجَدُوا إِلَّا إِبْلِيسَ أَبَى} :

(و إذ قلنا للملائكة اسجدوا لآدم فسجدوا إلا إبليس أبى) ربنا سبحانه وتعالى يبجل طرف من بدايات إختبار آدم أو من بداية إيه؟ وضع الإيه؟ الإبتلاء و الإختبار في هذه الدنيا من وقت إصطفاء آدم -عليه السلام- ، (و إذ قلنا للملائكة اسجدوا لآدم) ربنا أمر للملائكة أو أي ملاك إنه يسجد و يُطيع آدم -عليه السلام- أول مصطفى ، أول مصطفى من البشر ، (فسجدوا) مباشرة ، فأطاعوا مباشرة ، (إلا إبليس أبى) واحد كان شافيف نفسه إن هو مهم يعني ، و شافيف إن هو يبصر أو يبصر ما لا يبصرون ، زي السامري كده يعني ، فرفض الخضوع لآدم لأنه ظن ، إبليس ظن أنه أعلم من آدم و أقوى من آدم ، و هو بالفعل مادياً هو أقوى منه و أقدم منه ، و قد يكون أعلم منه ، و لكن هو رفض أمر الله عز و جل ؛ لأن الله أراد ان إيه؟ يسجد القوي للضعيف في هذا الكون ، أو في هذا الإختبار ، أو في هذه الدورة من الإبتلاء و

الإختبار ، الله يأمر ، أنت تنفذ ، النبي يأمر ، أنت تنفذ ، لا تنظر إلى الحكمة و لا تراجع النبي و لا تراجع الله عز و جل في أوامره ، لأن أمر الله و أمر النبي فيه حكمة باطنة خفية ، إن لم تفهمها في الآن أو في الحال ، ستفهمها مؤجلاً أو مؤخراً بأمر الله تعالى ، فهذا درس و هذه حكمة نستشفها و نستنتجها من هذه الآية و من هذا الحدث ، (و إذ قلنا للملائكة اسجدوا لآدم فسجدوا إلا إبليس أبى) أبى من الإباء ، يعني كان شايف نفسه عنده عزة و كبرياء ، إزاي هو العليم و اللي هو القوي يسجد للضعيف اللي لسي بيتعلم ، اللي ربنا لسي بيعمله الأسماء ، فهنا بقى كان إبتلاء ، إبتلاء لإبليس ، فرسب في ذلك الإبتلاء و العياذ بالله .

{فَقُلْنَا يَا آدَمُ إِنَّ هَذَا عَدُوٌّ لَّكَ وَلِزَوْجِكَ فَلَا يُخْرِجَنَّكَمَا مِنَ الْجَنَّةِ فَتَشْقَى} :

(فقلنا يا آدم إن هذا عدو لك) مباشرة ربنا بينصح آدم ، بيقول له : إبليس ده عدو ، (عدو لك و لزوجك) و لمراتك و كذلك و لنفسك ، تمام؟ ، (فلا يخرجنكما من الجنة فتشقى) ربنا مع بداية إختبار الدنيا ، كان قدر إن آدم و ذريته و زوجه يكونوا في جنة ، في سعادة و في عدم شقاء و في عدم شيخوخة و في عدم ظمأ و في عدم عُري ، يعني كان كل النعم لهم ، و عدم شيخوخة مش معناه إن هم مايموتوش ، لأ ، ممكن يموتوا لأسباب أخرى ، و لكن ما إيه؟ مايقاسوش آلام الشيخوخة اللي هي (و لا تضحى) ، و لا تضحى ، و كلمة (و لا تضحى) دي ؛ أنا كنت كتبت عنها في المدونة بعض إيه؟ المعاني ، لمن أحب أن يستزيد فليرجع إليها ، (فقلنا يا آدم إن هذا عدو لك و لزوجك فلا يخرجنكما من الجنة فتشقى) ، تمام؟ .

{إِنَّ لَّكَ أَلَّا تَجُوعَ فِيهَا وَلَا تَعْرَى} :

(إن لك ألا تجوع فيها و لا تعرى) مش هتجوع و لا تعرى ، لن إيه؟ تتعرى يعني .

{وَأَنَّكَ لَا تَظْمَأُ فِيهَا وَلَا تَضْحَى} :

(و أنك لا تظماً فيها و لا تضحى) مش هتعتش و لا هيعتريك إيه؟ شيخوخة أو آلام الشيخوخة ، تمام؟ ، لكن كده كده الموت مقضي به على إيه؟ على بني البشر ، و بني إيه؟ بني الجن ، عادي ، و لكن هيكون إيه؟ هيكون لكم صحة قوية يعني و أعمار طويلة ، تمام؟ ، ده المعنى يعني ، فالحنّة دي إبليس لعب عليها ، إيه هي؟ الأبدية و الخلود و الملك الذي لا يبلى ، هي دي اللي إبليس لعب عليها ، لعب عليها إزاي بقى؟ .

{فَوَسْوَسَ إِلَيْهِ الشَّيْطَانُ قَالَ يَا آدَمُ هَلْ أَدُلُّكَ عَلَى شَجَرَةِ الْخُلْدِ وَمُلْكٍ لَّا يَبْلَى} :

لعب عليها إزاي بقى؟ (فوسوس إليه الشيطان) إبليس وسوس له ، وسوسله يعني ، (قال يا آدم هل أدلك على شجرة الخلد و ملك لا يبلى) شجرة لو أكلت منها ، ماتموتش أبداً ، مش مجرد بس ما يُصيّبكش آلام الشيخوخة ، لأ ، ده إنت مش هتموت أصلاً ، و إيه تاني؟ (و مُلك لا يبلى) هيكون عندك مُلك لا يعتريه الإيه؟ الهلاك و لا يعتريه البلاء ، و لا يعتريه الإيه؟ الزوال ، أبداً ، فشوف إيه ، آدم كان عنده نِعَم عظيمة ، كونه سمع إبليس ، ده كان عدم شكر للنعمة ، ف ده كان ذنب آدم ، مع إن ربنا حذره إنه ما يستمتعش لإبليس العدو ، لأن ربنا قال له إن ده عدو ، إتخذه إيه؟ عدو ، و احذر منه إنت و زوجك ، تمام؟ .

{فَأَكَلَا مِنْهَا فَبَدَتَ لَهُمَا سَوْآتُهُمَا وَطَفِقَا يَخْصِفَانِ عَلَيْهِمَا مِنْ وَرَقِ الْجَنَّةِ وَعَصَى آدَمُ رَبَّهُ فَغَوَى} :

(فأكلا منها) مباشرة كده إستزلهما الشيطان ، (فأكلا منها فبدت لهما سواتهما) مباشرة كده إيه؟ ظهرت السوات بقى ، اللي ربنا كان مانعها عنهم ، و كذلك احتقروا إيه؟ نفسيهما ، آدم و زوجه ، من إيه؟ من هذه المعصية ، و كذلك شؤم المعصية و نحس المعصية أصاب آدم و زوجه ، كل ده معناه إيه؟ كل ده يشرح معنى (فبدت لهما سواتهما) ، (و طفقاً يخصفان عليهما من ورق الجنة) يحاولوا إيه؟ يرجعوا اللي خسروه من أنفسهم جراء هذه المعصية ، فبيحاولوا يرمموا و يعملوا جبر لأنفسهم من خلال ورق الجنة ، بركات الجنة و نِعَم الجنة الإلهية ، ده المعنى ، و المعنى الظاهر إن هم إيه؟ عورتهم بانّت/ظهرت يعني و أخذوا إيه؟ من أوراق الجنة ببستروا أنفسهم ، يعني اللي بيعصي ربنا ، عورته بتبان/بتظهر ، كأنه عورته بتبان/بتظهر ، كأن عورته بتبان/بتظهر أمام الأبليس و أمام إيه؟ الشياطين ، تمام؟ بيحاول

يستر نفسه ، اللي بيعصي ربنا كرامته بتتبعتر فبيحاول يستر نفسه ، (فأكلا منها فبدت لهما سوآتهما و طققا يخصفان عليهما من ورق الجنة) و طققا أي طافا بقوة ، (و عصى آدم ربه فغوى) آدم عصى ربنا فذهب في طريق إيه؟ في طريق غير واضح ، في طريق التشويش و الغيش و الضلال فغوى ، غوى : الغين : ضباب و تشويش و عدم وضوح للرؤية ، و تمام؟ ، و الواو : دوي دائري إيه؟ منتظم ، ماشي؟؟ طيب ، طبعاً بعد كده آدم إيه؟ ندم و استغفر و تلقى من الله عز و جل كلمات فاستغفر بها و دعى الله عز و جل ، حصل إيه بقى؟ ربنا تاب عليه .

{ثُمَّ اجْتَبَاهُ رَبُّهُ فَتَابَ عَلَيْهِ وَهَدَى} :

(ثم اجتباه ربه فتاب عليه و هدى) طبعاً ربنا اصطفى آدم من بين البشر اللي كانوا موجودين و كان إداله/أعطاه إيه؟ الميزة دي و النعمة دي ، اللي هي الجنة ؛ عدم الجوع أبداً ، عدم العطش أبداً ، عدم التعري أبداً ، عدم إيه؟ الشيخوخة (و لا تضحى) يعني حاله لا يضحى من حال إلى حال ، يعني إيه؟ ما تصيبهوش الشيخوخة هو و ذريته ، ف دي نعمة عظيمة كبيرة ، آدم ماشكرهاش ، طيب بعد كده لما ربنا قضى عليهم بإيه؟ بأنه ممكن يبقى في جوع ، ممكن يبقى في إيه؟ برد ، ماقدرش يلبس حاجات تدفيه/تدفؤه ، ممكن يظلم أوقات ، و كذلك تصيبه شيخوخة ، خلاص؟ ، ربنا إيه؟ أظهر لهم السوات بقى بشؤم المعصية ، بعد كده إيه؟ تاب على آدم (ثم اجتباه) هنا إحنا/نحن قلنا قبل كده الفرق ما بين الإصطفاء و الإجتباء ؛ الإصطفاء أن إيه؟ تكون إنت في بيئة طيبة ، تصطفى منها ، الإجتباء : إنت تكون في بيئة وحشية ، بيئة متوحشة ، إنت متألم ، مفيش حد/لا يوجد حد بيساعدك على الإيمان ، و ده كان حال آدم بعد المعصية ، فربنا اجتباه ، أنقذه يعني ، الإجتباء هو الإنقاذ ، أي أخرجه من الجُب ، من البئر ، تمام؟؟ ، (ثم اجتباه ربه فتاب عليه و هدى) ربنا تاب عليه و هداه الصراط المستقيم .

{قَالَ اهْبِطَا مِنْهَا جَمِيعًا بَعْضُكُمْ لِبَعْضٍ عَدُوٌّ فَإِمَّا يَأْتِيَنَّكُمْ مِنِّي هُدًى فَمَنِ اتَّبَعَ هُدَايَ فَلَا يَضِلُّ وَلَا يَشْقَى} :

بعد كده بقى إيه؟ ربنا سبحانه و تعالى إيه؟ قضى القضاء النافذ لبني البشر و بني الجن ؛ (قال اهبطا منها جميعاً) نعمة الجنة اللي أنا قدرتها لكم في هذه الدنيا ، خلاص ، مش هتكون جبراً متاحة ، لأ ، لازم إنت تسعى بقى لها و

تتعبد عشان توصل لها ، (قال اهبطا منها جميعاً بعضكم لبعض عدو) ابتدا الإبتلاء و الإختبار بقى ، و إبتديت/إبتدأت إيه؟ العداوة ما بين البشر و كفره الجن ، (فإما يأتينكم مني هدى فمن اتبع هداي فلا يضل و لا يشقى) (فإما يعني كلما ، فما يأتينكم مني هدى) يعني كلما ، ده دليل إستمرارية البعث ، قرينة هنا على إيه؟ و دلالة على إستمرارية البعث النبوي من الله عز و جل ، (فإما يأتينكم مني هدى فمن اتبع هداي) اللي هيتبع النبي : (فلا يضل و لا يشقى) لن يجد ضلال و لن يجد شقاء ، تمام؟ ، و أعظم الضلال و أعظم الشقاء هو الضلال النفسي و الشقاء النفسي ، تمام؟ .

{وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكًا وَنَحْشُرُهُ يَوْمَ الْقِيَامَةِ أَعْمَى} :

(و من أعرض عن ذكرى) اللي هيعرض ، مش مجرد إنه هيعادي ، لأ ، ده هيعرض بس/فقط ، يعني مش هيعادي كمان دعوة النبي ، لأ ، هيعرض كده يعني و مايهتمش بها ، (فإن له معيشة ضنكاً) نعطيه آلام نفسية ، و معيشة ضنكا مليئة بالتشتت الفظ الأليم ، (و نحشره يوم القيامة أعمى) هيكون أعمى لأنه كان أعمى في الدنيا ، أعمى عمى بصيرة يعني ، لم يرى النور الإلهي و لم يلتفت إلى النبي ، فأصابه الله بالعمى في الآخرة ، كما كان هو أعمى في الدنيا .

{قَالَ رَبِّ لِمَ حَشَرْتَنِي أَعْمَى وَقَدْ كُنْتُ بَصِيرًا} :

(قال رب لم حشرتني أعمى و قد كنت بصيراً) ربنا بيحكي لسان حال الكفرة و المعرضين يوم القيامة ، (قال رب لم حشرتني أعمى و قد كنت بصيراً) أي مبصراً يعني ، ربنا قال له إيه؟ .

{قَالَ كَذَلِكَ أَتَتْكَ آيَاتُنَا فَنَسِيتَهَا وَكَذَلِكَ الْيَوْمَ تُنْسَى} :

ربنا قال له إيه؟ (قال كذلك أتتك آياتنا فنسيتها) نسيت آيات ربنا و نعم ربنا و آيات ربنا مع الأنبياء ، و نسيت الإيمان ، (و كذلك اليوم تنسى) هننساك النهاردة ، يعني إيه؟ هتكون في حالة إهانة ، مهان ، ده معنى النسيان هنا

يعني ، لأن ربنا لا ينسى ، لكن هنا معناه إن ربنا إيه؟ هُيْئِنِه ، نتيجة إن هو أهان نور الله و أهان الأنبياء في الدنيا ، طبعاً هنا الأوصاف دي ، أوصاف مجازية ، (قال رب لم حشرتني أعمى و قد كنت بصيراً) قال كذلك أتتك آياتنا فنسيتها و كذلك اليوم تنسى) ، (و من أعرض عن ذكرى فإن له معيشة ضنكاً و نحشره يوم القيامة أعمى) ، هو كان ، لما كان أعمى في الدنيا عمى بصيرة ، ربنا إيه؟ هُيْئِشْرَه أعمى ، هل معناه إن كل أعمى في الدنيا ، عمى مادي يعني ، هيبقى يوم القيامة أعمى؟؟ لأ ، ف ده معناه إيه؟ عمى إيه؟ آه ، عمى عن نور الأنبياء ، ف هنا ده وصف مجازي ، يبقى في القرآن ، في القرآن إيه؟ فيه مجاز ، تمام؟ ، طبعاً الإنسان لما بيعصى بكون إيه؟ ناسي للإيمان ، لأنه لو الإنسان في حالة الإيمان و في حالة إشتعال جذوة الإيمان ، عمره مابيعصى ، يعني لما بكون حاسس بحلاوة الإيمان بإستمرار مابيعصى ، إمتى يعصى؟؟ لما ينسى الإيمان ، لما ينسى حلاوة الإيمان ، و النسيان ده هو إسمه إيه؟ (و لم نجد له عزماً) مفيش عزم ، مفيش عزيمة يعني ، لأن الإيمان يُعطي العزيمة ، ده معنى إيه؟ (و لقد عهدنا إلى آدم من قبل فنسي و لم نجد له عزماً) عهدنا يعني إيه؟ حذرناه من إبليس اللعين و شياطينه من الجن ، تمام؟ لكنه لما أن رضح لوسوستهم ، كذلك لأنه قد نسي الإيمان و نسي لذة الإيمان و نسي لذة الوصال ، و بالتالي (و لم نجد له عزماً) ، يكون في حالة (و لم نجد له عزماً) ماعندوش عزيمة ، تمام؟ طيب ، حد عنده أي سؤال ثاني؟؟ .

○ و أثناء تصحيح نبي الله الحبيب يوسف الثاني ﷺ لتلاوتنا ، قال لنا :

- الضاد ، الضاد من حروف التفخيم و الإستعلاء و ليس من حروف القلقله ، فلا تقلل الضاد و لا تقل (و لا تضحى) ، و لكن قل (و لا تضحى) .



- طبعاً (ضنكا) يعني الضاد : تشتت فظ أليم ، و الكاف : إنفكاك ، يقعان على النعمة النون ، صح كده؟ ضاد نون كاف ، ضاد تشتت فظ أليم ، الكاف إنفكاك ، النون النعمة ، يعني إنفكاك و تشتت فظ أليم يقعان على النعمة ، هي دي المعيشة الضنك ، ياالله/ها((ليُكمل إرسال تلاوة الوجه)).

- طبعاً (و قل رب) إدغام تجانس أو إدغام جناس ، اللام و الراء ، لام راء جيو و را بعض كده ، يبقى (و قل رب)((تلفظ وُقِرْب)) ، مش (و قل رب)

- طبعاً القصة دي حصلت في الأرض ، في الدنيا ، جنة دنيوية ، تمام؟ لأن جنة عدن اللي يدخلها ما يحصل هوش كده ، و كذلك حدث هذا في الدنيا و كان له تمثل سماوي و تمثل روحاني في عالم الروح و الإيمان ، في عالم الروح و الإيمان ، تمام؟ ، يا الله/هيا ((لتقرأ أم المؤمنين الأولى الوجه المبارك)).

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الأخير من طه .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الأخير من أوجه سورة طه ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الأخير من أوجه سورة طه ، و نبدأ بأحكام التلاوة و أرسلان :

- من أحكام النون الساكنة و التنوين :

الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين حرف من حروفها , و هو نوعان : إدغام بغنة و حروفه مجموعة في كلمة (ينمو) . و إدغام بغير غنة و حروفه (ل ، ر) .

و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد سما دُم طيباً زد في تقي ضع ظالماً) .

و ثم تابع نبي الله يوسف الثاني ﷺ الجلسة بشرح الوجه لنا فقال :

طيب ، يقول سبحانه و تعالى :

{وَكَذَلِكَ نَجْزِي مَنْ أَسْرَفَ وَلَمْ يُؤْمِنْ بِآيَاتِ رَبِّهِ وَلَعَذَابُ الْآخِرَةِ أَشَدُّ وَأَبْقَى} :

(و كذلك نجزي من أسرف و لم يؤمن بآيات ربه) ربنا سبحانه و تعالى بيدّم صفة الإسراف في كل شيء ، (إن الله لا يحب المسرفين) ، الإسراف صفة مذمومة ، يُغضها الله سبحانه و تعالى ، (و كذلك نجزي من أسرف و لم يؤمن بآيات ربه) الذي لا يؤمن بآيات الله عز و جل في الدنيا على أيدي الأنبياء و الأولياء و المرسلين و المحدثين و الصالحين ، فإن الله سبحانه و تعالى يحشره يوم القيامة أعمى كما كان في الدنيا أي عمى ، عمى بصيرة لأنه كان أعمى عمى بصيرة في الدنيا فيحشره الله سبحانه و تعالى يوم القيامة أعمى ، لأن الجزاء من جنس العمل ، (و كذلك نجزي من أسرف و لم يؤمن بآيات ربه و لعذاب الآخرة أشد و أبقي) طبعاً هيكون في عذاب في الدنيا (و كذلك نجزي من أسرف و لم يؤمن بآيات ربه) تمام؟ ، و ربنا بقي بياكد و يقول إيه؟ (و لعذاب الآخرة أشد و أبقي) يعني عذاب الآخرة أعظم و أطول ، نستفيد إيه هنا بقي من القرينة دي ؛ كلمة (أبقي) ، (و لعذاب الآخرة أشد و أبقي) أبقي يعني إيه؟ هنا قورن بعذاب الدنيا ، يعني أنه ينتهي و لكنه إيه؟ شديد و طويل ، لو كان عذاب الآخرة أزلي أبدي يعني لا ينتهي أبداً ، لم يكن إيه؟ هناك مجال للمقارنة أصلاً بعذاب الدنيا ، مكنش ربنا قال (و لعذاب الآخرة أشد و أبقي) صح؟ ، عذاب الآخرة آه أشد و أبقي ، أطول يعني ، لكن هل هو أبدي؟؟ إلى مالانهاية؟؟ لا ، هناك أدلة و قرائن كثيرة جداً تؤكد على هذا المعنى .

{أَفَلَمْ يَهْدِ لَهُمْ كَمْ أَهْلَكْنَا قَبْلَهُمْ مِنَ الْقُرُونِ يَمْشُونَ فِي مَسَاكِنِهِمْ إِنَّ فِي ذَلِكَ لَآيَاتٍ لِأُولِي النُّهَى} :

بعد كده ربنا بيقول إيه؟ (أفلم يهد لهم كم أهلكنا قبلهم من القرون يمشون في مساكنهم) ، (أفلم يهد لهم) يعني ، لها كذا معنى : (أفلم يهد لهم) يعني ألم تهدم عقولهم إلى الأمم السابقة التي كذبت الأنبياء فأهلكناها و أنتم تمشون في مساكن أولئك الأقوام التي أهلكت؟؟ ، كذلك ألم تهدم الصحف الأولى التي كتب فيها تاريخ تلك الأقوام إلى هذه النتيجة و إلى تلك العبرة و تلك العظة فتتعظون و تعتبرون؟؟ ، كذلك ألم يهدكم الأنبياء و الرسل و الصالحين أو و الصالحون إلى تلك العبرة و العظة من الأمم السابقة و القرون التي خلت ، التي أهلكت جراء تكذيبهم للأنبياء ، ألم تأخذوا منهم العبرة ، مع أنكم تمشون في مساكنهم و تعلمون أن تلك الأمم أهلكت بشؤم معاصيهم و تكذيبهم للنبي ، لنبيهم ، (أفلم يهد لهم كم أهلكنا قبلهم من القرون يمشون في مساكنهم) القرون يعني الأمم ، (إن في ذلك لآيات لأولي النهى) دي فيها عبرة و آيات لأصحاب العقول ، النهى أي العقول ، النهى هي

العقول التي تتنبه لنعم الله عز وجل و تقلق بحثاً عن الله عز وجل ، فهذا معنى نهى : الهاء تنبيهه و قلق و بحث عن الحقيقة ، و الإيه؟ النون هي النعمة ، و أعظم النعم هي إيه؟ وصال الله و وحي الله و معرفة الله و صفاته سبحانه و تعالى ، ثم تندرج باقي النعم مستفيضةً من تلك النعمة الكبرى و تلك النعمة العظمى ؛ نعمة الوصال و نعمة معرفة الله عز وجل .

{وَلَوْلَا كَلِمَةٌ سَبَقَتْ مِنْ رَبِّكَ لَكَانَ لِزَامًا وَأَجَلٌ مُّسَمًّى} :

(و لولا كلمة سبقت من ربك لكان لزاماً و أجل مسمى) فاكربين النبي محمد ﷺ لما راح/ذهب للطائف ، و أهل الطائف استهزؤا به و ألقوا عليه الحجارة و أدموا قدمه ﷺ ، تمام؟ ، و لجأ إلى بستان و وجد فيه إيه؟ شاباً اسمه عداس من نينوى في العراق ، و بدأ عداس إيه؟ يأخذ بخاطر النبي ﷺ ، تمام؟ ، في هذه الرحلة ، جبرائيل -عليه السلام- أتى بأمر من الله عز وجل إلى محمد ﷺ و معه ملك الجبال ، يستأذن النبي أن يطبق الأخشبين على الطائف و مكة ، يهلكهم إهلاكاً جراً إيه؟ إستهزاءهم بالنبي ﷺ ، لكن النبي ﷺ رفض و قال : لعله يخرج من أصلاهم من يشهد أن لا إله إلا الله و أن محمد رسول الله ، ف هنا النبي محمد ﷺ راف بأهله في الطائف و مكة ، كان ممكن ملك الجبال بحركة زلازل قوية جداً و براكين ، يطبق المدينتين دول/هاتين ، و كثير من المدن هكذا هلكت و فنت عبر التاريخ ، و التاريخ بيسجل ، بيسجل مثل هذه الحوادث و تلك الأنشطة الزلزالية و البركانية العنيفة و المدمرة ، تمام؟ ، فربنا قال إيه؟ (و لولا كلمة سبقت) إن إحنا/نحن إيه؟ استمعنا لرغبة محمد ، هي دي ، إن هو ما يهلكش الطائف و مكة ، (و لولا كلمة سبقت من ربك) إن هو أذن بإيه؟ بإنفاذ رغبة محمد ﷺ في عدم إطباق الأخشبين أي الجبال على مكة و الطائف ، (لكان لزاماً) يعني لكان عذاب هؤلاء الأقوام لازم ، (و أجل مسمى) مكتوب له أجل و معاد و له عد معدود ، لكن كرامة لمحمد ﷺ رفعنا هذا العذاب ، كرامة له بس/فقط ، أهو ده معنى الآية (و لولا كلمة سبقت من ربك لكان لزاماً و أجل مسمى) هتكونوا إيه؟ ألحقتم كما إيه؟ ألحقت الأمم السابقة بالعذاب و هيكون مصيركم واحد ، لكن محمد ﷺ شفع .

{فَاصْبِرْ عَلَىٰ مَا يَقُولُونَ وَسَبِّحْ بِحَمْدِ رَبِّكَ قَبْلَ طُلُوعِ الشَّمْسِ وَقَبْلَ غُرُوبِهَا وَمِنْ آنَاءِ اللَّيْلِ فَسَبِّحْ وَأَطْرَافَ النَّهَارِ لَعَلَّكَ تَرْضَى} :

(فاصبر على ما يقولون) يا محمد ويا كل نبي ، (فاصبر على ما يقولون)
استمسك بالصبر وصلة البر ، (و سبح بحمد ربك قبل طلوع الشمس وقبل
غروبها ومن أناء الليل فسبح وأطراف النهار لعلك ترضى) ربنا هنا
ببوضوح إن الرضا والسلام النفسي من ضمن أسبابه : التسبيح ، كلمتان
خفيفتان على اللسان ، حببتان إلى الرحمن ، ثقيلتان في الميزان : سبحان الله
و بحمده ، سبحان الله العظيم ، تسبيح ، سبحان الله وبحمده ، سبحان الله
العظيم ، سبحان الله وبحمده ، سبحان الله العظيم ، سبحان الله وبحمده ،
سبحان الله العظيم ، هذا التسبيح يجلب الرضا والسلام النفسي بعد الآلام و
الوجع النفسي الذي يمكن يحصل نتيجة إيه؟ الإستنزاف والتكذيب وعدم
معرفته الله عز وجل ، (فاصبر على ما يقولون وسبح بحمد ربك قبل طلوع
الشمس) التي هو وقت الإسفار ، التي إحنا بنصلي فيه صلاة الصبح ، أفضل
وقت لصلاة الصبح هو وقت الإسفار ، هو ده (قبل طلوع الشمس) ، (وقبل
غروبها) كذلك إيه؟ قبل غروب الشمس ، (ومن أناء الليل) أناء يعني أعماق
الليل ، يعني جوف الليل ، يعني السحر ، وقت السحر ، دائماً كده ، (إن
نشأ الليل هي أشد وطئاً وأقوم قليلاً) ناشئة يعني الدعاء الذي بينشأ في الليل
والدعاء المنشأ في تلك إيه؟ الفترة الزمنية ، يُنشيء إيه؟ الأقدار ، وينشيء
التصاريف بأمر الله عز وجل ، بدعاء الإنسان الصالح ، في جوف الليل ،
في السحر ، في أناء الليل ، في عمق الليل ، هكذا الله سبحانه وتعالى يجعل
هذا الدعاء يُنشئ الأقدار ، وده أمر مجرب يعني ، أمر مجرب ، عن تجربة
شخصية وأنا أدعوكم إلى ذلك ، الدعاء في جوف الليل ، دائماً كده ، دائماً
سبحانه وتعالى ، ربنا بيصحيني/يوقظني في جوف الليل ، على طول كده ،
نمت بدري ، نمت متأخر ، دائماً بأصبحي/أستيقظ السحر ، كده ، أقوم
أُدي/أوذي واجب (إن نشأ الليل هي أشد وطئاً وأقوم قليلاً) ، بحسن بها ،
بكلم ربنا وبحسن بالدعاء إنه يُنشيء أقدار ، شيء عظيم جداً ، شيء عظيم
جداً ، دي تجربة أنا بانقلها إليكم وأدعوكم إلى إيه؟ تجربتها والإستمتاع بها
من وقت إلى آخر ، (فاصبر على ما يقولون وسبح بحمد ربك قبل طلوع
الشمس وقبل غروبها) قبل طلوع الشمس وقبل غروبها ، دي إيه؟ أوقات
تنزل الملائكة ، ملائكة الليل يبسلوا ملائكة النهار ، وملائكة النهار
يبسلوا ملائكة الليل ، الأوقات دي بتبقى مباركة ومشهودة ، (إن قرآن
الفجر كان مشهوداً) ، بتبقى مشهودة ، تمام؟ لأن إحنا/نحن عارفين إن
الملائكة تشهد على أعمالك ، والأماكن تشهد على الأعمال ، والجمادات و
الحيوانات والنباتات والبشر والجن ، كلهم يشهدون على أعمالك ، والله
شهيد على أعمالك ، (فاصبر على ما يقولون وسبح بحمد ربك قبل طلوع
الشمس وقبل غروبها ومن أناء الليل) في أعماق الليل يعني ، (فسبح و
أطراف النهار) بقى الظهر ، العصر ، الضحى : دي إسما أطراف النهار ،
أطراف النهار اللي هي الضحى والظهر والعصر ، (لعلك ترضى) لعلك
تصل إلى الرضا لأن التسبيح آخرته الرضا ، الرضا النفسي ، السلام النفسي
، و دي أعظم إيه؟ من أعظم النعم التي يعطيها الله عز وجل للإنسان ، إنه
يكون عنده رضا .

{وَلَا تَمْدَنَّ عَيْنَيْكَ إِلَى مَا مَتَّعْنَا بِهِ أَزْوَاجًا مِنْهُمْ زَهْرَةَ الْحَيَاةِ الدُّنْيَا لِنَفْتِنَهُمْ فِيهِ وَرَزَقُ رَبِّكَ خَيْرٌ وَأَبْقَى} :

(و لا تمدن عينيكَ إلى ما متعنا به أزواجاً منهم زهرة الحياة الدنيا لنفتنهم فيه) رينا بيأمر النبي بالقناعة و بالتالي بيؤمر إيه؟ المؤمنين تبعاً ، فإن ت تسبح و ترضى و تقنع ، هذا هو سبيل السعادة ، (و لا تمدن عينيكَ إلى ما متعنا به أزواجاً منهم زهرة الحياة الدنيا) يعني في ناس حتى و لو كانوا كفار ، رينا إدهم/أعطاهم نعيم دنيوية (زهرة الحياة الدنيا) ، ماتبصلهمش ، ماتقارنش/لا تقارن نفسك بهم ، ماتعتبرش/لا تعتبر إن النعم اللي هم فيها دي ، معيار للصالح أو لإيه؟ إن رينا راضي عنهم ، ليس بمعيار لصلاحهم و ليس بمعيار لرضا الله عليهم ، أبداً ، هنا رينا بيقدر المبدأ ده عشان نظمئن ، نستريح ، فتلاقي واحد مليونير كده أو ملياردير و معه مثلاً يخوت و طائرات خاصة و عنده أموال كثيرة جداً ، و هو ملحد أو كافر ، هل ده دليل على رضا الله عليه؟؟؟ لا ، رينا بيقدر الحقيقة دي هنا ، و دي حقيقة معروفة ، رينا بياكد عليها ، تمام؟ ، فتخليوا إن رينا بيأمر محمد ﷺ اللي هو أفضل الأنبياء ، بيأمره بالقناعة ، إنه يقنع و لا يمد عينيه إلى إيه؟ إلى أناس عندهم متع دنيوية (زهرة الحياة الدنيا لنفتنهم فيه) رينا بيفتنهم ، بيختبرهم فيه عشان ميزانهم يثقل ، ميزان الإيه؟ العذاب بتاعهم يثقل ، فربنا يأخذهم أخذ عزيز مقتدر ، تمام؟ ، فربنا بيأمره بالقناعة ، تخيل ده إيه؟ أفضل نبي ، رينا بيأمره بالقناعة ، فما بالك بنا إحنا/نحن بقى؟؟ الناس إيه؟ العادية ، اللي إحنا/نحن أتباع محمد ﷺ ، من باب أولى إن إحنا/نحن إيه؟ نوؤمر بالقناعة و نأتمر بالقناعة لكي نصل للرضا و السلام النفسي ، (و لا تمدن عينيكَ إلى ما متعنا به أزواجاً منهم زهرة الحياة الدنيا لنفتنهم فيه) ، رينا بياكد بقى إيه؟ على الحقيقة اللي جاية/الآتية دي : (و رزق ربك خير و أبقى) رزق ربنا خير و أبقى ، اللي هو الرزق الروحاني و الوصال بالله و معرفة الله، و الرزق اللي قدره لك ، الرزق المادي اللي قدره لك و أعطاه إليك ، هو خير و أبقى ، هو فيه الخير كله و أبقى لك في الدنيا و الآخرة ، و هو سبيل نجاتك في الدنيا و الآخرة .

{وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا تَسْأَلْكَ رِزْقًا نَحْنُ نَرِزُقُكَ وَالْعَاقِبَةُ لِلتَّقْوَى} :

و بعدين عشان يتم الرضا و تتم إيه؟ النعمة الربانية ، لازم يبقى في فعل ، إيه هو؟؟ (و أمر أهلك بالصلاة و اصطر عليها) الصلاة اللي هي المفروضة و كذلك الصلاة اللي هي الوسطى ، ذكر الله عز و جل و التفكير في الله عز و جل و التدبر في ملكوت الله عز و جل ، هي دي كل دي من معاني الصلاة ، و كذلك الدعاء في آناء الليل دي صلاة ، صلة ، صلاة ، (و أمر أهلك بالصلاة و اصطر عليها) يعني اصبر ، كل شوية أو مرهم عادي ، كل شيء أو مرهم ، إن فتروا أو مرهم ثاني ، هي دي شغلتك إنك توصلهم بربنا ، فتجعل علاقتهم بالله متينة و قوية ، هو ده إيه؟ مدار نجاتهم في الدنيا و الآخرة ، مدار نجاتهم في حياتك و من بعد مماتك ، إن هم يكونوا متصلين بالله عز و جل ، تتطمئن/تطمئن عليهم ، عشان مايتوهوش/لا يتوهوا في وحشية الدنيا ، و مايتوهوش في همجية الكفار و الناس اللي بعيدة عن ربنا سبحانه و تعالى ، و اللي تاهت في إيه؟ في فتن الدنيا و العياذ بالله ، (و أمر أهلك بالصلاة و اصطر عليها لا نسألك رزقاً) إحنا/نحن ماينطليش منك ترزقنا ، (نحن نرزقك) الله الذي يرزق ، (و العاقبة للتقوى) النهاية الفائزة و الانتصار النهائي هيكون لمين؟؟ للتقوى ، للذي يجعل بينه و بين عذاب الله وقاية ، يتقي الله عز و جل ، ياتمر بأوامره و ينتهي إيه؟ عن نواهيه ، صح؟

{وَقَالُوا لَوْلَا يَأْتِينَا بَآيَةٌ مِّن رَّبِّهِ أَوْلَمْ تَأْتِهِمْ بَيِّنَةٌ مَّا فِي الصُّحُفِ الْأُولَى} :

(و قالوا لولا يأتينا بآية من ربه) من ضمن اعتراضات الكفار ، فين/أين الآيات و المعجزات اللي جاية معك دي يا محمد ، إنت جاي بتقول لنا كلام و خلاص !!!؟؟؟) (و قالوا لولا يأتينا بآية من ربه أولم تأتتهم بينة ما في الصحف الأولى) ما اكتفوش/لم يكتفوا بالبينات و الآيات و المعجزات و الكرامات اللي تم تقييدها أي كتابتها و تدوينها في الكتب الأولى ، اللي هي محفوظة عند إيه؟ ، أهل الكتاب ، ما اكتفوش/لم يكتفوا بها يعني ، و هنا ربنا سبحانه و تعالى بيبين و بيأكد و بيظهر إيه؟ فائدة التدوين و فائدة التاريخ ، لأن التاريخ و التدوين مصدر من مصادر إيه؟ الحضارة ، و مصدر من مصادر إيه؟ المعرفة ، نلجأ إليها و نعتمد عليها ، و ننظر إيه؟ في متضاداتها ، نقرأ للأطراف كافة ، لا نلتزم بطرف واحد ، نقرأ لكافة الأطراف ، ثم نجمع ما بين تلك القراءات ، هنا تكون القراءة الصحيحة أو إيه؟ أقرب إلى إيه؟ الصحيح ، تكون القراءة أقرب إلى ما يكون إيه؟ فيه صحة ، أو إلى ما تكون إيه؟ الرواية الصحيحة ، عندما نجمع الإيه؟ كل القراءات و نقارن ما بينها ، هنا ربنا بياكد لنا على إيه؟ على موضوع الصحف الأولى و كتابة التاريخ إنها مهمة جداً ، و دي حجة ضد إيه؟ الملحدين اللي بينكروا كتابات التاريخ ، بينكروا كتابات التاريخ و ما بيؤمنوش إلا بالتجربة و المشاهدة فقط

، اللي هو إيه؟؟ حسها دلوقتي ، لا ننكر فائدة التجربة و المشاهدة طبعاً ، لكن أيضاً لا نغفل التسجيل و التاريخ ، تمام؟ ، (و قالوا لولا يأتينا بأية من ربه أولم تأتاهم بينة ما في الصحف الأولى) .

{وَلَوْ أَنَّا أَهْلَكْنَاهُمْ بِعَذَابٍ مِّن قَبْلِهِ لَقَالُوا رَبَّنَا لَوْلَا أَرْسَلْتَ إِلَيْنَا رَسُولًا فَنَتَّبِعَ آيَاتِكَ مِن قَبْلِ أَن نَّذِلَّ وَنَخْزَى} :

(و لو أننا أهلكناهم بعذاب من قبله لقالوا ربنا لولا أرسلت إلينا رسولا فنتبع آياتك من قبل أن نذل و نخزى) يعني لو كنا نزلنا عليهم عذاب زي الأمم السابقة ، لقالوا إيه : هو ربنا نزل علينا العذاب إيه؟؟ هو بعث لنا رسول عشان يديننا/يعطينا عذاب أو ينزل علينا عذاب؟ ، يعني هنا ربنا بيشرح نفسية البشر ، إن هي إيه؟ نفسية مرواغة ، نفسية المنافق كده و العاصي بيبقى مراوغ ، ماجالوش/لم يأتى له نبي و ربنا نزل العذاب ، طيب مش كنت تبعث نبي يا رب ، طيب ربنا بعث النبي بيكذبوه ، الله !! و بعدين فيكو/فيكم ، شوفتوا بقى ، هي دي نفسية البشر العاصين ، تمام؟ ، خلوا بالكو ، المعاصي و الفسق و الفجور المنتشر في المجتمعات يورث النفاق جبراً لازم ، و العياذ بالله ، و بالتالي المجتمعات الفاسقة أو التي لا تتق الله عز و جل و التي ينتشر فيها الفحش و الفسق ، من صفات النفاق لازم تتربص بقلوب أولئك البشر ، و العياذ بالله ، فلذلك إيه؟ بدايات الصفاء إن الإنسان يمتنع عن الفسق و الفجور و المعاصي ، يُظهر قلبه ، يتصف بالتقوى ، هنا بقى يبدأ يدخل في سلك الإنسان الطبيعي الفطري ، و بعد كده يبدأ يتزكى بقى و يترقى ، فالموضوع طويل ، و مش سهل يعني ، صح؟ لازم نبقى فاهمين كده ، و بالتالي إحنا/نحن شخصنا أمراض المجتمعات الحديثة التي ولغت في الشهوات و الفسق و الفجور ، صح كده؟ فبالتالي يجب إن نبقى فاهمين طبيعة المجتمعات دي ، عشان إيه؟ نعرف نتعايش وسط هذه الظروف ، نبقى عارفين إن هم إيه؟ أصبحوا ضحايا للمعاصي ، فبالتالي إحنا/نحن لا نصبح ضحايا للمعاصي و هكذا ، فبالتالي لما نفهم الفهم ده ، يكون عندنا قوة نفسية لمواجهة تلك المصاعب ، تمام؟ ، (و لو أننا أهلكناهم بعذاب من قبله لقالوا ربنا لولا أرسلت إلينا رسولا فنتبع آياتك من قبل أن نذل و نخزى) طبعاً (نذل و نخزى) هذا حديث الكفار بسبب إيه؟ العذاب الذي ينزل عليهم ، العذاب ، عذاب الله عز و جل يورث الذل و الخزي في الدنيا قبل الآخرة و العياذ بالله .

{قُلْ كُلُّ مُتَرَبِّصٍ فَتَرَبِّصُوا فَسَتَعْلَمُونَ مَنْ أَصْحَابُ الصِّرَاطِ السَّوِيِّ وَمَنْ اهْتَدَى} :

بعد كده ربنا بيحقق القاعدة دي و بياكد عليها : (قل كل متربص فتربصوا) النبي و المؤمنين متربصين بالكافرين ، و الكافرين متربصين بالنبي و المؤمنين ، مين اللي هينتصر في الآخر؟؟ دائماً كده لازم النبي و المؤمنين دعوتهم هي اللي تنتصر ، ده قانون إلهي ، قانون إلهي ، تنتصر إزاي؟ يعني تنتشر أو تستمر في الدنيا ، تمام؟ و يكون لها فيوض ، الناس تستفيض منها و ترى الحق فيها و ترى وجه الله عز و جل في كلماتها ، في كلمات دعوة النبي ، تمام؟ ، (قل كل متربص فتربصوا) التربص اللي هو الإنتظار ، إنتظار العذاب يحل على الفرقة إيه؟ المضادة ، أو على الأعداء ، تمام؟ ، (فستعلمون من أصحاب الصراط السوي و من اهتدى) هتعرفوا في النهاية مين أصحاب الصراط السوي المكتمل المستقيم ، و مين إيه؟ صاحب الإهداء الذي له طريق الهداية ، طريق الله عز و جل ، طريق النجاة ، حد عنده سؤال تاني؟؟؟ .



○ و أثناء تصحيح نبي الله الحبيب يوسف الثاني ﷺ لتلاوتنا ، قال لنا :

- خلي بالك ، في بداية السورة ربنا بيقول إيه : (طه هـ ما أنزلنا عليك القرآن لتشقى) يعني ربنا هنا بيوصف سبيل عدم الشقاء ، يعني بيوصف سبيل الرضا اللي هو كان في الوجه الأخير ده ، اللي هو إيه؟ التسبيح في الأوقات اللي ربنا قالها دي ، تمام؟ و قبله الصبر ، و بعد كده القناعة ، إحنا لا ننظر إلى ما في أيدي غيرنا ، كذلك إيه؟ الصلاة و أن تأمر أهلِكَ بالصلاة و تصطر عليها ، تمام؟ و بعد كده التقوى ، و العاقبة للتقوى ، كل دي ، هو سبيل عدم الشقاء ، سبيل تفصيلي أهو لعدم الشقاء ، أي سبيل تفصيلي للرضا ، (فاصبر) الصبر ، (فاصبر على ما يقولون) و (سبح) تسبيح : سبحانك اللهم و بحمدك ، سبحان الله العظيم ، (سبح بحمد ربك قبل طلوع الشمس و قبل غروبها و من أناء الليل) تمام؟ (فسبح و أطراف النهار لعليك ترضاً) ، و إيه تاني بقى؟ القناعة (و لا تمدن عينيك إلى ما متعنا به أزواج منهم زهرة الحياة الدنيا لنفتنهم فيه) تمام؟ ، ربنا بيديله/بيعطيه علة الإختبار اللي ربنا إداه/أعطاه للأزواج دول/هؤلاء أو الكفار ، إن هو فتنة ، تمام؟ علشان إيه؟ يرضى ، علشان يرضى ، (و رزق ربك خير و أبقى) تمام؟ رزق الله عز و جل و وصاله خير و أبقى في الدارين ، كذلك (و أمر أهلِكَ بالصلاة و اصطر عليها لا نسألك رزقاً نحن نرزقك و العاقبة للتقوى) هو ده سبيل الرضا أي سبيل عدم الشقاء ، (طه هـ ما أنزلنا عليك القرآن لتشقى) ، و مع إنتهاء الوجه الأخير من سورة طه ، ينتهي الشقاء .

● وقرأ أحمد آيات من سورة البقرة ، و صحح نبي الله الحبيب يوسف الثاني ﷺ تلاوته .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

تم بحمد الله تعالى